

楞嚴經疏解蒙鈔

二 四ノ一

C40  
4514  
(26)



170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

C 40-4614

丁翁座請大慈及  
家書置立武川寺雲山  
我微笑塔院尼府中永  
為學者不敢許出院內  
當山三世鑑牛機謹誌



B 64853

# 大佛頂首楞嚴經疏解蒙鈔卷第四

海印弟子蒙叟錢謙益金

二破滿慈  
相難顯如  
來藏初答  
性生相答  
人性俱復  
次一釋滿慈  
「疑」  
高勸鼓

○長水判經第一大科顯如來藏心之二從此下盡  
本卷中如何自欺尚留視聽○今謙益判經從此去  
至第六卷文殊說偈竟爲經次分之一  
○雖上顯如來藏心大科破滿慈執相難性顯如來  
藏爲大文下之第二大科次下以致請許答釋三來  
科爲承起科以初答藏性生相次答大性俱偏爲大  
科下第一子科藏性科中以一正答所疑二別答違  
妨爲第二子科初中又以初破滿慈能所執見次  
顯述真起妄之由爲重起母科又以通明妄覺托真  
之相廣辨三相展轉生由爲重起子科○又以一立  
因相二辨果相爲別起母科次下因明三相果明四  
輪子母細科以次生起以結答一科爲齊其次答大  
性科至答滿慈慶喜別難二科方竟今初文有三。●  
致請三卽一總述未了三③一展敬伸嘆

經爾時富樓那彌多羅尼子在大衆中卽從座起偏

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

袒右肩右膝著地。合掌恭敬而白佛言。大威德世尊。善爲衆生敷演如來第一義諦。疏如來藏心。不空不有。卽性卽相。名第—義是佛所證。決定無妄。審實名諦。二引經世尊常推說法人中。我爲第一。智論云  
於四衆中用十二部經。種種法門。種種因緣譬喻說能利益衆生第一。又曰。舍利弗智慧中大富樓那說法。種種莊嚴牽引衆情說法中大。今聞如來微妙法音。猶如聾人逾百步外。聆於蚊蚋。本所不見。何況得聞。佛雖宣明。令我除惑。今猶未詳。斯義究竟無疑惑地。疏滿慈子善說法要。衆推無上。今聞佛說未盡領解。猶壞耳者。對微細聲。遠逾百步。詎能明辨第一義疏。微妙寂滅微

細聲也。聞而不解。與不聞等。猶聾人也。言語道斷。心行處滅。逾百步也。說斯等法。令我除惑。猶拘疑網。未盡悔結。故引比也。標指未達藏性。本所不見。何況得聞。五目不覩其容。二聽未聞其響。

三比

經世尊如阿難輩。雖則開悟。習漏未除。我等

論得失

會中登無漏者。雖盡諸漏。今聞如來所說法音。尚紓

疑悔。資中羅漢雖斷煩惱障。而所知障在。疏開悟者如

前獲本妙心。常住不滅也。小乘有學方斷分別。俱生

全在名習。漏未除。補遺云。熏習之習。指俱生。思爲有漏。卽下文根中積生。無始虛習。

學。尚紓疑悔。初果之輩。解悟不疑。答煩惱所知。二障

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

老別人執法執輕重不同故正理論云或有於境智

不及愚所論凡夫善通三藏羅漢不識赤鹽

標指藏中說法

預婆羅門問羅漢何名赤鹽鹽有幾種羅漢曰我知  
法預輕慢比丘今復惱我鹽止是鹽佛言此羅漢未  
從師學不能答鹽有比丘名弗跡盧汝可往問比丘

荅云鹽有二義一種味如大海水同一鹽味二性味  
有黑鹽赤鹽辛頭盧鹽拔遮鹽毘藍遮鹽以所知障  
私多鹽畧語二種若生若煮是名鹽義

障法界理羅漢雖得無漏煩惱輕故尚糾疑悔所知

重故阿難雖得開悟所知輕也習漏未除煩惱重也

熏聞云阿難從初據人法二執述空如來藏其迷則重  
滿慈於此懷性相兩疑迷不空如來藏其心迷則輕又  
則空如來藏理猶易明不空如來藏義復難解是故  
阿難初果發起於前滿慈無學對揚於後廿日除細惑  
意在茲矣△交光云疑悔二心所也疑屬根本悔屬  
不定糾者疑悔交繩未決定義凡二別叙凡二疑二

遷流終而復始資前破人法一執顯空如來藏今顯  
不空如來藏故有此疑熏聞云前文但總畧而說且  
疑問廣談世間等義山河大地依報也諸法生起之由故今  
報也依正各有生住異滅故云次第遷流等△溫陵  
云清淨則宜無諸相疏前五句引所聞卽同圓覺剛  
本狀則宜無遷流

藏云若諸衆生本來成佛也云何下五句敘疑難卽  
同彼云何故復有一切無明彼反難云若諸無明衆  
生本有何因緣故如來復說本來成佛今經無此難  
者意已含故復有牒而縱之責無窮過卽同下文別

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

答違妨也。然剛藏所問反覆成難文聚一處。鉤鑽相連如來答釋亦總示云。世界始終念念相續。一切對待皆由分別生死垢心輪迴妄見未離妄見而辨覺性。遂令覺性成諸輪轉。乃至結云。如是分別非爲正問。今經問既前後答亦隨問。二經答意廣略雖別。大旨攸同。如彼經云。種種取捨。皆是輪迴。未出輪迴而辨圓覺。彼圓覺性。卽同流轉。若免輪迴。無有是處。等此卽責剛藏不了圓覺自性。絕諸對待。生死涅槃。猶如昨夢。遂引無明生死。有爲以斥衆生本來成佛。故佛斥此。正是生死垢心。分別妄見。遂令圓覺成流轉。

也。由是舉喻雲駄月。運舟行岸移等。今經卽以常說本性覺體妙。明明妙。反而責之以辨滿慈解惑之心。解則已知覺體本妙。無明本空。山河大地如空花。相夫何致疑惑。惑則能所妄分。強覺俄起三細爲本四輪。成界。遂有世界衆生業果相續。斯皆未出輪迴而辨圓覺。彼圓覺性。卽同流轉。故二經之意。問答並同。也。然此是法空門下。疑難大節。最障修證。満慈跡雖小。聖經今圓通述悟。無非大途。故所陳難。剛藏無異學者。至此請細觀之。二大性俱偏疑。經又如來說。地水火風。本性圓融周徧法界。湛然常住。世尊若地性徧。云何。

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

容水水性周徧火則不生復云何明水火二性俱徧虛空不相凌滅世尊地性障礙空性虛通云何二俱徧法界疏此約世諦水火性異難第一義性相俱融下文答云觀相元妄無可指陳觀性元真唯妙覺明妙覺明心先非水火云何復問相凌滅義吳興云大本性周徧以如來藏妙真如性爲彼諸法性故法相則虛妄法性則圓通満慈起難則迷諸法所依一真如性以爲堅溼暖動之諸性故○引證法華玄義云所謂觀一切無相如四大各各不相離地中又有水火風但地多以地爲名今觀無此異相若火中有三大三大應併熱若三大在火中三大遂不熱則不名火若三大併熱則三大捨自性皆名爲火無復三大若言有三大而細不可知此與無何異則火中諸相不可得一切法相亦不可得三雙結求誨經而我不知是義攸往惟願

如來宣流大慈開我迷雲及諸大衆作是語已五體投地欽渴如來無上慈誨疏據說則本然清淨不徧乎融據今則宛爾山河碩垂水火莫知所往孰是孰非○二許宣經爾時世尊告富樓那及諸會中漏盡無學諸阿羅漢如來今日普爲此會宣勝義中真勝義性疏如來常依一諦說法謂世俗諦勝義諦今所說者異乎常說資中謂勝義勝義諦也一真法界中道實相無法不收無法不徧上聖下凡情與非情皆成佛道斯爲極唱最後垂範也桐洲注云牒前七大皆勝義論第一義今說性覺妙明等生山河之本卽勝義中真勝義性○唯識云勝義論畧有四種一世間勝義謂蘊處界等二

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

道理勝義謂苦等四諦三證得勝義謂二空真如四  
勝義勝義謂一真法界此中勝義依最後說是最勝  
道。所行義故爲簡前三故作是說此諸勝義法。凡二類益經令汝會中定性聲聞  
及諸一切未得二空迴向上乘阿羅漢等皆獲一乘  
寂滅場地真阿練若正修行處疏方便教說定性二  
乘無性闡提不得成佛如焦芽敗種等今此會通咸  
歸一乘究竟涅槃通釋定性聲聞一類也及諸一切  
性迴心不迴心皆歸一乘也溫陵別開迴心向大者爲一類則未會五性成佛之宗涅槃經云  
我於餘經說有聲聞不得作佛非於此經作如是說  
涅槃佛性即如來藏亦名一乘亦名首楞嚴二經同  
味不亦宜乎斯則會五性融三乘了義極談莫斯爲

最 秤伽云一聲聞性二辟支佛性三如來乘性四不  
定乘性五無性謂一闡提佛地莊嚴瑜伽三論大  
同楞伽△孤山云經指定性皆獲一乘遂知五性之  
宗乃方便之說五性者三無二有祖於彌勒宗於天  
親析薪於玄奘克荷於慈恩立言垂範自爲極唱今  
准此經乃知權說△清涼鈔云疏引法華二文以證  
一定性二乘皆成佛義言減損佛性者以五性之中唯  
一性半有佛性耳謂菩薩性及不定性之半以不定  
性容有無故餘三性半一向言無謂一無種性人二  
定性聲聞三定性緣覺言一半者卽不定性中或無  
是也言恐謗一乘者以罪怖之然以佛昔說三乘五  
性今法華云一乘一性謂一切衆生有如來知見更  
無餘性故涅槃亦云佛性者名爲一乘以凡是有心  
定當作佛故彼疏自立爲一乘而其立義定有五性  
却以一乘而爲方便此豈不是謗一乘耶阿練若云無喧雜首楞嚴王自

集云阿練

若或言阿蘭若大論翻遠離處薩婆多翻閑靜處天  
台云不作衆事名之爲閑無憊惱故名之爲靜或翻

無爭，謂所居不與世爭。即雖深落五里，言可憇也而

寂音詔所見不與世同。自萬象洛至華嚴應法師。寂音詔師分三類。一達磨阿蘭若。卽華嚴之初謂說。諸法湛寂無起作義。二摩登伽阿蘭若。謂塚間處去。

村落一俱虛舍。大牛吼聲不及處。三檀陀阿蘭若謂沙蹟之處。宗鏡云。大乘本生心地觀經云。當修學者但有一德。是人應住阿蘭若處。云何爲。謂觀一切煩惱根元。即是自心。了達此法。堪能止住阿蘭若處。

不悟自心。徒栖遠谷。避喧求靜。舉世未有其方。若頓了自心。是經汝今諦聽。當爲汝說。富樓那等欽奉法真阿蘭若。

音默然承聽。二答釋二①一答藏性生相疑。二②一正答所疑。二③一牒疑。經佛

言富樓那如汝所言清淨本然云何忽生山河大地  
△二正答△廿女常不聞如來言說生覺妙明本覺

唯一真心。況當不聞妙法。宣說妙法。惟是世尊。我嘗聞佛宣說斯義。心賦

注云此二覽義幽旨難明若欲指陳須分皂白大約經

論。有二種覺。一性覺。一本覺。有二種般若。一本覺般

**若始覺般若有種心。自性清淨心。二離垢濁淨心。有一種真如。一在纏真如。二出纏真如此八種。**

**名隨義分異體卽常同**。長水疏云：一真如心是佛，當說或名法界，或名實相，或如來藏性，或妙淨明心。一經之內，尚有多名。况諸經說。

一切衆生。祇具性覺。本覺般若。自性清淨心。在纏真  
耶。名雖有異。一體無別。皆顯法界一相本來平等。今

如等於清淨本然中。妄忽出於山河大地。以在纏未離障故。未得出出纏真如等。若十方諸佛。二覺俱圓已。具出纏真如等。無有妄想塵勞。永合清淨本然。則不更生山河大地。諸有爲相。如金出鑛。終不更染塵泥。

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

似木成灰豈有再生枝葉將此二覺已豁疑情疏五  
七大虛妄有生虛妄名滅生滅去來本如來藏不動周圓妙真如性性真常中求於去來迷悟生死了無所得若了斯言何山河之忽起有爲之遷流耶何致問於如來耶故茲責問已釋疑盡已上皆永明文宗鏡三界初因章並同

○一永明第一總科如疏釋云世界相續文中三一先辨二  
 真二明其三相三明其四輪今按宗鏡第七十七問章訖厥後永明自注心賦又將此解重立科段訂正貼釋較前義門尤爲精密長水疏稟承於此惟無所非明科稍異今鈔引據心賦全文仍依經文定其倫次而以宗鏡餘義及長水經疏參合夾注勿厭繁文  
 且第一先辨二真者此中先辨二真卽長水唯一真心科也言二真者  
 一性覺妙明二本覺明妙也性覺妙明者是自性清

淨心卽如來藏性在纏真如等本性清淨不爲煩惱  
 所染名爲性覺宗鏡引下經云佛告阿難及諸大眾汝等當知有漏世界十二類生本覺妙明覺圓心體與十方佛無二無別乃至一人發真歸元十方虛空皆悉消殞等以此文證卽知凡聖同此妙明之覺  
 本覺明妙者出纏真如等從無分別智覺盡無始妄念名究竟覺始覺卽本覺悟本之覺名曰本覺故起信論於真如門名爲性覺於生滅門名爲本覺由逃此性覺而有妄念妄念若盡而立本覺以性覺不從能所而生非假修證而得本自妙而常明故曰性覺妙明以始覺般若明性覺之妙故曰本覺明妙又真如之性性自了故則性覺妙明以始覺之智

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

了本性故則本覺明妙。

宗鏡又摩訶衍論有四種覺

清淨始覺。四染淨始覺。若論本始明昧之事皆依染淨之覺得名。若清淨覺原愚智俱絕。非迷悟之所得

之能詮。故經中常說真如爲迷悟依。

如万象依虛空。無所依。

故言我常聞佛宣說斯義。

所以滿慈領言云云。卽同起信立一心分真如生滅

門以本性清淨是性覺義但以性中說覺如水火  
性本具因緣。非是悟已而更起迷故悟時始立本覺  
處故將二覺之名以答富樓那難訖。△疏此就真如  
門約體絕相以告也。性覺本覺指體也。妙明明妙顯  
用也。顯不由他故云性覺性自覺故性自明故豈由

於他顯非有始故名本覺本來覺故本來明故豈因

始有。

真際云興福以性覺爲妄本覺爲真資中以在  
其體靈鑒性卽覺故此覺圓明絕諸名相故名妙明

本覺明妙重釋上句也。本覺者本性自覺非有所覺  
故明妙者覺體自明非因所明故。

又體無改易故名性覺相非生起

故名本覺體相寂滅心言不能及故稱妙靈鑒不昧  
昏惑不能暗故名明妙明明妙左右言耳或可寂而

常照故稱妙明照而常寂故曰明妙。

孤山云本亦性也變其文耳。宗

則三諦俱宗照則三諦俱照祇是

本性之覺妙明互融故作兩句說此顯法界一相真

覺無二圓覺亦云

一切覺故圓覺普照寂滅無二古

人所解各隨其意云云在彼不能具叙。

吳興云二句義與性色真

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

空性空真色辭異意同。上云忽生山河大地。下云無同異中熾然成異。卽循業發現之謂。又前正明破妄顯真。此多說從真起妄故資中以空不空二藏收之頗得其旨。△天如云佛欲顯山河大地由妄覺生先標真覺以立本下乃雙舉真妄詰其所解方便勾引以顯妄覺。

(一)永明第

上來雖於迷悟二門說一覺相而未廣辯

起妄因由先真後妄故次下明卽當第二明三相門

文分爲二初立因相次立果相卽起信論三細義初

立因相文又分三(第一總問覺明之號第二別答能所斯分第三同異發明結成三相

(二)二起諸妄法卽約生滅門隨緣成事以釋記文三一總問覺明又爲承起科

經佛言汝稱覺明爲復性明稱名爲覺爲覺不明稱爲明覺(永明)且初總問覺明之號者科佛言云云釋曰

何故作此問耶謂前標一覺之號性體卽是覺明妄起必託於真故使依真起問且佛問意汝稱覺明爲復覺性自明名爲覺明爲復覺體不明能覺於明故稱覺明是明之覺疏此之一問定其解惑也解則不合致疑惑則此非正問問意云汝聞我說性覺妙明爲作何解爲此覺體本性自明名爲覺明爲復覺自不明由覺他明明與覺異名爲明覺覺明之號由誰而立故云汝稱等此之二意一正一邪定滿慈答爲得何意得正則無疑惑邪則生妄故此一問定其解惑也

溫陵云汝所謂覺所謂明意作何解爲復本性自明靈狀不昧故稱爲覺耶爲復性自不明用性

承明科翌  
卷四  
之考聖賢  
卷開覺門

卷三

卷四

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

卷之二  
科別列  
覺耶  
第二答由所覺

心覺之。故稱爲明覺耶。靈狀不昧者真覺也。用心覺之者妄覺也。△吳興云。不明猶云無明也。爲是覺無明顯於明性。方稱明。

經富樓那言。若此不明名爲覺者。則無所明。

永第二別答能所斯分者。科富樓那

言云。云釋曰。准富樓那答意。必有所明。當情爲其所覺。若無所覺之明。則無覺明之號。但可稱覺。而無所明。故云則無所明。據佛本意。性覺本體自明。不因能見所明。方稱覺明。以真如自體。有大智慧光明義。故祇緣迷一法界。强分能所。故成於妄。疏據斯答意。覺體自不能明。必須別假他明。爲其所覺。若無所覺之明。但可獨名爲覺。不得兼稱覺明。若欲兼稱覺明。必

有明爲所覺。斯則但認於邪。以爲妄法生起之本。

浪

云佛以明與不明二義。雙微滿慈。但認明之一邊。故如是答也。佛之本意。覺性元明。必不因他而稱明覺。覺妙明。覺圓明。圓覺一相。無二無別。此唯真覺。更無別法。除一實相。餘皆魔事。滿慈起教。示自不知。妄認所明。遂成迷倒。

天如云。若謂覺

了無明。稱爲明覺。則有能覺與所明矣。既有能力。所非妄而何。富那未解詰意。乃以覺不明爲是意。謂必有。所明。方名爲覺。不知纔有所明。卽壇明覺無窮妄業。由是而生。故下文云。覺非所明。因明立所等。△已上總問。別荅二科。永明長水並同。永明釋。若此不明三句。別有又釋。一科。釋若此不明已下。爲滿慈領悟。之詞。通釋至立。因相科盡。文云。又釋。若以不明名爲覺者。則無所明者。故知覺體本無明相。佛證實際實不見明。若見於

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

明即是所明既立所明便有能覺但除能所之明方稱妙明此妙之明是不明之明不同所明因明立照故華嚴經云無見即是見能見一切法肇論云般若無知無所不知矣宗鏡結云離此立見皆成諸過心至文詳之賦注廣釋乃至因此復立無同無異逐章隨釋經佛言若無所明則無所覺有所非覺無所非明無明又非覺湛明性按此章永明長水科後依長水先永段少異今先依永明以次列釋明科第二同異發明結成三相者經曰佛言若無所明則無明覺云乃至因此復立無同無異釋曰此文正釋述真起妄之相也若無所明則無明覺者牒富樓那語也有所非覺無所非明者正破

也若要因所明方稱覺明者此乃因他而覺非自性覺故言有所非覺如緣塵分別而有妄心離塵則無有體豈成真覺宗鏡不可將斷滅之心以爲本來真覺故無所非明者若能覺之體要因所明方稱覺明者若無所覺之明則能覺之體便非是明故云無所非明故知覺之與明乎相假立本無自體豈成自性圓明之覺故云有所非覺無所非明此文雖簡約道理昭然無明又非覺湛明性者縱破也顯妄覺之體無湛明之用若言但覺於明何須覺體自明者則自性非明便無覺湛之用故云無明又非覺湛明性承明科若無所明二句牒有所非覺無所非明

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

正破無明二句正破。△長水科初二句總牒所計。  
所非覺破無所非明一句別牒所明。次二句破。△次  
長水科卽三約計叙妄二次承起下又生母科。○初  
且破滿慈能所執見。一正顯迷真起妄之由。初中文三  
公一破真性壇能所釋。佛言若無所明等三句。

**必有所明方稱明覺**。若無所明無明覺者佛卽破云。  
有所非覺也意云若有能所焉稱真覺夫真覺者離  
能所相見道偈云若時於所緣智都無所得爾時住  
唯識離二取相故經云不了心及緣則生二妄想了  
心及境界妄想則不生上文云覺所覺眚覺非眚中  
故知有所非真覺也。二破妙性非湛明。初一句別  
牒所明若如汝言必有所明方稱覺明。若無所明但

可名覺者次二句破云如來常說覺湛明性豈得無

溫陵云覺離能所

明若實無明不合名爲覺湛明性

諸相故無所非明若果非明又不得謂之覺湛明性當知有所無所是明非明皆爲妄度非妙明明妙之性真也△私謂有所無所永明二句對破皆以正破所明爲主無明二句乃縱破妄覺也長水別牒有異難破則同總是於因相中指出因明立所爲建立同異之元本耳溫陵諸師逐文對破謂離能所則非有所能照了則非無所是中了無賓主又捨離因明立照之旨而別責非明失照之過則迂而無當矣則師解若無所明二句謂如來痛斥明覺之妄如云若得果無所明則無明覺矣豈不幸哉如來將幸人之不明得全於渾沌墨穴之中乎斯有文無理之談也①三結示真妄二覺經性覺必明妄爲明覺。永性覺必明妄爲明覺者釋妄覺託真之相也何以得知妄覺初起有覺明之相耶祇緣性覺必有

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

真明所以妄覺託此真明而起影明之覺執影像之  
明起攀緣之覺述真認影見相二分自此而生覺明  
之號因茲而立問曰此之妄覺爲見性明而起爲不  
見明而起若見真明不合成妄若不見真則不名爲  
覺明答曰本性真明非妄所見妄心想像變影而緣  
不了從自影生妄謂見明之覺以初無別相唯有真  
明妄心想像此明故有覺明之號△疏上句結真下  
句結妄性覺必有真明故云性覺妙明本覺明妙妄  
謂明異於覺是故汝言若無所明則無明覺以有所  
明方稱覺明故解惑之見於焉可辨吳興云本性之  
覺必具湛明之

性以不了故妄爲能覺之明所覺之覺△私謂上真  
下妄古釋大同溫陵言宗照曰妙明了別曰必明妙  
真而必妄此曲說也○二正顛述真起經覺非所明  
妄之由二印一通明妄覺託真之相  
因明立所明覺非所明因明立所者次下正明三相  
相因而起也夫一真之覺體性雖明不分能所故云  
覺非所明由影明起覺能所卽分故云因明立所疏  
真覺之體本有妙明不逐緣生非由境起本來寂照  
法界一相故云覺非所明因此真明無明不了妄執  
爲所由是一念纔起四惑俱生本識初相莫不是此  
起信云由不如實知真如法一故不覺心動而有於  
念又云不生不滅與生滅和合非一非異名爲阿黎

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

耶識是此真明爲執所認而立所明也此卽真如不守自性爲妄所見便爲所相如前燈光爲眚所見便成圓影此名無始住地無明瓔珞經云四住地前使無法起故最極微細卽此所相也△永明起因明立所盡因此復立無同異  
接前文般若無知一段。若因明起照則隨照失宗此則元因覺明起照生所立照性遂亡

合釋

永明起因明立所盡因此復立無同異

接前文般若無知一段。若因明起照則隨照失宗此則元因覺明起照生所立照性遂亡

則是識精元明能生諸緣所遺者乃是但隨能緣之相覆真唯識性一向能所相生如風鼓水波浪相續澄湛之性隱而不現從此迷妄生虛空之相復因虛空成立世界之形於真空一心畢竟無同異中熾然建立成諸法究竟之異皆因情想擾亂勞發世界之塵迷妄昏沈引起虛空之界分世界老子爲異立虛空清淨爲同於分別識中又立無同無異皆是有爲之法盡成生滅之緣未洞本心終成戲論是永明一科總文依經文移置於此宗鏡文同引三廣辨三相展轉生由二又重生母科二〇一立因相二辨果相初中二二別示經所既妄立生汝妄能無同異三相三已一異相

永明三同  
異熟脩繕成  
三相即長水  
三相三已  
轉告  
廣辨相展

中熾然成異永明所既妄立乃至熾然成異者最初立異相也起信云由不如實知真如法一故不覺心起而有其念名爲動相卽是業相旣云不了一法界相不覺而起卽是無同異中熾然成異疏起信名爲業

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

相故云以依不覺故心動說名爲業覺則不動動即有苦果不離因故此經名爲異相者異有二義一相望論異謂不覺則動覺則不動動異不動故二當體論異謂此業相具能所故有生滅故今此文云所既妄立生汝妄能者卽當體論異也真覺妙明本非所相無明不覺妄認爲所妄所成故妄能隨生能所二心不相離也吳興云能所同時前後異語無同異中熾然成異者卽相望論異也一真之體離言說相離心緣相故無名動相異靜心故括庭月三相依不覺心動義多於有情言之然亦非無世界現相

同異能所妄分二相俄起顯然成立相異無相也亦名動相異靜心故

六龕相對之可知也二同相

經異彼所異因異立

同

永明

異彼所異因異立同者卽轉相也異彼動相故

云異

正立

彼所異初之動相異一真故此之同相異動相

故因異立同者前之初起名之爲動動必有靜相形

而立

故云因異立同靜相似真故名因相疏起信名

爲轉相故云以依動故能見不動則無見轉者起也

轉前動心

起成能見故今言異彼所異者能異卽同

相所異卽異相欲異異相須立同名前異於真今異

補遺云前業與真已自成

異今境界之異與前不同待異立同又龕顯故

事類要少卷五之

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

亦名靜相。動靜異故此靜待動。非絕待靜。故云因異

立同。

海印云。所異卽熾然成異。謂無明爲能異。世界爲所異。今就異中。據有一法不同。所異之世界乃虛空也。所謂述妄有虛空。以恒一故。定三無同異相。

經同異發明。因此復立

無同無異。

永明同異發明。因此復立無同無異。卽現相

也。形前二相而立。故云同異發明。非前二相。故云因此復立無同無異。起信卽云。業相轉相。現相。此經卽云異相同相。無同異相。此爲無明強覺能所初分。展轉相形。立此三相。以剎那生住異滅體雖總是賴耶。約生滅相裏。有其因種。因必有果。約當現行所感位別。至果相中。當廣料簡。疏起信名爲現相。故云。以依

能見故。境界妄現。離見則無境界。此則梨耶三境現也。今云同異發明者。由前同異二相。相形顯發。故遂令心相轉竈。能成外境。形對前二而立。此名非前靜相。故名無同。非前動相。名爲無異。此則待同異之無同異。非絕待之無同異。故云同異發明也。此之三相本識分齊。流注生滅念念不息。非凡夫二乘之所能覺。由彼一念無明所起。起信名爲不相應染。唯佛究竟故文云。依無明熏習所起識者。非凡夫能知。亦非二乘智慧所覺。謂依菩薩從初正信發心觀察。若證法身。得少分知。乃至菩薩究竟地。不能盡知。唯佛窮

170 1 2 3 4 5 6 7 8 9 180 1 2 3 4 5 6 7 8 9

190 1 2 3 4 5 6 7 8 9

了。海印云。

以虛空靜而世界動。動靜發明則又立。

法以爲無同無異乃衆生也。

以衆生有色相不同。

虛空有知覺不同世界此則迷中從三細現相而有三相明即業相能即轉相所即現相斯由不生不滅與生滅和合非一非異而分三相微而未著故曰三細今文既云熾狀成異又云同異發明應是六龕境

界又若以惑性所具應在性覺必明及覺非所明二句中攝其猶木具火性未有燒相今熾狀發明豈是性具耶資中以論業轉現三細配今三義乃至長水亦復承用諸有學者試爲甄明苟失大塗請從良導

△通釋雲樓云吳興配釋三細先能而後所不曰業轉現而曰業現轉皆所未安勾居云無同異中熾狀成異等因動發相因妄忽生乃現相也岳師指因明等爲三細熾狀等爲六龕一失也如是擾亂等牒前三

三細引起六龕指爲牒前三六二失也空印云成異立同從此一念於心光中同異相待又現一相非虛空同非器界異正是現識中所現境界如鏡現像未有分別不立名言故直言同異等不言空界等名論

釋現識云能現一切境界猶如明鏡現於色像隨其五塵對至即現無有前後何乖此中熾狀之義決不應屬六龕也△竹庵補遺云今研味經文斟酌起信配三細相准起信業相初動與真差異不分所能即此經妄爲明覺也彼疏云此雖動念而極微細能所不分即當黎耶自體分也覺非所明至生汝妄能轉相也疏云如是轉相雖有能緣以境界微細猶未能辨之此經以本性爲所豈非微細是本識轉相義也論云三者境界相以能見故境界妄現即此經無同異中熾狀成異也前業轉微細能所不分故無同異生起依報色空故曰熾狀成異對上業轉得熾狀名對下六龕還成三細耳同異發明已下謂依前現相境界生起六龕也△私謂業轉現三相依論配經資中永明義門詳確後師配釋紛如唯竹庵指妄爲明覺爲業相可扶昔義以業相相及境界不可分別卽當黎耶自體分也岳師暨義一往遺拂竹庵已下相繼料據清涼云無明能生一切染法皆是不覺相故六龕遠亦從無明生就頭者說境界耳故知名曰無無明則三細六龕一念皆具動必有苦果不離因故楞伽云境界風所動論亦云依無明風動清涼此文迢

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

大司  
科立

狀玄解始亦岳師之良

經

如是擾亂相待成勞勞久

道也

二總指釋成

發塵自相渾濁

明

第二果相者經文如是擾亂乃至

彼無同異真有爲法釋曰彼前三相乎相形待剎那生住異滅動息不住相待成勞勞久發塵自相渾濁者勞是勞累塵是塵垢既述清淨之體亂成塵想塵想相渾能覆真性故名爲濁疏如是三相乎相擾惱乎相雜亂形待不息遂成勞倦如勞目睛則有狂花三相虛妄染汙真性故名爲塵汨清淨體令失明潔故名爲濁濁之籠細名相五重皆由此三而爲根本也致果二四一由細引籠經由是引起塵勞

煩惱

明永

由是引起塵勞煩惱者覺明熏習積妄成塵

擾惱

明

相熏故名煩惱疏

由前三細引起四籠謂智相

相續執取計名也

此四正

是二障之體以妄想內熏

境界外熏因緣具足由是方生故云引起染汙勞累

造業受報輪轉無窮皆由於此卽煩惱道也

溫陵云

根本煩惱下引六籠卽枝葉也染汙爲塵擾

動爲勞憂莫爲煩迷亂爲惱四籠之總相也下業果

衆生卽後二籠

世界衆生相續卽業繫苦相

業果相續卽業繫苦相

有境界緣故復生六種相此卽六籠也

二因

起信云以

爲世界靜成虛空虛空爲同世界爲異彼無同異真

有爲法

明永

起爲世界靜成虛空者果相現前也起是

內感外

經

起

東京大學綜合図書館所藏

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

動相動即是風。因風動搖積成世界。故云起爲世界。動息之處。卽名爲靜。是前同相結成虛空。故云虛空爲同世界爲異。彼無同異真有爲法者。彼前無同異相結成有情含藏識也。此之識體無分別性。故云無同無異而能變起一切之相。故云真有爲法。自後一切諸塵境界能熏所熏隨所發現。皆從此識而生。故起信名爲現識。能現六塵境界。故問曰。起信三相總是賴耶。何故。此中別配現識。答曰。此之三相總是無明。前後相熏分能立所起信攬前因種。總是賴耶。此經以果相現行。分能變所變。卽世界爲所變。現識爲

能變能變。既是賴耶。故配現識。又起信云。不生不滅與生滅和合。非一非異。名阿梨耶識。卽此經無同無異。相名阿賴耶識。起信舉初攝後。此經舉後攝初。因門果門體亦不別。疏起卽是動。動卽異。相論云起念動卽是業相也。異名老別。爲世界體。世爲遷流界。爲方位。前後改轉。隔別不同。故名世界。皆由內有異相爲本。故云起爲世界。靜卽同相同名。不異形前老別動亂。故名爲靜。卽虛空之體也。虛空無老別動轉。由內有同相對動之靜。爲此因故。故云靜成虛空下二句。結由二相也。彼無下指現相。亦名現識。此就梨耶三相具

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

足成就位說名真有爲法以能成就八識六塵及根身種子等前之二相雖亦有爲三相未具能事未辦故成就位方說有爲又此一相名無同異濫前所說真如覺體亦無同異故此特指是有爲法卽知非是真無同異無同異言真妄俱有由此揀故無相濫失  
吳興云彼指上之詞真猶實也上云無同無異名濫於理今指其體實有爲法耳然此三相說雖次第起卽同時所感外器虛空及有情根一念頓現亦非前後不可以說之次第而責現之後先耳。  
無盡云彼無同異非無同異中熾狀成異之同異乃同異發明復生無同異之同異△雪浪云起爲世界等者以卽今一念之逃例同無始之逃汝清淨心中因明立所之一念卽無始成世界之逃也汝一念無同無異非本狀無同異之理故是真有爲法也

○三總科

第三明四輪成世界

卽承前三相起爲世界

靜成虛空彼無同異真有爲法既言世界虛空及有情相世界卽地水火風四輪次第從何妄想變此不同有情卽內根外塵四生果報受業輪迴此之分位卽有衆生相續業果相續自此已下三廣明今且辯四輪成世界文又分二初明四輪成界疏二後辨草木山川正明果相二一世界相續二一辨其相二一明四輪所起四一風輪

經覺明空昧相待成搖故有風輪執持世界

明且四

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

輪成界者釋曰覽明空昧相待成搖者釋風輪及空

界相也由初妄覺影明不了遂成空昧疏曰由前所

妄能所卽影明能卽妄覺此之覺明全無明無明昏鍾偏迷法界卽成空昧故下文云汝見虛空偏十

方界空見不分等見卽妄覺也如障明生闇二相相形覺明卽是動

相空昧卽是靜相一明一昧一動一靜刹那相生如

風激浪相待不息於內初處

於內生滅卽名爲搖於外卽

風輪

初起

是故

世界

之

初

風輪爲始

空昧卽

是虛空既無形相不名世界

虛空

卽爲

世界

所依故

空立

世界也

△海印云

世界乃唯識所變之相分由

逃一真法界依覺明之無明對晦昧之頑空爲世界

生起之本能所相待明昧相傾由此知見與無明風

鼓動成氣充滿虛空如生空室又如鼓扇積陰不休

風力愈火故曰一切世界風力所持又一切世界皆依無明妄心而得安住持故有風輪執持世界此風大種也○引證華嚴出現品云如依虛空起四風輪能持水輪何等爲四一名安住二名常住三名究竟四名堅固此四風輪能持水輪水輪能持大地令不散壞是故說地輪依水輪水輪依風輪風輪依虛空虛空無所依能令三千大界而得安住疏曰四輪相依準俱舍論次上水輪次上更有金輪然其世界或說三輪成謂風水金或說五輪謂下加虛空上加大地今欲稱法合成四輪則地中含金金亦地故○俱舍頌云空界大風起傍廣數無量厚十六洛叉金剛不能壞此名持界風空界者前界壞劫之後第二十空劫也洛叉此云億謂此風輪厚十六億阿毘曇論云世界空二十劫後乃有毘盧風鼓之以爲風輪最居其下厚九億六万由旬廣十二億三千四百五十旬數量小不同大抵風輪居下也瑜伽論云有大風輪量等三千大千世界從下而起與彼世界作所依持爲欲安立無有宮殿諸有情類論云謂諸有情業增上力先依最下依止虛空有風輪生如是風輪其體堅密不可沮壞設有洛叉力人以金輪杵奮威懸

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

擊金剛有壞風輪無損。○智論云此三千大千世界在虛空中風水上水上地地上天須彌山有二天處至夜摩天等七寶地風擎空中乃至大梵天皆七寶地皆在風上。○二金輪經因空生搖堅

明立礙彼金寶者明覺立堅故有金輪保持國土。明因空生搖堅明立礙者釋地相也因空與明相待成

搖搖能堅明以成於礙。疏曰無明生滅形待不息故云因空生搖執認所明堅持不捨故云堅明立碍如胎遇風卽成堅凝亦是執明生礙義於

內卽是覺明堅執於外卽成金寶。金輪次起故云彼金寶

者明覺立堅故知寶性因覺明有是故衆寶皆有光明堅而用明也。

小乘但知業感而不知是何因種

吳興云金以堅爲義亦由情堅之所感也輔行以地大爲事堅執心爲情堅應知七識六識俱有執義等

攬愈固結成相分外色故云結暗爲色彼金寶者乃明覺所成之堅寶有光明得堅覺之性也須彌以下以空既妄立搖於妄明執堅凝故有金輪矣。○海印云既有無明風依空鼓動返吹藏識體中無知覺明執窮故曰金藏雲升至光音天也北山云大雲升空降雨如軸積風輪上結爲水輪水輪最上堅凝爲金如乳停膜是爲金輪俱舍云水輪厚八洛又因本經云水聚六十万由旬水上別有大風吹轉此水於上成金如熟乳上生膏是名金輪厚三洛又二万由旬通取水入金三成十一洛又也此明金輪依水輪水輪依風輪風輪依空輪空輪最在下金輪最在上論云諸有情業俱感風起搏擊此水上結金輪如熟乳停上凝成膜故水輪減唯厚八洛又餘轉成金瑜論云卽由彼業增上力故於虛空界金藏雲興從此降雨注風輪上次復起風鼓水令堅此卽名爲金性地輪上堪水雨之所激注下爲風颶之所衝薄此地

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

成已。經堅覺寶成搖明風出風金相摩故有火光爲變化性。明釋火性也。堅執覺性即成於寶搖動所明卽出於風動靜不息卽是風金相摩於外卽成火光能成熟萬物故言爲變化性。疏前一句指前二性爲生火之由於內則生滅不停堅執不捨於外則動搖不息堅剛難壞乎相摩觸而有火生如取火法鑽燧與木一堅一動火能鎔散成熟萬物故云爲變化性。

孤山云變化性者火能變生爲熟化有成無也。△海印云堅覺之寶旣成搖明之風復出二者相對爲火大種。○四水輪經寶明生潤火光上蒸故有水輪含十方界。

明釋水輪也寶明之體性有光潤爲火

羹蒸水便流出又覺明生愛愛卽是潤於內卽是愛明於外卽成寶潤。

疏曰於內則愛明堅執操心識火流遂成水火以五行論之金生水金是水之母水是金之子故生潤卽金之含育也火尅金火是金之賊既母被尅故子下流爲水輪也如金中含水下以火蒸則其水騰氣流汗而下也△海印云寶爲地體何以火蒸逆火爲水大論云須彌山四寶所成亦名金剛山知金剛爲地體也日月行於山腰照臨一四天下界視之蒼蒼在上界則寶地也下方衆生業火所蒸空中雨雪霜露皆寶氣上蒸之水衆生常居寶壇藏又如倉貯米水輪亦尔由風所持令不流散

170 1 2 3 4 5 6 7 8 9 180 1 2 3 4 5 6 7 8 9

頌云。次第金藏雲布雨滿其內。先成梵王界乃至夜摩天風鼓金水成須弥七金等。釋曰。此明器界成立之相。北山云。三輪既成。雨自空飛。注金輪上滴如車軸。風吹此清者上升。自上至下。先成色界。梵王天及欲界空居四天也。須弥七金等在清濁之間。瑜伽云。卽由彼業增上力故。空中復起諸藏界雲。又從彼雲降種種雨。然其雨水乃依金性地輪而住。次復風起。鼓水令堅。卽由此風力所引故。諸有清淨第一最勝精妙性者。成須弥盧山。

○合永若中品性者成七金山。

○釋明

故四大性平相假

籍體不相離。同一妄心所變起故。如虛空花不離心

疏作

故愚人不了心外執法顛倒見故

疏

然小乘宗

水輪在前。金輪在後。與此不同者。而不知風輪持水。即是堅礙。約相在後。舉性在初。故風輪後卽說金輪。手鑑云。祇此風輪。其性堅礙。便是金之相也。又彼但知增本性。又地以堅持爲義。卽是金之相也。

上業感而不知是何因種以教非了義龕相說也。吳興

云。此與俱舍異者。彼約安立世界。自下升上。以成其次。此約生起世界。由內感外。以成其次。大小義別。不須通會。釋要云。此約性。故金先水後。彼約相。故水前

金後。慈師云。論妄則金乃居先。說常則水居其下。安立論。其理勢了妄推本爲先。兩義既成。寧勞貳妨。不知何因種者。不知賴耶。變生也。內身外器。皆謂增土

業之所感。而不知一念妄心。變茲三境。此結判也。△孤山云。四輪不言土輪者。土與金同是堅性。俱屬地

大。故彼說四大。此談五行。五行數廣而義狹。以不言

謂。万法自五行變起。五行由妄覺發生。盛談子母生

丈夫。劣妻勝之事。此皆出日者家經中罕言。只用四

大爲正。○永明科次下辯山川草木之異。疏。○二明諸相發生。經火騰水降。交發立

堅濕爲巨海。乾爲洲渾。以是義故。彼大海中火光常起。彼洲渾中江河常注。明妄性不恒。前後變異。所感

之

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

外相優劣不同。愛心多者卽成巨海。執心多者卽成洲潭。風性生慢。火性生嗔。於色起愛潭中流水。違愛生嗔。海中火起。水邊平地曰潭。釋文爾雅。水中可居。水中沙潭曰潭疏。海賦陰火潛伏。火炎上而就燥。水降注而流濕。交干擊發立成堅凝火。雖炎上而相擊發。終爲水克。故大海廣而洲潭狹也。孤山云。水交於火。火交於水。其堅溼爲巨海。水降之所立也。乾爲洲潭。火騰之所立也。觀海中火起。則知火交於水也。視洲中河注。則知水交于火也。△海印云。由四大種爲後天之五行。生成万物。此火金生水。水火生土也。火炎土潤。交合空中。水火旣濟。陰陽和而生子。故水火俱堅實成形。其本元溼性。流爲四大海水。本元火性。結而成土。故有四大洲諸小洲等。水含父之性。故海中火光常起。土得母之性。故洲潭中江河常注。以水火乃稱性之水。

火此交發立堅。水火相敵。乃水火相濟。故相生也。下水勢劣火。故有山石草木。乃相剋以成物也。

水勢劣火。結爲高山。是故山石擊則成燄。融則成土。勢劣水。抽爲林木。是故林藪遇燒成火。因絞成水。永明慢增愛多。結爲高山。疏曰。外則水勢劣火。內則嗔愛。增愛微噴。復加慢結。爲高山。愛能生水。水能長養。故抽草木。或嗔愛慢。三平相滋蔓異類成形。草木山川千老萬品。孤山云。水勢劣火。謂水大少。火大多。以此相合。則品結成高山。舉融擊以驗其二大所成也。王勢劣水可知。△海印云。以前水火旣濟。而勢相敵。故爲洲爲海。今水火未濟。水勢劣火勢不能敵。而火上燄遂結爲高山巨石。以其受父之性。故擊石成燄。得母之性。故融則成水。石中有火。山頂有水。石根多澗類可知矣。此猶屬先天性火。但性不相敵。故成有形之山石。土勢劣水。下此五行水土生木也。以受父之氣。

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

故林藪遇燒成土以得母之氣分。草木遇綏成木也。二結相續。

明永先從妄想結成四大從

爲種以是因緣世界相續。

疏明先從妄想結成四大從

四大性愛慢滋生離有情心更無別體故云交妄發  
生遞相爲種以是因緣世界相續是以云世界欲成

之際舉念全收非唯世界但有成壞萬法悉從心生

故經云成劫之風壞劫之風皆是衆生共業所感業

由心造豈非心耶

疏

先從明昧搖動有風輪風搖明

立有金寶金風相摩生火性火蒸金潤有水生水火  
相交勢有勝劣水勝火劣爲海洲火勝水劣爲山石  
土劣水勝爲草木等外相雖爾皆由內心內心無變

外豈老別經且約外故云遞相爲種

孤山五交妄發生

諸事也覺明空昧相待成搖爲風輪種因搖立疑爲

金輪種風金相摩爲火大種金火復爲水大種水火

又爲海洲種水土復爲草木種應了此諸妄法於一

真性如空中花處空處本無有興爲種發生卽是

妄具妄體無實唯是覺明故觀妄具唯見真具○引

證楞伽經云大慧彼四大種云何生造色謂津潤妄

想大種生內外水界堪能妄想大種生內外火界飄

動妄想大種生內外風界斷截妄想大種生內外地

界注云首楞迦四大則起於覺明楞伽叙四大則生

於妄想是知循歸三界醞釀四生皆覺明妄想之咎

也○二衆生相續二辨其相二經復次富樓那

明妄非他覺明爲答所妄既立明理不踰宗三界有

法識外無文皆從內外四大成盡是一心虛妄變古

鈔釋首楞嚴明妄非他者其妄最初因自心動有風

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

因執有金因愛有水因求有火。皆是自心變起四大還自分別結業受生。故非他累覺明爲咎者。由強覺了本體明爲咎。則無知覺明。有知明覺如人見不淨便生厭心。由分別故。但無分別妄見。唯見法性淨土疏明謂顯發。妄之顯發別非他緣。但由自己一念不能所妄分。以爲過咎覺明卽能所也。所明旣已成立。引生能覺之心念念相續。莫能離念。故真明妙理爲念所礙隱。而且廢不能踰越而顯現也。雷庵云。所妄既立。則妄明之理彰焉。理法也。性也。六妄因之成就。四生以之變局。不能超此妄明之性法也。△吳興云。明妄卽妄明也。言此妄明之牘。更非他法所成。全是真覺起於妄明而爲過咎。覺明爲咎。已是妄能。故但言所妄。

旣立卽前因明立所妄明之性。非局而局。故曰明理不踰。△溫陵云。明妄者。指堅明。明覺搖明之性。特覺明妄心爲咎。○通釋明妄二字古釋以明爲頭發之義。而茗溪卽指爲妄明。桐洲注云。謂明了支妄發。生世界之相續。非從他有。融室廣注云。明爲妄者。非他本覺。要明爲咎。二師皆仍依長水。△定林云。世界以空昧爲牘。衆生以覺明爲性。由覺明故得有空昧。世界如此衆生力也。二者相續。故曰覺明爲咎。○二結成根

經以是因緣聽不出聲見不超色色香味觸。六妄成就。由是分開見聞覺知。宗六識取塵。由業識發起後。有第七識執第八識中明。變起外四大引起六根塵。六根塵引起六識。六識依六根塵。因外有色。內引眼根等。疏無明爲因。所明爲緣。展轉相形。至無同異。於此一相。分出根塵。根塵旣偶識。生其中。根境識

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

三爲業之性。各自取吸。不行他緣。故云不超等。卽於前所明。分出六塵。於前妄覺。開成聞見等。由是前云覺明爲咎也。

吳興云。以是下示不踰相下云。元依一精明。分成六和合。

△溫陵云。以不踰故

聽見六根。於是妄局色香六塵。於是妄染覺知六識。於是妄分根塵識。三爲業性。故發起妄業。此六道四生之始也。

△融室云。妄既立爲所妄。明則實爲妄明。因

此緣此。不達本覺妙明之性。以視聽爲視聽。憧在聲色之中。致令六塵而成六妄。遂將一妙覺性。分開爲見聞覺知。

○二辨生類初因二。○一舉類總標

經同業相纏。合離成化。

疏文資中

胎卵有情。要因父母同業相感。故云

合離。合處溼生。離處化生。不由父母同業相感。故云

古長水依古釋。分別判

合離成化。卽生之總名也。皆名變化故。

右長水依古釋。分別判

四生。△證真云。合離成化者。四生之總名也。下文云情想合離。更相變易。是也。右敏師合判四生。△孤山云。同業相纏者。與父母同業。皆起想愛。更相纏縛。也。合離成化者。於愛境則合。於憎境則離。由此愛憎成其變化而託胎也。△右圓師順下二節單判胎生。上來三解不同。今從苦溪溫陵。依古釋。分別判四生爲當。△二就因別辨二。○一攬

△二就因別辨二。○一攬

塵成種二。●一情想所因。經見明色發明。見想成異見成憎。同想成愛。

疏見謂妄見。明卽所明。因見有明想。遂得成就。故云明見想成。

其境與想異。異卽違也。

明能發色。△孤山云。妄心見妄境。故云見明。色發。卽於得中陰身。所謂游魂也。鬼無色身。而有五通。六根猛業。利眼見極。遠愛染習氣極。尋所愛之境。愛境立現。故云見色。因明起見。見能生想。明見想成者。依妄境。起明發。乃成於憎。色同於心。同則順也。遂生於愛。是所憎境。識神必趨其所。旣見明色。其境與想異。異卽違也。

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

同想。謂母是所愛境。女子託胎反此。海印云。男女交合之際。識神守之。男則愛母。憎父。女則愛父。憎母。

異則但想無愛。同則想愛俱行。由是受胎。須資想受。

定林云。從性見起。名爲見明。見明然後色發。如盲眼前。唯見黑暗。則不能發色。從見明起。見爲明見。明見然後想成。如明眼人無分別見。則不能成想。○引證瑜伽第一云。何生。由我愛無間已生故。無始樂著戲論。因已熏習故。淨不淨業因。已熏習故。彼所依体。由二種因增上力故。從自種子。卽於是處。中有異熟。無間得生死。生同時。如稱兩頭。低昂時等。而此中有必具諸根。造惡業者。所得中有。如黑耀光。或黑闇夜。作善業者。所得中有。如白衣光。或晴明夜。又中有眼。猶如天眼。無有障礙。唯至生處。所趣無碍。如得神通。亦唯至生處。又此中有。有種種名。或名中有在死生。二有中間生。故或名健達縛。尋香行。故香所資故。或名意行。以意爲依。往生處。故此說身往。非心緣往。或名趣生。對生有起故。當知中有除無色界。一切生故。又出三處。現前得入母胎。於中有處。見其父母共行邪行。乃起倒覺。見已自行。或唯見男。或唯見女。如是漸近彼處所。不見父母餘分。唯見男女根門。卽於此處便被拘碍。死生道理。如是應知。●二結成種類。

經流愛爲種。納想爲胎。交遘發生。吸引同業。故有因緣。生羯羅藍。遇捕羣等。疏種謂已受愛取所潤。卽異本之種也。故云流愛爲種。

釋要云。異本之種者。此不

種子。此是泡胞異本。已受愛之種也。卽有支。如世間穀麥。已苞浸者也。手鑑云。異本種者。愛取未潤時。名未起種。由愛取潤已。卽泡胞異本。名現起種。

胎卽正約現行。一念識心生

起之時。然種卽想愛。俱爲種。胎卽想愛。俱爲胎。經文存略。各舉一也。

圓覺鈔云。流愛者。謂無始愛之習氣。任運流注。相續不斷爲種者。如女人愛

此是俱生之愛。俱生之愛方能助潤。於業受生故也。如俱舍說男胎。於母如妻想而忌於父。女胎。於父如夫想而忌於母。父母於子。三處情

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

想。于相交合。于相遭遇。引發吸取界趣同業。令歸一處。結成胎藏。故云交遘發生。吸引同業。

交遘是種子現行。平相資

熏和合之義。吸引者因緣相牽。如磁叶針同業者宿所造之業成熟。今爲人爲畜等也。

因三處情想爲緣。

釋要云。三處情想。子亦於父母起生愛想。界趣同業。同其界類。也若異界異類。則無受生理。

羯羅藍等胎中前二七

也。若至三七胎卵卽分。故約前二未分位說。

冥興云

想十二因緣中識也。若想已入胎。卽屬於名。羯羅藍等。卽是色也。○復舍偈云。最初羯刺藍次生頰部。晏從此生閉戶。閉戶生健南。次鉢羅奢。後髮毛爪等。及形根色。相漸次而漸增。釋曰。羯刺藍。卽歌羅遷。或羯邏藍。此云薄酪。亦云凝蘇。胎中五位。此初七日內。名維穢。父母精血相和。名雜。自肺不淨。名穢。大集經云。歌羅遷時。卽有三事。一命。二煥。三識。出入息者。名爲壽命。不臭不爛。名之爲煥。此中心意。名之爲識。卽是

刹那覺知心也。三法和合。從生至死。依此識。親生種子。卽是命根。頰部晏。或過蒲晏。胎二七日內。名庖。猶如跋豆。瘡泡之形。表裏如酪。未生肉故閉戶。此云更內胎三七日。名凝結。謂凝結如就了。內健南。此云堅肉。胎四七日。名凝厚。漸次堅硬。鉢羅奢。此云肢節。亦云形位。內風所吹。生諸根形。一身四肢。生老別故。胎五七日。名胎中五位。六七日。名毛髮爪齒。位七七日。名具根位。以五根圓滿漸次生識。卽未具空明等緣。○引證宗鏡云。有情於中有自臨末位。第八識初。一念受生時。有執取結生。相續義。結者繫也。屬也。於母腹中。念受生。便繫執爲彼故。亦如磁毛石吸鐵。鐵如父母情血二點。第八識如磁毛石。一剎那間。便攬而住。同時根塵等種。從自識中。亦生現行。各爲執取結生故。○瑜伽第二爾時。父母貪愛俱極。最後各出一滴濃厚精血。二滴和合。入母胎中。合爲一段。猶如熟乳。凝結之時。當於此處。一切種子。異熟。所攝執受。所依阿賴耶識。和合依託。云何和合依託。謂此所出濃厚精血。合成一段。與顛倒緣中有俱滅。與滅同時。卽由一切種子識力。功能故。有餘微細根。及大種和合。而生。及餘有根。同分精血。和合搏生。於

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

此時說識已住。結生相續。卽此名爲揭羅藍位。又此揭羅藍色與心心法安危共同。故名依託。由心心法依託力故。色不爛壞。色損益故。彼亦損益。是故說彼安危共同。又此揭羅藍識最初託處。卽名內心。如是識於此處。最初託。卽從此處最後捨。○二分爲四生。經胎卵濕化隨其所應。卵唯想生。胎因情有濕以合感化以離應。匝略卽四生廣卽十二。如下廣辨四生起時業與情想相應之處。卽便受生。故云隨其所應。情想合離。四生皆具。今各舉一。據多分說下經自有情想多少等。已下同資中文想多情少。卽受卵生。卵殼中生。多分是想以想輕利故。如飛鳥魚龍皆迅疾也。故云想生。情多想少。卽受胎生。以情多重墜不能輕舉也。故云情有濕化染香處。不因父母同業相感。但以情潤卽受溼生。但自情想與溼氣合。卽便受生。故云合感。但隨想處。不假情潤卽受化生。化亦自想。懸想勝化。故云離應。俱舍偈云。倒心趣欲境。溼化染香處論曰。若溼生者。染香故生。謂遠觀知生處。香氣使生愛染。往彼受生。隨業所應。香有淨穢。若化生者。染處故生。謂遠觀知當所生處。便生愛染。往彼受生。隨業所應處有淨穢。豈於地獄亦生愛染。由心倒故。起染無失。云云。△冥興云。流師以第八卷情想多少釋卵胎二生誤也。彼據衆生善惡二業。開內外二分。情爲內分。想爲外分。此但約愛取之心。以此望彼。茲屬內分耳。又內外二分。其義甚寬。今之情想。唯說受生之時。與彼大異。且胎生之龍。豈不迅疾。卵生人。豈便輕舉。又豈可胎生俱屬內分。卵生悉屬外分耶。節敏璿師皆用沈義益未之思也。△私謂岳師辨駁。一往縱橫。赴實求之。未爲應理。一者。情想紛飛。業識變現。緣境起滅。剎那不住。安得區分。界分。判後之。情想別開二分。此之情想專屬內分。二者善惡二業。皆因愛取一念。離愛取無善惡。離善惡無愛取。以

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

是故造業殊因則黑白晴闇橫分中有之光得福異報則棘廁天宮自現入胎位肉身比量終廣狹豈知捨身受身安得判今之愛取爲內分後之善惡爲外分三者多生業識種爲命根一報千生輾轄輪轉今以受生臨命限隔初終胎位肉身比量終廣狹豈知捨身受身離三事來先去後誰是主人乃至魚龍迅疾或屬胎藏人道重墜或依卵殼斯乃變化弘多豈可致疑多分節敏璣師咸宗沈義三占從二請事斯言○引證俱舍偈云於中有四生有情謂卵等傍生具四地獄及諸天中有唯化生鬼通胎化二論曰人傍生趣各具四種人卵生者謂如世羅邬波世羅生從鶴卵鹿母所生三十二子般遮羅王五百子等人胎生者如今世人溼生者如曼駛多羅遮羅邬波遮盧鵠變菴羅衛等化生者唯劫初人傍生三種共所現見化生如龍揭路茶等一切那落諸天中有等其根無缺支分墮生無而欵有皆唯化生鬼趣唯通胎化二種鬼胎生者如餓鬼女白目連云我夜生五子隨生皆自食晝生五亦狀雖盡而無飽或云晝夜各生五百子○諸經要集云婆沙問曰四生六趣相攝云何爲生攝於趣爲趣攝於生卽自答云生攝一切趣

非趣攝於生謂生中陰增當知非趣攝故知生寬趣狹以化生寬故全攝二處及三趣少分地獄趣中一向化生問六欲諸天旣行欲同人何故無有胎生答欲愛雖同行事不等故樓炭等經言四天忉利男女形交而無泄精自上四天一向全異以天化生故從母膝化起○二結相續更相變易所有受業逐其飛沈以是因緣衆生相續資中情想不常刹那變易或先胎而後卵或先溼而後化離合無定故云更相變易等補遺云卵存出殼之思故曰想胎鍾俱生之愛故曰情溼以物合受生化以形離自變皆一往分屬不可盡理而求也如下十二類生中一一皆有八萬四千飛沈亂想唯佛與佛乃能知之故俱含云於一孔雀倫具一切種因非餘智境

界唯一切智知證真云有情無始熏造一切界起種子在本識中唯佛能了且舉孔雀一

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

類尚難知疏所有受報隨業善惡故云逐其飛沈  
況餘類耶如法一故遂乃情生智隔相變軀殊隨其善惡業緣  
升沈受報△金剛刊定云梵語僕呼縛那此云衆生  
智論云五蘊和合中生故云衆生瑜伽云思業爲因  
卵胎溼化爲緣五蘊初起爲生然三界衆生不出五  
道以四攝五亦得具足①三業果相續

二○一辨其相二○一正辨三○一欲本

經富樓那想

愛同結愛不能離則諸世間父母子孫孫續生不斷是  
等則以欲貪爲本疏愛欲情深乍相纏縛結滯難捨  
故云不離父母生子子復生孫子子孫孫續生不斷  
皆欲爲本也按清涼鈔引瑜伽云貪有五種一於內  
身欲貪二於外身淫欲淫貪三境欲境貪四色欲色貪五薩迦耶欲薩迦耶貪大乘法於欲  
欲欲貪有多解今疏依經釋殺盜三故但云欲爲本

死相續欲因愛生命因欲有衆生受命還依欲本愛  
欲爲因性命爲果疏曰既性命由淫淫復由愛故云  
愛爲根本由愛身故還爲欲因復感未來生死果報

如是展轉相續

疏

化濕胎隨力強弱遞相吞食是等則以殺貪爲本疏  
爲貪故殺用滋我命以強制弱殺害不止故爲殺本  
疏

疏

盜本經以人食羊羊死爲人人死爲羊如是乃至十  
生之類死死生生互來相噉惡業俱生窮未來際是

等則以盜貪爲本疏不與而取故名爲盜今非理食  
他卽奪其命也以惡業故同處一世令怨對相值更

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

平訶償盡未來際相奪不止皆盜爲本。

楞伽第四

無量因緣不應食肉謂一切衆生從本已來展轉因緣嘗爲六親以親想故不應食肉實义云從無始來在生死中轉回不息靡不曾作父母兄弟男女眷屬易生而受鳥獸等身云何於中取而食之△交光云如入万釋種遭琉璃誅殺人知毀罵近緣不知食魚遠因。此方太平時恣意殺噉三五百年人之享福者福盡業現畜之訶報者殺盡爲人皆帶殺冤遂成殺劫佛智深遠勅斷殺業乃止殺禁亂之元本也。○二釋經汝負我命我還債汝以是因緣經百千劫常在

生死

疏

釋殺盜也

按長木本

經文云汝負我命我還

債汝乾道本卷後注有本云我還

汝債此會解及流俗本之所宗也今以文義委釋汝

負我命猶言汝曾殺我汝是我冤家也我還債汝猶

言我重殺汝汝又作我債主也多生業債如汲井輪

兩言之內展轉含攝佛言善巧非不可思議亦見古人

潤文之妙也若云我還汝債則文義違背詞俚淺而

意不該其爲傳寫之誤明矣則師以爲文義互見應

徒口耳習串溺於所聞却云古本未必是今本未必非此雖龕義亦熏習積述之一端也○三結答是

答釋摠科

經汝愛我心我憐汝色以是因緣

相續

釋欲貪也

三結

經唯殺盜

疏

殺盜姪三正

是

業道皆由貪愛以之爲緣故此三種皆云貪也業因

苦果相生不斷故云相續

答是

經富樓那如

是三種顛倒相續皆是覺明了知性因了發明從妄相生山河大地諸有爲相次第遷流因此虛妄終而復始

本明註問三界初因四生元始莫窮本末罔辨

答

釋摠科

答

經富樓那如

苦果相生不斷故云相續

三結

答是

經富樓那如

是三種顛倒相續皆是覺明了知性因了發明從

妄相生山河大地諸有爲相次第遷流因此虛妄終

而復始

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

根由。莊老指之爲自然。周孔詔之爲渾沌。最初起處。如何指南答。欲知有情身上真實端由。無先我心。更無餘法。謂心法剎那自類相續。無始時界。展轉流來。不斷不常。憑緣憑對。非氣非稟。唯識唯心肇論鈔云。老子云。無名天地始有名。萬物母。若佛教意。則以如來藏性。轉變爲識藏。從識藏變出根身器世間。一切種子。推其化本。卽以如來藏性爲物始也。無生無始。物之性也。生始不能動於性。卽法性也。光未發處。尚無其名。念欲生時。似分其影。初因強覺。漸起了知。見根纏分。心境頓現。首楞嚴經云。皆是覺明。明了知性。乃至因此虛妄。終而復始。釋曰。此皆最初因迷一法界。故不覺。念起。念起。卽是動相。動相。卽是第一業識。未分能所。乃覺明之咎也。海印云。因無始妄動一念而有無明故。曰覺明。從此變作能緣。流成了相。卽明了知性爲第二見分轉識。牒上因明立所。後因見分而生相分。卽因了發相爲第三相分現識。牒上生汝妄能。△溫陵云。覺明。明了知性。汝妄能也。妄爲明覺也。了發明。因明立所也。妄見。生能也。能所纏分。盡成虛妄。皆因強覺覺明。分能立所。起明了之解。心境歷然。運分別之情。自他宛爾。何者。見分生於翳眼。相分現於幻形。於是密對根塵。堅生情執。從此隔開真性。分出湛圓於內執受。知覺作有。

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

識之身。於外離執想澄成無情之土。遂使鏡中之形影滅。而又生夢裏之山河。終而復始。因茲有情心內親。無情境中。隨想念而標形碍。遂使外則桑田變海。海變桑田。內則親作怨由。怨爲親種。互爲高下。反覆相酬。從茲業果恒新。苦緣不斷。但以本原性海不從能所而生湛爾圓明。照而常寂。只爲衆生違性不了。背本圓明。孰有所明。成於妄見。因明立所觀之境。因所起能觀之心能所相生。心境對待。隨緣失性。莫返初原。不覺不知。以歷塵劫。疏覺明妙體。本有明了知性。卽性覺妙明也。長水孤山。指覺明爲性。覺妙明與宗鏡有別。因本明了。迷成所相。卽因明立所也。故云因了發相。此之所相。由妄分別。故云

從妄見生。此卽總結前來三種相續。皆由迷本真明立成所相。所必生能展轉蘰著。遂成世界衆生業果次第遷流。皆不離一念無明妄覺也。

私謂此文以捨結爲正。孤山以捨似非通義。世界文中捨三相云。眞有爲法。豈可說正報耶。

△二楞云。世有過未現界。有成住壞空。生有卵胎溼化。業有姪殺盜。三種相續。不斷現行。皆由最初一念忽生之種子。所謂種種幻化。皆生如來圓覺心。○引證首楞嚴三昧經云。文殊師利言。迦葉是耆闍崛山。誰之所造。是世界者。亦從何出。迦葉言。一切世界。水沫所成。亦從衆生不可思議因緣出。文殊言。一切諸法。亦從不可思議業因有。

○原人論云。從初念業。相分爲心。境之二。心既從細至蘰。展轉妄計。乃至造業境。亦從微至著。展轉變起。乃至天地。此心乃至造業境。乃成二分一分。與心識和合成人。一分識所變之境。乃成二分一分。與心識和合成人。一分不與心識和合。卽是天地山河國邑。○宗鏡云。八地已去菩薩。能任運變大地爲黃金。攬長河爲酥酪。此

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

是境隨真智轉所變事皆成若離心有外實境如何  
大地山河等能變肇法師云万事万形皆由心成豈  
待變而後飾蓋是變衆人之所見耳是以衆生見爲  
土石山河皆是業之影現菩薩純爲妙慧即是真  
智之所流<sup>△</sup>二別荳違妨二初荳答所疑別荳違妨爲第二子科第二科  
子科下分正荳所疑別荳違妨爲第二子科第二科  
下以伸難喻釋爲承起科次約真如生滅二門釋明  
荳藏性生相一科方竟今二問荳違妨科有二<sup>△</sup>初  
滿慈伸難二如來喻釋今初也經富樓那言若此妙覺本妙覺明與  
如來心不增不減無狀忽生山河大地諸有爲相如  
來今得妙空明覺山河大地有爲習漏何當復生疏  
妙覺明心與佛同體本來無妄由乎強覺忽認所相  
便有妄生佛今已得妙空明心何時忽然復起諸妄  
此卽牒而縱之責無窮過也卽同剛藏云十方異生

### 本成佛道後起無明一切如來何時復生一切煩惱

圓覺鈔云剛藏所述疑情佛頂經富樓那亦有此難  
彼云若此妙覺本覺妙明此云十方異生本成佛道  
後起無明彼云如來今得妙空明覺此云一切如來  
彼云山河大地有爲習漏何當復生此云何時復生  
一切煩惱將彼對此昭然可解疏云此上三難者意  
云本來是佛煩惱何生若無生中妄生起者如來成  
佛同本無生無生之中還應妄起成佛義等生否應  
齊齊生卽果佛何尊齊否卽因違現事進退不可故  
有斯云鈔云言成佛義等者天真成佛無所不成非  
除却妄染塵勞添益真淨功德不增不減故衆生本  
來成佛亦狀故云等也生否應齊謂生與不生也衆  
生與如來俱無生故皆應不生煩惱若云無中不  
生者皆應生也因違現事者因位凡夫之流現見貪  
惑熾然如何言無故云違也△孤山云無狀猶言無  
故也△海印云滿慈要頭述悟同源本無生滅故有  
此問○疏△一如來喻釋二一約真如門釋二約生及  
滅門釋初門泯相顛實故約述方空花以喻無明

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

山河等元來不起。昧不可得。迷心翳眼。雖有起滅。正方虛空了不移動。妄心妄境似有生滅。眞覺妙明。何曾變改。次門卽攬理成事。故約金鑣灰木可鍊可燒。以喻果成惑滅。二門四喻。雖各不同。皆顯悟後更不再逃也。(一約真。如門釋二。)(二)一除迷方正喻。無明本空二。(三)一正喻二。(四)一問答。迷本無因。

經佛

告富樓那。譬如迷人於一聚落。惑南爲北。此迷爲復因。迷而有因。悟所出富樓那言。如是迷人亦不因迷。又不因悟。何以故。迷本無根。云何生迷。悟非生迷。云何生悟。疏。人聚可居。故云聚落。迷人衆生也。聚落。如來藏也。南性明也。北所明也。惑無明也。南相不動。惑故見北。性明無變。迷故立所。此迷妄出。故今徵之。令知無生。卽見無明本空也。

西方實。不轉衆生亦尔。無起信云。如人迷方謂東爲

明。逃故謂心爲忘。心實不動。○二問答。悟後不妄。

經佛言。彼之迷人正在迷時。倏有悟人指示令悟。富樓那於意云何。此人縱迷於此聚落。更生迷不。不也。世尊。疏。悟人善友也。指示教行也。令悟十方如來也。滿慈於法有疑。於喻明解。故佛舉喻以問。令解法如喻。○二合題。經富樓那。十方如來亦復如是。此迷無本。性畢竟空。合初昔本無迷。似有迷。覺迷滅。覺不生迷。合次疏。迷卽無明。亦名爲癡。亦名不覺。不覺卽覺。故云性畢竟空。約真如門。

昔本無迷。約生滅門。似有迷。覺卽所迷。本覺亦即始覺也。覺迷。迷滅者。始覺智起。覺盡無始妄念。合本

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

覺時更無始本之異。唯一妙覺。豈更生妄。故云覺不

生。逃。宗鏡云。從來逃悟似逃。今日悟逃非悟。△海眼注。覺逃者始覺也。不逃者本覺也。始本一覺。無復重述。豈不覺成覺覺。猶不覺耶。本覺無逃。因逃立

悟。悟逃逃滅。本覺湛然。○引證。圓覺文殊章云。無始無終。悟逃逃滅。本覺湛然。

來種種顛倒猶如逃人。四方易處。疏云。皆覺合塵。由顛故倒。如由逃白。故認他也。如人乍至川原或入聚落。忽然心惑以東爲西。既一方逃餘三俱轉。然正逃時方亦不轉。忽然醒悟還是舊方。反推此逃了無踪跡。無本來處。無今去處。○二翳老花亡喻。山河不實。二○一約喻問答。二○一待花愚慧問。

經亦如翳人見空中花。翳病若除。花於空滅。忽有愚人。於彼空花所滅。空地待花。更生汝觀。是人爲愚爲慧。疏

翳喻妄見花。喻山河妄見。若亡山河自滅。故下文云。見聞如幻翳。三界若空花。聞復翳根除塵。消覺圓淨。

空無花處。故云空地。

○二顛倒

經富樓那言。空元無

花。妄見生滅。見花滅空。已是顛倒。勅令更出。斯實狂

癡云。何更名。如是狂人。爲愚爲慧。

疏

真元無相。妄見

起滅。見山河滅已。是倒見。若待更起。斯同狂人。

○剛藏章云

譬如幻翳。妄見空花。幻翳若除。不可說言。此翳已滅。何時更起。一切諸翳。何以枚翳花二法。非相待故。亦如空花滅於空時。不可說言。虛空何時更起空花。何以故。空本無花。非起滅故。生死涅槃。同於起滅。妙覺圓照。離於花翳。疏曰。言圓覺離花離翳。則雙拂生死。既空無明。衆生既如花起。約誰更難無明。無明生死既空。何責本來成佛。空花終不再起。果位何得還逃。若是解。頓遣三疑。下金鑑。喻唯荅。佛不再逃。此疑過深。如如故重喻也。○二反質結訓。經佛言。如汝所解。云何問言。諸佛如來妙覺明空。何當更出山河大地。疏據汝於喻所解。不

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

合更疑如來空覺生山河也。維摩云：佛爲增上慢人說離婬怒癡。若無增上慢，佛說婬怒癡性，即是解脫是知如夢勤加空名惑絕幻因。既滿鏡像果圓，凡在斷證當體斯旨。二約生滅門釋二已一喻二○一喻果成經又如金鑛雜於精金，其金一純，不更成雜。疏衆生覺隱如金雜鑛，諸佛覺顯如金一純。已入果海，不重爲因。故云：更不成雜。然因果雖殊，覺性平等。剛藏章云：如銷金鑛不重爲鑛。偈云：一成真金胚，不復重爲鑛。按此與剛藏章皆指金不生鑛以喻佛不再迷，而義有少別。此但明金不爲鑛，彼兼明金非銷有也。吳興云：金喻菩提鑛，喻涅槃如灰。二楞云：雜者無明與覺性，和合。一喻十一喻惑滅經如木成灰，不重爲木。疏覺性如地，惑障如木。

加行如燧智照如火，涅槃如灰。燧動火起，木盡灰成，灰歸於地。不重爲木。修行智起，惑滅覺顯，顯處唯真，不重起妄。涅槃如灰經諸佛如來菩提涅槃，亦復如是。疏菩提智果涅槃，斷果雙合一喻也。孤山二五焰

菩提之用彰達妄本無則涅槃之功著因中全菩提則爲習漏。卽涅槃爲山河猶鑛之與木也。果上全習漏爲菩提。卽山河爲涅槃。猶金之與灰也。鑛木不再顚妄法之永亡。金灰不渝。示真證之常住。四喻交映妙旨存焉。△溫陵云：金喻菩提。果德不生。然上四喻一二同意，疏全用圭峰剛藏章疏文。彼疏云：以成普眼段中。衆生本來成佛之義餘文倣此。故舉迷喻今加述方灰木爲四。前就圓悟之理。生佛俱是本真，以成前文清淨本然。皆如來藏與如來心不增不減。

疏

眼段中衆生本來成佛之義餘文倣此。

故舉迷

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

方空花。元來不起。非後始滅。故法合云。此迷無本性。畢竟空。又云空元無花。妄見生滅。彼法合云生死涅槃同於起滅斯則以責滿慈見妄有滅尚是顛倒。豈況復待習漏再生也。後約不壞修證因果之相。故說消鑽出金燒木成灰也。迷方空花。則始終元無金之與灰。燒鍊方現。彼云。花則終始本無鑽。則因消始盡。意云圓頓之理。雖齊迷悟不妨成異。既有多生習障。還須背妄顯真。真顯則究竟清淨。更無再迷也。若但用前二喻。則撥迷悟因果之相。便成邪見。若但用後二喻。卽成衆生覺性本來不淨。失真常理。亦成邪見。道理微妙。一喻難齊。故說四事。云彼

### 兩事各喻一法。以盡其理也。

無盡云。真猶聚落之定方眼。因翳妄生。消鑽成金。佛無他佛。木灰爲爐。斯大涅槃。○宗鏡云。故知圓覺妙心。如虛空之性。生死涅槃。卽空華之相。譬眼不無起滅。真性何曾有無。如鑽藏金。金非鑽有。又非銷得。要以銷成。迷時如未淨之金。悟了若已成之寶。真金不動。垢淨俄分。妙性無虧。迷悟自得。

○二答大性俱徧疑。爲破滿慈大科下第二子科下生母科。○一釋本疑。二釋別難。次科下又分二子科。①一釋滿慈重徵。妄因。二慶喜再執緣起。盡本卷第二大科經文。今初一釋本疑。二。一牒疑。經富樓那。又汝問言。地水火風本性圓融。周徧法界。疑惑水火性。不相陵滅。又徵虛空。及諸大地。俱徧法界。不合相容。疏前旣伸疑。今將答釋。故此牒舉。八。二正一寄喻略釋。三。四。一舉喻。二。經富樓那。譬如虛空體。

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

非群相而不拒彼諸相發揮疏虛空藏性也群相七

大也真元無相不守自性隨緣現相故云不拒吳興雲譬

如來藏本非七大而不拒彼七大發溫陵云虛空非諸相諸相依空而發真軀非四大四大擣真而成先非水火故不相拒○二釋經

所以者何富樓那彼太虛空日照則明雲屯則暗

屯聚

風搖則動霽澄則清氣凝則濁

土積成霜

霜風而水澄成映疏

此舉七事可喻七大

隨義對法可知

釋義云隨義對法當以明對識大能了別故暗空人動風大清根大根能

照境牴清淨故濁氣火大熱氣上蒸故暎水大霜地大△雲棲云滿慈疑諸大性偏故佛卽虛空爲喻日照雲也等七一切皆空中現相舉一虛空以顯藏性空中不礙諸相知性中不礙七大解者泥文分配斯圭峰所詞豈識喻焉者也△私謂滿慈初問難地水火三大不相容偏次問地性障礙空性虛通難地空

二大不相容偏就其問目已揀去根識二大故知非通難七大也如來初舉四輪光答地水火三難此文荅釋次難初譬太虛空不拒群相中顯空明空現及地水火風各各發現結言汝以色空相領相奪於如來藏色以質礙爲義色卽地也言色空卽言地空此正荅滿慈次難地空二性之義也舉色而地在其中舉色與空而地水火風亦含具其中問雖專問地空元含四大荅雖專荅色空亦攝四大如因陀羅網映望交互斯皆隨意之語稱性之談知此義則古人分配七相良爲陳迹不容不埽矣○二畧難喻相三○一經於意云何如是殊方諸有爲相爲因彼生爲復微經方云何如是殊方諸有爲相爲因彼生爲復空有疏方法也卽明等諸法熏聞云方所也以諸卽日等也舉此諸相以明七大相空都無實法虛空無相不礙諸相顯發諸有爲相是明經若彼所生富樓那且日照時既是日明十方世界同爲日色云何

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

空中更有圓日。若是空明。空應自照。云何中宵雲霧之時。不生光耀。如文三結○經當知是明。非日非空。不異空日。疏此結卽離俱無生也。又非日非空顯無生處。不異空日。隨緣似有。私謂藏非心非空等。不異空日。引下文而如文卽如來藏。卽心卽空等。二指法二。○一相無所措。記○經觀相元妄無可指陳。猶邀空花結爲空菓。云何詰其相陵滅義。疏七相無生。本自寂滅。旣稱爲妄。將何可指。指尚不得。仍使相陵。何異空花結爲空菓。融室云以所喻空中明暗等相觀彼四大諸法之自相。一皆妄故曰觀相元妄。○二性無不容。○經觀性元真。唯妙覺明。妙覺明心。先非水火。云何復問不相容者。疏七大性真元如

來藏。如來藏中無水火異於一妙覺。約何等義說。不相容。猶如虛空體非群相說。何陵滅。熏聞云妙覺明珠非水火。水火從緣若人以緣而難於性者。非其智也。△空印云滿慈執相難性今性相雙明。若以正眼觀水火等。相如空花落影陽燄翻波。且喚誰作地水火風而欲詰其相陵滅。豈非空花空菓。若觀其本性。性水真火等元是一真如性。妙覺明心。此中先無質礙潤燥等相。旣非彼相。何有不相容者耶。記○三合顛二。○一正經真妙覺明。亦復如汝。以空明則有空合前文。經真妙覺明。亦復如汝。以空明則有空現地水火風。各各發明。則各各現。若俱發明。則有俱現。疏真妙覺明合虛空無相也。汝以下合諸相發揮。

汝心分別有空發明。妙明真心隨現空相。釋要云汝心性卽隨業感。乃現空相。△王舜冉曰真覺妙明。不惟四大。卽虛空亦其中所現物。故空明則空現。地

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

水火風於汝心中。各各于發隨心各現心中俱發。七大俱現又隨人各發人各見別。多人俱發俱現一相或發地則現地。發水則現水。或盡法界衆生同發空相。則徧法界現空相。此卽真如不守

自性隨緣所現有種種相。上文云。隨衆生心應所知

△<sub>宗鏡</sub>

量循

循業發現起信中因重看鏡現諸境界亦此意也。

各發明。若俱發明。各各發明者。汝見圓明知心欲取失却本明性空思想搖動心生風輪性愛相續性感水輪執心熾盛金輪則現求心苦欲火輪方興。若俱發明初起強覺四大俱現。如人恨憶嗔則火生身心

動轉以況於風目中淚盈則表於水面發赤相則表

於地

又引佛地經釋云。清淨法界者。卽一心無雜之

空性。况一切法皆有安樂性。以隱覆此性故。隨所知境應其情量現種種境界。若以空明則有空現。若以色明則有色現。但隨處發明而隨處現。所現種種皆妄心生。相不可得。唯一味真心湛然不動。△<sub>交光云</sub>俱現之相有二。一者同時異處。如吹火者口中現風薪中現火。鼓熾同時。口薪異處。二者同時同處。如恒河人見水現鬼。見火現也。○二重喻俱現二。○一正喻經云。何俱現富樓那。如

一水中現於日影。兩人同觀水中之日。東西各行。則各有日。隨二人去。一東一西。先無準的。疏。七大體虛如日之影。東西隨去。如分七別。隨方雖異。不離一影。七大雖分。不離一妄。東可爲準。西復是何如的是。一

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

不合各去。若知是影。一多自亡。孤山云。日喻真性。水現妄境。兩人喻妄業。各行則循業。俱發隨去。則妄境俱現。△熏聞匠人之法。平行以水的謂射的。丹面白的是也。皆取定則之義。○引證清涼云。澄江一月。二舟南北。南者見月。千里隨南。北者見月。千里隨北。停舟之者。見月不移。是爲此月。不離中流而往。南北設百千共覩。八方各去。則于百月。各隨其去。○二正難經。不應難言。此日是一云。何各行各日既雙。云何現一。宛轉虛妄。無可憑據。疏一已是影。復現隨去。影復現影。何實可據。而欲致難。唯一所明。復現七大。大與所妄。唯一影像。無實可得。故云宛轉虛妄。孤山云。同觀。唯知二是虛。各行既二。驗一是妄。○合釋宗鏡云。妙覺明心湛狀。不動因業發現。隨爲色空周徧法界。衆生背其本覺。妄執情塵。隨發明處。強說是非。如於虛空牴中。定其毫別。實謂虛妄顛倒無理。可憑宗鏡此段。通

釋 上下經文故置于此。○二約義廣釋二。○一約用正釋二。○一約述悟顯用二。○一述成世間相。

經富樓那汝以色空相傾相奪。於如來藏。而如來衆生迷悶。背覺合塵。故發塵勞。有世間相。疏汝以分別色空之心。於真覺中。而現傾奪。彼真覺性。隨成色空。相凌滅。融室云。藏心不守。自性隨其傾奪。是以色有空處。即是傾奪。於如來藏。色空之妄。顯則如來藏之真隱也。傾奪乃遮蔽之意。色空。卽地空。二大也。二大既爾。餘皆例然。故云。是故於中等上文云。一切衆生。從無始來。迷已爲物。故於是中觀大觀。小圓覺亦云。圓覺自性。非性性有。循諸性起。斯則

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

衆生起無明風鼓真如海成八識波浪變起世間種種諸相爲相所礙失於本心故云背覺合塵有世間

相孤山云真理隨緣變起妄境如全水成波其水既徧故其波亦徧以此波卽水故衆生迷悶謂九界既衆生不了卽理而變而以無明妄心執之爲實△吳興云前問地水火風本性疑水火性不相陵滅卽相傾虛空大地不合相容卽相奪○二悟成出世用

經我以妙明不滅不生合

如來藏而如來藏唯妙覺明圓照法界疏悟藏體也不滅不生無生智也如來藏無相理也理智冥契故名爲合當爾之時唯一妙心無理智別卽始覺合本無本始異唯一覺故故云唯妙覺明圓照法界

吳興如來藏牒所合之理唯妙覺明牒能合之智圓照法界示鑑物之用如來藏如鏡之牴妙覺明如鏡之光

大中現小不動道場徧十方界身含十方無盡虛空於一毛端現寶王刹坐微塵裏轉大法輪疏起妙用也前五句標二種自在不動下二句釋一多自在也清涼云言一多者以一身全現故非一非多也一身現多故一不得多多現而常一故多不得一如覺品偈云一身爲無量無量復爲一了知諸世間現形徧一切等身含下六句釋大自在前二句正中現依於一下二句正中現依正亦是依中現依正坐微下二句依中現正餘句含在其中可以意得華嚴十種自在亦不離此清涼云果依果謂華藏世界海二正果如來十身等此二無碍以爲佛德狀依正無碍通有六句一依內現依如塵

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

中利海。卽經毛端現刹。二正內現正如毛孔現佛。卽經毛端現寶王。三正內現依。五依內現

依正。六正內現依正。上來依正六句畧舉清涼玄談爲無量等四句爲總別不動下八句爲分釋。又毛端塵裏偏釋小中現大配釋未懶今所不取。經滅

塵合覺故發真如妙覺明性。

疏

結所以也下文云聞復翳根除塵消覺圓淨淨極光通達寂照含虛空斯

則無大小之可拘非一多之可限塵毛利海俱徧俱納以性本然至果斯顯耳。

二約三諦示體三約非相以示真諦

經

疏非七大也心卽識大亦卽五陰孤山云非心含四陰地水火風是色陰非眼非耳鼻舌而如來藏本妙圓心非心非空非地非水非風非火

山云非聲聞孤山云非轉還滅孤山云非身意非色非聲香味觸法非眼識界如是乃至非意

緣覺界以緣覺觀十二因緣故非苦非集非滅非道非智非得。

四諦

疏非十二因緣流及能證所證孤山云非轉還滅孤山云非界摠非二乘理智得卽理也非檀那非尸羅非毗梨耶非羼提非禪那非般刺若非波羅蜜多疏非六波

山云非菩薩界先非能趣行非波羅蜜多摠非所趣理如是乃至

中三十七品

一切因行果上十力四無畏十八不共等一切果德非怛闥阿竭如來非阿羅

人二号是也次非所證法四德是也涅槃是詞供三耶三菩正徧知非知非大涅槃非常非樂非是別以是俱非世出世故疏

諦緣觀智及道滅六

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

度已下皆出世法苦集十二緣三科七大皆世間也。此上總非諸相者孤山云世結六凡出世結四聖藏理卽空無有十界故並非之。約真如門顯真諦義一切皆空。凡所有相皆是虛妄以相待故但有名字名字卽空已下疏全用孤山文今次第非。初由無明故有妄識妄識所變卽有空界空界現故結成四大四大起故卽有根塵根塵合故遂有諸識根境識三爲業性故乃成十二因緣流轉生死爲對治故卽有出世觀智諸法出世利鈍不同遂分三乘次第會三歸一卽有佛果果有能證所證卽分菩提涅槃涅槃具德卽有常樂我淨是故展轉相由以立名字各無自性一切皆空○二約卽相以明俗諦經卽如來藏元明心妙卽心卽空卽地卽水卽風卽火卽眼卽耳鼻舌身意卽色卽聲香味觸法卽眼識界。如是乃至卽意識界卽明無明明無明盡如是乃至卽老卽死卽老死盡卽苦卽集卽滅卽道卽智卽得卽檀那卽尸羅卽毗梨耶卽羼提卽禪那卽鉢刺若卽波羅蜜多如是乃至卽怛闌阿竭卽阿羅訶三耶三菩卽大涅槃卽常卽樂卽我卽淨以是卽俱世出世故疏孤山云此約俗諦示如來藏理卽無而有十界宛然故也此卽不離一真隨染幻前約真如不變絕相此約隨緣成生滅門顯俗諦也

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

老別成種種相。非相現。非名現。隨世建立。不壞假名。故名爲卽。以明中道。約遮焰經。卽如來藏。妙明心元。

離卽離非。是卽非卽。疏

此約二門不二。唯是一心。

雙遮真俗。故曰離卽離非。雙照真俗。故云是卽非卽。孤山

云此約中諦。離卽離非。雙遮之。眞俗也是卽非卽。雙照之用也。

三諦一體。是故皆云

卽如來藏。且法界一如。本無名相。因迷有妄。對妄說

真。真妄相形。名言不息。隨名執相。顛倒何窮。是故因言遣言。以至無遣。初且以非遣相次。乃以卽遣。非終帶名言。未極一真之旨。離卽非卽。無非不非。言語道斷。心行處滅。方顯一真法界。如來藏心。故淨名經三

十二菩薩說。不二法門。皆以言遣相。文殊以言遣言。維摩無言遣言。方爲究竟。此之三義。亦復如是。又如天台以一心三觀。釋法華十如是義。初言是相如。乃至本末如。如名不異。卽空義也。次言如是相等。點空性相。卽假義也。若言相如是等。卽如於中道實相之是。卽中義也。諸法性相。微妙如是。唯佛與佛。乃能究盡。溫陵云。初曰本妙圓心。是本非末。是圓非偏。自牘言也。次曰元明心妙。是元非本。是明非昧。自用言也。終曰妙明心元。是妙之明。是心之元。合牘用言也。

○雷庵受師曰。經言以是俱。非世出。故明不空。如來藏也。此一節文全以是俱。卽世出。故明不空。如來藏也。此一節文全生於汝。以色空相傾。相奪。四句意謂汝於如來藏。則以色空相傾。相奪。而如來藏。隨爲色空。故舉心則塵。勞起我於如來藏。則以不滅不生。合之故。按指則海

印發光也孤山以如來藏約三諦分之恐非如來法身性法身涅槃離自性不生不滅本來宗靜自相涅槃如是等句說如來藏入楞伽又曰一切世間法皆如幻而諸外道凡夫不知楞伽王若能如是見如實見者名爲正見若異見者名爲邪見若分別者名爲取二楞伽王譬如鏡中像自見像譬如水中影自見影如月燈光在屋室中影自見影如空中響聲自出聲取以爲聲若如是取法與非法皆是虛妄妄想分別是故不知法及非法增長虛妄不得宗滅宗滅者名爲一心一心者名如來藏二經以空無相無願離自性宗靜等說如來藏較此經非諸法之旨初無有異但楞伽唯顯空如來藏此則兼顯不空如來藏也故於非諸法之下則曰卽如來藏於卽諸法之下亦曰卽如來藏天義炳然何必以三諦局而分之愚於前文嘗闡淨覺者此也△私謂受師辨三諦之義躊躇矣尅而論之所云兼顯不空如來藏者亦兼帶之耳准賓積經勝鬘夫人說二種如來藏謂空如來藏不空如來藏起信卽云一者如實空二者如實不空此雙標二藏名也此經則單立空如來藏阿難請果

位七名言空如來藏觀世音亦曰立大圓鏡空如來藏也初云我以不滅不生合如來藏而如來藏唯妙覺明圓照法界此正立空如來藏之文次下圓非則爲空藏復次圓卽卽不空藏起信曰淨法滿足則名不空亦無有相可取清涼云法身在纏名藏謂空不空空爲能藏藏不空故知二如來藏卽唯一味言空言不空皆依言說分別耳如受師所引佛語心品言空無相無願三解脫門寧非空藏言如實際法身寧非不空藏而大意歸於宗滅無相故不可隨言執取也近師誤引賓積立三如來藏判妙明元心已下爲空不空如來藏古人指忽生山河大地等文顯不空如來藏已非了義又可立空不空藏耶離卽離非是卽非卽牴用圓泯情謂俱絕此正結顯空如來藏法界相應真如自性空不空二藏雙照在此雙難言雙日者矣三如來藏誤立緣起具在諮詢智者請詳(2)二舉法喻經如何世間三有衆生及出世間

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

入佛知見。疏。境界微妙。心言叵測。凡天著事。偏小滯空。俱所知心。莫及斯境。故圓覺云。但諸聲聞所圓境界。身心語言。皆悉斷滅。終不能至彼之親證所現涅槃。何況能以有思惟心測度如來圓覺境界。如聚螢火燒須彌山。終不能著以輪迴心。生輪迴見。入於如來大寂滅海。終不能至。三有者智論云。六道各隨所爲。有一欲。有謂欲天人乃至餓鬼地獄。二色有謂色界四禪諸天。三無色有謂無色界四空諸天。○一舉經譬。如琴瑟箜篌琵琶。雖有妙音。若無妙指。終不能發。疏。琴等衆生也。妙音藏性也。妙指實智也。發起用也。  
合頭。經汝與衆生。亦復如是。寶覺真心。各各圓

滿。如我按指海印。發光汝暫舉心塵勞先起。疏。汝與

衆生合前。琴等寶覺真心。合前妙音。按指約喻。指法卽無生智。合無相理。發光卽大用。現前卽前云。我以不滅不生。合如來藏。而如來藏唯妙覺明。圓照法界。乃至於中。一爲無量等。汝暫舉心等。合前無妙指也。卽前云。汝以色空相傾。相奪於如來藏。而如來隨爲

色空等。資。中

言海印者。大集經云。闍浮所有色像。大海

也。大集第十四。如闍浮提。一切衆生身及餘外色海。中皆有印像。是以是故名大海爲印。菩薩亦爾。得大海印。三昧已能分別見一切衆生心行於一切法門。皆得慧明。是爲菩薩得海印三昧。見衆生心行所趣。

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

△華嚴出現品偈云如海印現衆生身以此說名爲大海普提普印諸心行是故說名爲大覺賢首品疏云一圓明海印三昧門以十義釋之一無心能現義經云無有功用無分別故二現無所現義如光影故三能現與所現非一義四非異義五無去來故水不取物不下就而能顯現故六廣大義七普現義八頓現義謂無前後如印頓成九常現義非如明鏡有現不現時十非現現義非如明鏡對至方現具茲十義故稱海印諸佛窮究菩薩相似△宗鏡釋云善逝按指發海印之光含識舉心現塵勞之相如古釋衆生佛性譬若箜篌具有五義一有箜篌身二有中間聲三有絃絹四有彈箜篌人五有所彈得曲我身五陰如箜篌身中真如物性是聲六度万行如絃絹巧便智慧似彈箜篌人以巧便智慧修行六度前來成佛一塵一毛皆徧法界似彈奏之曲也○四結斥

經由不勤求無上覺道愛

念小乘得少爲足疏無上覺道如寶所小乘涅槃如化城但戀權乘不求究竟得少爲足故發塵勞○二

釋別

難①一釋滿慈疑妄因二釋慶喜難緣起初中二八

二釋疑  
一釋滿慈疑

經富樓那言我與如來寶覺圓明真妙淨心無二圓

滿疏顯本

而我昔遭無始妄想久在輪迴今得聖乘

猶未究竟指已

猶迷世尊諸妄一切圓滅獨妙真常明佛

開始故此問也

由滿慈初疑清淨本然云何忽生山

河大地如來遂舉性覺妙明驗其述解滿慈既逃性

明爲所明佛遂斥云性覺必明妄爲明覺所既妄立

生汝妄能等由是展轉相續流浪皆由虛妄之所生

起雖知能所妄立又疑妄從何生故此伸問妄所因

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

也

前問忽生山河大地佛說因逃而有此中復問因

在故未究竟若就內闇則分真大士有上地惑故未究竟諸妄圓滅卽極果斷德獨妙真常卽究竟智德

△海印云滿慈問何因有妄要明妄元無因以顯天

然妙性本自圓成頃悟頃得不假漸次此問徹底窮

元如來亦難措口只借演若發

明耳

二答釋二

一抱告

經

佛告富樓那汝雖

除疑餘惑未盡吾以世間現前諸事今復問汝疏雖

知諸法皆妄猶惑妄有所因故云餘惑未盡

標指謂

所知障

未

現前諸事現見之事也

二別釋二正

一明妄本

銷無因三

一舉事問答

二

舉事

經

汝豈不聞室羅城中演若達多忽於晨朝以

爲魑魅無狀狂走疏演若達多此云祠授邪神廟中從

之

乞得故云祠授

本頭與鏡俱喻性覺照面喻強覺忽生所相

妄立愛喻堅執不捨認相爲真旣喜有相反惡無相

故嗔已頭不見面目真無形相不順妄情便生驚怖

執相迷性輪迴不息故云狂走

△山云晨朝是喧動

照境喻妄心推畫分別愛鏡中頭喻取著妄境妄事始

易著如眉目可見真理雖知如嗔責已頭等背悟向

迷如無狀狂走

△手鑑云此有理有事而理實事虛

理實故不變卽頭與鏡也事虛故隨緣卽照愛瞋走

也斯則由照故愛愛故瞋瞋故走返此卽不走矣故

下文云汝但不隨分別世間乃至云演若達多狂性

自欲望下走歇可爲四句一走六凡也二歇菩薩也

三亦走亦歇權小也四非走非歇如來也俱喻性覺

走歇二途兩俱存故私謂忽然狂歇歇之一字對走

而言此妙義也三緣分別證在後文△王舜卿曰前

云無狀忽生山河大地此云無狀狂走前以迷人喻

此以狂人喻迷人之迷尚在外境狂人之前

即在本

居

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

頭○二  
問答

佛家金言

卷一

經於意云何。此人何因無故狂走富樓那言是人心狂更無他故。疏心狂而走無別所以故無他

故強生分別故稱爲妄。豈別有因。

二約法正明三就名責因

經佛言妙覺明圓本圓明妙既稱爲妄云何有因若

有所因云何明妄自諸妄想展轉相因從迷積迷以

歷塵劫。疏初二句准一真心本無妄法卽稱爲妄下

直明妄無因也妄必無因有因不妄妄之一字甚好

思量若了此名自無法起復疑有因豈非迷倒

已下資中

文心境不實故名爲妄若實有因豈立斯稱耶如初

一人忽然妄說遞遞相承從妄說妄及推其本遞遞

皆虛乃至多人及與後人二俱是妄何者爲因故歷

塵劫遞相誑妄莫之能悟

重聞云既稱爲妄云何有因卽見愛四住之本若論通別二惑同在一念念脈無始猶如空花則見愛亦無因耳△溫陵

云妙覺明圓指我與如來無二圓滿者本圓明妙言本無虧欠本無迷妄此人本來面目也○二引悟

釋經雖佛發明猶不能返如是迷因因迷自有識迷

無因妄無所依尚無有生欲何爲滅

資中述真既久雖

佛與汝發明是義猶未能返還其本此寄滿慈以責

群妄如是迷因因迷自有謂無狀忽生非從他有若

了迷性無因自有亦無別法而爲所依是則妄體猶

如空花元無生滅因指自體依謂依他二俱叵得故

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

無生滅

疏

此文釋有一重初約佛自悟釋發明猶開悟也

佛雖開悟諸妄圓滅尚不能返覺至妄本以妄無因而可覺故云猶不能返如是迷因也復將如

是迷因一句連下句牒應云如是迷因因迷自有意

云若約妄法展轉生起而說因者此卽因妄說因非謂妄有初因故云因迷自有旣識迷之無因則知妄

無依處說何爲生而說有滅此約佛自悟無妄因之可返也次約佛爲他說

卽資中義

不能返迷成悟發明猶宣辨也雖佛廣爲宣辨猶自不能返迷令悟也良由

此理難明人多惑甚如爲病目說無空花孰能領悟

爲妄執者說無諸妄誰肯信從忽若了悟自知無因

將何爲妄而有生滅耶

桐洲云因迷自有者迷自成圓覺云了達於無明知彼迷無有因故識迷無因等如空花○三貼喻况顛

經

得菩提者如寤時人說

夢中事心縱精明欲何因緣取夢中物況復無因本無所有

資中

得菩提者義通解悟

疏

夢寤之人記夢中事說雖可爾取必不可以所夢境畢竟無故得菩提

者返觀因時滅諸妄惑說雖可爾畢竟無體可斷滅故將何爲妄而推其因起信云覺心初起心無初相

又云以四相本來平等同一覺故

標指菩提云覺未得真覺常在夢中

故佛說爲生死長夜得真覺已如夢忽寤圓覺亦云如夢中人夢時非無及至千醒了無所得△雪浪云

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

因滿慈問世尊諸妄一切圓滅。敢問衆生何因有妄。  
故佛答云我雖是得菩提者欲要爲汝說此妄法若  
寤時人說夢中事等今循浪公之解印知上文雖佛發明資中之義爲順三提喻合頭經如彼  
城中演若達多豈有因緣自怖狂走忽然狂歇頭非  
外得縱未歇狂亦何遺失富樓那妄性如是因何爲  
在中資迷者自失理無失也。鏡問悟既現前迷何處去  
答一切境界皆因動念念若不生境本無體返窮動  
念念亦空寂卽知迷時無失悟亦無得以無住真心  
不增減故譬如演若達多乃至亦何遺失疏狂故怖  
頭因緣何有頭無得失狂自復行惑但妄有滅生真  
性何曾出沒汝觀如狂之妄今指何處爲因標拈合  
頭前問

一切衆生何因有妄如來舉此以徵也。頭真元無失二正明二勤息妄緣經汝但  
不隨分別世間業果衆生三種相續三緣斷故三因  
不生則汝心中演若達多狂性自歇古解三緣是惑三  
因是業惑謂分別三種相續之心業謂殺盜淫也疏  
煩惱爲緣能潤業故刊定記云惑者卽煩惱也根本  
成就三界衆生殺等爲因正是業故分別是識能生煩惱三  
種相續是所分別分別此三故名三緣三卽緣也或  
殺盜淫三之助緣故三之緣也分別既亡業因不作  
於三界中狂心自歇故起信云一切衆生不名爲覺  
以從本來念念相續未曾離念故說無始無明又云

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

以遠離微細念故名究竟覺念卽分別也由是一念  
不生卽名爲佛卽斯義也私謂以本文舉事證之忽  
相續境界乎。愛境中頭瞋責已頭照鏡之中起愛起憎非分別事識乎。有愛有瞋卽具貪瞋痴三惑。非三種緣乎。無狀狂走卽殺盜婬三業成就是則三因三緣皆依識心分別而立。因緣道理皎然明白今不順長水古解而依文生解吾不知其可也△空印云起信云以有妄境界染法緣故卽熏習妄心令其念著造種種業等今分別世界等卽妄境界緣也以能生心造業故爲相續染法之緣其妄心所造殺盜婬業能正招相續染法之果望果親故稱之爲因分別境界是無明法執不隨分別因緣兩空故云狂性自歇間殺盜婬三因緣俱有者何答緣取現行因取種子由分別現行爰非愛境起貪嗔痴作殺盜婬熏成業種而爲親因招感未來三種現行以因生緣以緣生因現行種子平爲緣故是以緣斷而因不生也△吳興云二緣卽業果相續中殺盜婬三因卽三種貪親生爲因疎助爲緣殺盜婬是身根所造之業三種貪是殺盜婬三因如惡叉果如環不斷但不隨分別煩惱緣斷則惡業無由發生故曰三緣斷故三因不生吳興謂殺盜婬三緣斷故欲貪等三因不生斯乃伐木遺根久病失穴殆必倒換經文三因斷故三緣不生而後可也此文明標世界業果衆生三種並列豈得獨指業果次下阿難牒問單舉業果卽該世界衆生約義則正取分別耳上文結三種相續皆云是等皆以欲貪爲本旣曰以欲貪爲本矣此言三緣斷故三因不生寧非拔本之義乎△溫陵云世界業果衆生皆妙心影明如鏡中頭分別則妄不隨分別則狂性自歇也世界業果衆生爲三緣殺盜婬爲三因△私謂溫陵指世界業衆生爲三緣小異長水以殺盜婬爲三因正揀茗溪亦和會之說也天如補注盡揀岳環諸師之解別指三種相續之因緣謂三緣三因卽是因緣世界相續等相續卽無明立所等微細結惑也經云三種顛倒相續皆是覺明了知性因了

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

發明等。豈非指分別妄識是三種相續根本。此言不隨分別正斷無明立所等微細惑結也。下經明云。世尊現說殺盜婬業三緣斷故三因不生世尊已現說爲業因矣而斥爲斷業罷相有妨下文何藉修證之旨亦未免公違佛語也。諸師多說莫知適從請以古解斷之。○二頭自真體

勝淨明心本周法界不從人得何藉劬勞肯綮修證資但能了妄本空真性自顯豈同一乘分九品惑作

中疏次第解如解筋節以求於道蓋譯家取莊子事潤之分別不生前後際斷故名爲歇菩提云覺起信云所言覺義者謂心體離念離念相者等虛空界無所不徧法界一相即是如來平等法身依此法身說名本覺故云勝淨明心本周法界不從人得卽顯不從

他緣本自覺耳劬勞修證本息分別只爲顯覺今分別既亡覺性自顯故云何藉劬勞非謂全不修行

兀然空坐苟妄想宛然自謂卽是者悞之甚矣言肯綮者骨邊細肉也肉間骨曰肯骨肉之間小結可啓曰綮莊子云技經肯綮之未嘗而况大觚乎若執惑有實體不能達妄卽空四相平等一切唯覺便謂從龕至細斷盡無明方

至妙覺者何異解牛不能游刃於大窾不能立見於全牛但解皮肉以至若骨豈曰妙得牛理哉

溫陵

云

微細惑劬勞修證只爲妄惑妄因既息惑結自除所謂但離妄緣卽如如佛△補遺云劬勞言時長行遠三阿僧祇之謂肯綮修證喻諸教地位委曲經云乃至終始地位中間永無諸委曲相○二喻頭經

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

譬如有人於白衣中繫如意珠不自覺知。窮露他方乞食馳走雖實貧窮珠不曾失忽有智者指示其珠所願從心致大饒富方悟神珠非從外得疏於白衣中五陰蓋覆也枝末與根本無明重重包裹故繫如意珠圓明覺性也珠喻藏性不自覺知無明不了也由無明故不覺窮露他方乞食馳走喻五道流浪輪迴不息云佛界如本國九界之妙用故窮露吳興如他鄉求人天樂取偏小益猶乞食馳走雖實貧窮珠不曾失喻雖流生死覺性當然妄情墮失真此一本圓猶雖窮珠在教如示珠所願從心致大饒富大用現佛爲開示也佛如智者所證理起用致忽有智者指示其珠前也證理起用致方悟神珠非從外得者始覺合時

三釋慶喜難緣起

本不曾動今無始靜也法華中亦有此喻彼約結緣此約本有意不同耳宗鏡云龍女云我欲獻珠世尊納受是事疾不答言甚疾女云以汝神力觀我成佛復速於此故知一切含生心珠朗耀理無前後明暗隨機或因聞而隱膚中對明鏡而顯現或因游而沈水底在安徐而得之或處輪王髻中建大功而受賜或繫貧人衣裏惺智願而猶存宗鏡明文同證於此△非從外得牒前文頭非外得及不從人得答衆生自蔽妙明受此淪溺之間二釋慶喜難緣起二八一經即時阿難在大衆中頂禮伸疑四正一叙所聞經即時阿難在大衆中頂禮佛足起立白佛世尊現說殺盜淫業三緣斷故三因不生心中達多任性自歇歇卽菩提不從人得如文正生斯則因緣皎然明白云何如來頓棄因緣我從難因緣心得開悟疏由無三緣方盡三因因緣俱滅苦

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

提始顯故云皎然明白小乘開悟皆由因緣故引昔

悟以並今說成此難也

孤山云云何須棄指現說也吳典云謂今言歇卽菩提不從人得按古釋指現說爲頓棄近師從溫陵解謂通指排擯諸文則迂凡三引他例經世尊

義何獨我等年少有學聲聞今此會中大目捷連及舍利弗須菩提等從老梵志聞佛因緣發心開悟得

成無漏疏

老梵志者並是年長從外道來番邪入正同邪

得成無學也

L四結

△今說菩提不從因緣則王舍

城拘舍梨等所說自然成第一義唯垂大慈開發迷悶疏因緣自然依假建立菩提真性衆相都亡恐相濫失故此再疑以洗物情私謂末伽梨起見衆生罪垢無因無緣肇公曰謂不

由行得皆自狀耳以無因無緣不由修得爲自然亦濫何藉修證之義

二答釋二

一正破疑情二

一推破三

○

一標質所疑經佛告阿難卽如城中演若達多狂性

因緣若得滅除則不狂性自然而出因緣自然理窮於是疏若狂性因緣得除不狂自然而出生所計不出斯二故曰理窮於是

而已△融室云有狂性因緣之滅則有不狂性自然之出若因緣自然俱非則無有出者滅者辨至于此方盡其理

二就疑平破二

○一雙破因緣自然二

經阿難演若達多頭本自然本

○

自其然無然非自何因緣故怖頭狂走疏此以因緣

破自然也

孤山文同其義將牒本自然

本自下二句定

次二句釋其義將牒其計也

欲難破故先釋出自本也然是也頭本如是

本自其然者

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

猶曰自然無有如是之頭不是於本故云無然非自得無然非自然者苟不因此則非自然也何因下破可知自然則無因緣何其照鏡緣其失頭而狂走耶△溫陵云自然者本自天然不假因緣也若本自然則或狂不狂無所然而非自然矣何又假照鏡因緣而後狂走則自然之計墮△右解以因緣破自然吳興合下節判以自然藉因緣初破云頭本自然不可轉變也本自其然不也何因緣也無緣非自其頭始終無變無失無非自然也何因緣而狂走耶△經若自然頭因緣故狂何不然因緣故失本頭不失狂怖妄出曾無變易何藉因緣疏此以自然破因緣也初二句牒次二句破若自然頭由因緣故得成狂走若謂頭本自狀因照鏡故狂走亦應自然不失由因緣故而失其頭何不亦因照鏡本頭下四故并失其頭

句結今既本頭無失狂自妄出狂之與頭了不相觸何曾變改而假因緣溫陵云若本自不狂假因緣故今頭既不失特因狂走則因緣之計墮△右解以自然頭既不失去因緣吳興合上節爲一科卽同長水破文△二單破轉經本狂自然本有狂怖未狂之際狂何所潛計自狀疏此以自然破因緣也初二句牒次二句破若汝執言旣非因緣卽屬自然狂亦自然不狂亦自然者孤山云由前頭是自然旣因緣被破故轉計云狂與不狂皆自然者故此破之初一句牒次一句定未狂下二句破如文頭旣不失不從因緣有狂卽是本狂自然遂破云末狂之不狂下破不狂自然初句牒頭本下破後破不狂防轉計云旣無狂妄之潛

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

頭狂走。非不自然矣。此顯一真之體。尚無真妄之異。豈立緣自然斯則亦顯妄無因也。右解單破轉計自然與判以因緣破自然溫陵判。總破因緣自然。△溫陵云。若狂怖本於自然。則是本有狂怖然。既無所潛。非本狂矣。若狂怖不本於自然。則頭本無妄。何爲狂走。非本不狂矣。既非本狂。非本不狂。知因緣自然。皆妄立也。△雪浪云。上明頭章破法。孤山長水大同。唯岳師頑與溫陵上二節對破如孤山後一節。總破海印雪浪皆宗之。今謂阿難伸難計立自然。則後文應單破轉計。上拂頭自然。此拂狂自然。既拂狂自然。又拂不狂自然。妙辨連環。束歸悟經。若悟本頭識。知狂走因緣自然。俱爲戲論。是故我言三緣斷故。卽菩提心疏。本真不動妄自強生說。誰因緣及自然性。若知因緣自然。俱是戲論。分別自

### 亡真覺自顯斯則正是我說三緣斷故卽菩提也。

吳興

云。真頭本來無妄。亦頭妄本無因。是則因緣自然。俱無安立。△王舜鼎曰。本頭卽所謂佛頂。人共只有迷頭認影。逐影生狂。人若悟達本頭。便知無狀狂走。有何真實。由是因緣自然。俱成戲論。△宗鏡云。若實發明悟了本頭。一靈真性。非動非靜。非得非失。非生非滅。非合非離。則知無始已來。三界伶俜。六趣枉走。是迷是倒。是妄是虛。皆是情想結成識心。鼓動則知本覺真性。非因非緣。非自然。非不自然。非和非合。非不和合。盡成戲論。俱墮邪思。(乙)二經菩提心生。生滅心滅。此但生滅滅生。俱盡無功用道疏。若有執言。真心可得。分別可亡。斯則菩提心生。生滅心滅。功用如圓覺云。有照有覺。俱名障礙。是故菩薩常覺藥病對治。生滅心在下文。云。生滅既滅。宗滅現前。正標指

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

不住。照與照者同時寂滅。此顯地上證無生理得無

功用也。

吳興云。菩提名智生滅名惑。智生惑滅。未得無功用道。

○二縱立自然寄頭生滅二〇一

縱立經

若有自然。如是則明自然心生。生滅心滅。此亦生滅無生滅者。名爲自然。

疏

設若我教有自然者。豈存生滅名爲自然。今汝所明。自然心生生滅心滅。

此亦生滅何名自然。夫自然者必無生滅。故云無生

滅者。名爲自然。

補遺云。若有二字牒阿難前計本有覺性爲自然。絕待無生滅之跡可假名自然。

○二經猶如世間諸相雜和成一體者。名和

合性非和合者。稱本然性。

疏

舉淺况深也。世人說生

滅和合。名和合者。則無生滅方名自然。豈和合性非和合者。稱本然性。

疏

舉淺况深也。世人說生

況我教有生滅者。却名自然。

孤山云。諸相雜和。喻自

合者。喻本無生

滅元是菩提。

古人於此不言縱立認真自然斯則

不唯增戲論心反令圓文成外道教焉。敢聞命。

私謂

科經云。縱立自然。寄頭生滅者。以佛正法中。有因緣

而無自然。故須重重簡拂。用縱立而施破斥也。初文顯無功用者。生滅既滅。宋滅現前。卽此無功用道。本有非自然也。次縱立自然者。彼妄執無功用道。名爲自

然。非我教中有自然也。後則就彼縱况。以非和合。反顯非自然耳。苔溪釋初文云。此簡佳前生滅。以頭登

住自然。如是則外道有自然。登住亦有自然矣。釋次文云。此簡分證自然。以頭究竟自然。如是則外道

神我自然。我佛法中。亦有分證究竟之自然矣。長水

所訶認真自然成外道教。豈非古人本有此解。爲岳

師所承用乎。蒙於此中。率助一解。竊謂是故我言已下。有三段文。據成上文。因緣自然。俱爲戲論也。我

言三緣斷故。卽菩提心。此正破因緣也。菩提心生一段。明菩提生滅尚屬因緣。對待之法。至地前無功用

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

道生滅心盡而後因緣始盡也。若有自然一段，結因緣自然和合義門，鉤鎖無餘，而次下本然非然和合非合之文，亦不孤起。以此小補長水縱立寄顯之科，未知得否。○又竹庵溫陵科經以第一節滅生俱盡無功用道二句割屬下文爲標舉之詞。而溫陵之解尤爲近德所宗。今附見於後。△溫陵云：菩提心中本無生滅，亦無自然。若謂菩提心生，生滅心滅，此但生滅邊事，非菩提也。若謂滅生俱盡無功用道有自然者，因是而明白然心生，生滅心滅，此亦生滅邊次是對待法，非自然也。所謂但名法身邊事，非法身向生滅者，名爲自然。則皆屬戲論。無上事也。而反指無生滅者，名爲自然，則皆屬戲論。無生滅者，名爲自歟。二句亦割屬下科譬如此因有雜合故說和合，而反指非和合，稱本然性，是皆對待妄立戲論之法也。○三雙經本然非然和合非合，合然俱離離合俱非。此句方名無戲論法疏本然自然也。和合因緣也。二皆不立，故名俱離。此離亦離，故云俱非。

此文語略，具足應云：離合離然之離亦復俱非也。藥病齊遣，空病亦空圓覺亦云：遠離爲幻，亦復遠離離遠離幻，亦復遠離。斯則言語道斷，心行處滅，方無戲論耳。○孤山云：對破和合說本自然，和合既非，本然焉是苟執爲實，還成戲論。如對短說長，既無其短，長名豈在？絕待之理，於茲顯矣。合然俱離，牒其境，絕離合俱非。顛智亦絕離，則能亡智合，謂所亡境，言合以彰其然，其境既亡，其智亦泯。如前火木薪既燒矣，火亦自燒，此則對待既絕，能所亦亡。恍如托空，唯覺無得如是，解者方無戲論。釋論云：佛坐道場時，不得一法實空，拳詎小兒誘度於一切。○引證般若經云：無性不戲論，無性離性，更無法可得。所得戲論者，戲論法，戲論處，色性無乃至一切種智，性無若法，性無。即是無戲論論云：凡夫人戲論諸法，菩薩於不可戲論隨法不戲論。何以故？自性不能戲論，自性性從因緣生故。但有假名云何能戲論？若性不能戲論。

170 1 2 3 4 5 6 7 8 9 180 1 2 3 4 5 6 7 8 9

190 1 2 3 4 5 6 7 8 9

何況無性離性。無性更無第三法可戲論。所謂戲論云。若法爲待成是法還成待。今則無因待亦無所成法。華首云。既得無生忍亦不生無生。無生卽無生是名絕待。除此以外若更作者絕何物顯何理。流浪無窮則墮戲論。乃是迷情分別絕待不絕非絕非待。待於亦待不絕。言語相逐永無絕矣。何者。言語從觀生心。慮不息。語何由絕。如癡犬逐塊。徒自疲勞塊終不絕。若能妙悟寰中。息覺觀風。心水澄清。言思路絕。如點師子放塊逐人塊。本旣除塊卽絕矣。○二廣斥執見五 正 經 菩提涅槃尚在遙遠。非汝歷劫辛勤修證。雖復憶持十方如來十二部經。清淨妙理。如恒河沙。只益戲論。 宗 如上剖析。此爲未識本頭不知狂走之人。令離句絕。非言思道斷。此方始除世間分別戲論之法。於自見性大道之中。尚猶賒遠。 桐洲云此句方明無

戲論法解云。若依此句取無上道了不相干。故云尚在遙遠。 △溫陵云。戲論本斷卽狂心未歇。難契苦提。故云遙遠。苟非歷劫修證。雖持多經妙理。只益戲論。 應須親到。不俟更言似鏡照容。直須心眼相似。如人飲水。方能冷暖自知。故云唯證乃知。難可測度。未到之者。徒自在迷。 吳興云。此之也。如我所說。一切俱非。且是能詮文句而已。所詮菩提涅槃尚在遙遠。以聞而未證故。 △雪浪云。此是結覆上文必要修證乃得也。 又曰。解雖分明。行次冥合。因解成行。成解絕不可一向執解。背道迷空。行解相應方明。

宗鏡如首楞嚴經所明。全爲見性修行。不取多聞知解。 私謂此一段經文。是此經中解行相資。緊關大節。故永明宗鏡於此章深致其意。蓋此經自阿難得悟。頃獲法身。富那騰疑。審除細惑。至於破除因緣。自然諸戲論法。離句絕非言語道斷。見性解悟之法門。

170 1 2 3 4 5 6 7 8 9 180 1 2 3 4 5 6 7 8 9 190

1 2 3 4 5 6 7 8 9 190 1 2 3 4 5 6 7 8 9 190

無餘蘊矣。得句之後，纔是發心。正好修行，目足相  
恐其解而忘證。得少爲足，卽遮之曰：菩提涅槃，尚在  
遙遠。又恐其多聞熏習，不修無漏，故復遮之曰：非汝  
歷劫辛勤修證等。以阿難多聞記持，辛勤累劫，不捨  
戲論法，終墮無始名言習氣。此之辛勤修證，卽前文  
所斥。何藉劬勞，肯綮修證者也？前云肯綮修證，此云  
辛勤修證。其指陳修證之藥病一也。宗鏡問曰：旣卽  
心是何用更修？答曰：只爲是故，所以修如鉄非金。卽  
不可鋟成妙器。至哉言乎！禪人籍口何藉修證，以解  
此章。指見性修行之明文，爲豁達撥無之誠證。斯言  
可憐，豈不然乎？約宗鏡大意明之，上來遣拂，名無戲  
論。斯則頃悟知宗。次下遮表，祇益戲論。正爲圓修辦  
事。阿難於是重復悲泪，求入華屋之門，所重告善  
逝密，請修行是爲經中解行相資，緊關大節。而未嘗  
狂禪迷空，執解之病。永明斯文，已爲懸鏡。故曰：於此  
中深致其意也。初二句長水消文，不依宗鏡學者，擇  
善而從，未疏。

若執因緣自然取佛果者，雖經劫數勤苦修習，終莫能及。故云尚在遙遠，憶持妙理，分別不

亡繫念相續，但滋生死不能無心忘照。反聞自性，於  
無了知，辨真實故。圓覺云：種種取捨，皆是輪迴。未  
出輪迴而辨圓覺，彼圓覺性，卽同流轉。若免輪迴，無  
有是處。故云祇益戲論。△翻譯集云：十二部經者，一修  
二祇夜。此云重頌三和伽那。此云授記四伽陀。此云  
孤起五優陀那。此云無間自說六尼陀那。此云因緣。  
七阿波陀那。此云譬喻八伊帝目多伽。此云本事九  
闍陀伽。此云本生十毘佛畧。此云方廣十一阿浮達  
摩。此云未曾有十二優提舍。此云逐提舍。此云所說義  
此十二分經舊云十二部者，妙玄云：部別各有類，從  
也新譯恐濫卷帙，改名爲分。△涅槃云：阿難自侍我  
來持我所說十二部經。一經于耳，曾不再問。如寫  
水，置之一瓶，唯除一問。○二引事應知。

了人間稱汝。多聞第一。以此積劫多聞熏習，不能免

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

離摩登伽難。何須待我佛頂神呪。摩登伽心姪火頓  
歇得阿那含於我法中。成精進林。愛河乾枯。令汝解  
脫。疏佛果菩提。若以因緣自然而可取者。汝於此義  
甚得明了。何不免難而速證耶。何假我呪方解脫耶。  
應知理觀。兼脩定慧雙運。豈但辨義說文而已哉。問  
阿難尚在初果。何以登伽却證第三答。一約權實。阿  
難示迹。現多聞無功。故在初果。登伽實人顯呪力。功  
大速證。第二二約根行。阿難圓頓根發前文悟解。或  
入信住。登伽小機。雖得第三望圓頓位。霄壤有異。重  
圓今云那舍卽圓教相似位也。△交光云。勝多曰。林  
以其進速而證多也。報居不遷。不來欲界。故曰愛河。  
乾枯以欲愛溺人。如瀑河故定三結勘直修。  
云阿那含此云不來。不來欲界生故已斷欲界九品  
俱生。名爲出欲於泥。以接引小乘故重施小而皆解  
經是故阿難汝雖歷劫憶持  
如來祕密妙嚴。不如一日修無漏業。遠離世間憎愛  
二苦。疏多聞無功。豈如定力。首楞嚴王名無漏業。得  
此定者。一切諸法。皆如幻事。豈能復生憎愛二苦。交  
云一日番上歷劫也。四舉他爲證。經如摩登伽宿爲姪女由神。呪力  
消其愛欲。法中今名性比丘尼。與羅喉母耶輸陀羅  
同悟宿因。知歷世因。貪愛爲苦。一念熏修無漏善故。  
或得出纏。或蒙授記。疏過去爲婆羅門女。名爲本性。  
義翻本性今從昔號名性比丘尼。孤山云。以初見性淨名牀。乃立嘉名耶輸

170 1 2 3 4 5 6 7 8 9 180 1 2 3 4 5 6 7 8 9 190

# 陀羅云花色

法華文句二云，羅睺母耶輸陀羅者，以子

家爲菩薩之妻。天人知識，出家爲尼衆之主。位居無學。十二遊經，出三夫人五夢經，出三妃未，曾有及瑞。

應皆云，羅睺是瞿夷子。法華涅槃皆云，耶輸子或可彼經舉。大母此經舉所生，釋論明瞿睺陀寶女不孕。

知定是耶輸子。出纏登伽也受記耶輸也

法華會上蒙佛受

作佛号，具足千万光相如來授記。亦云受記受決記。

荊中根人聞法警二周開三顎一。具足領解如來述成。雖自知作佛而時事未審。若蒙佛誠言受其當果。

坊國決定近遠了別。則大歡喜。△交光云宿爲姪女。具舍三障宿爲業障也。姪習煩惱障也。女身報障也。

銷其愛欲則煩惱障破。名之以性則業障除。作比丘尼則報障轉障消。性轉神呪力故。△私謂佛本行經

云佛言耶輸陀羅非但今嫌餘釋童取我爲夫往過去世亦復如是。釋論載耶輸進歡喜丸。佛具言耶輸

爲姪女已爲獨角仙人宿緣故。知宿爲夫婦恩愛相逐。不但慶喜摩鄧爲狀故曰同悟宿因。知歷世因貪

愛爲苦。法身應化俯仰隨緣故。知如來此會不嫌以

云觀聽略舉見聞以攝覽知卽六妄也。○大文明如來藏心第二科破滿慈執相難性顯如來藏竟

經文則無所明。乾道本云則無明有本云則無逐其飛沈。乾道本云遂其飛沈有本云逐其飛沈亦如上例。

雜於精金乾道本有本云離於精金。如我按指乾道本有本云而我按指肯綮修證乾道本有本云肯綮修證。

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

弘毛 疏助緣 表

## 大佛頂首楞嚴經疏解蒙鈔卷第四之

海印弟子蒙叟錢謙益鈔

○長水科大文第二明修行方便從此去盡第六卷文殊說偈○今按第二科下初分三母科二正明二義二別破疑情三廣陳修證以阿難領悟所修及總告許宣等四爲承起科大科第一下分子科有二因果同異門卽第一義審觀因心與果地覺一段經文三根塵解脫門卽第二義審觀煩惱結解根元是中子科生起母科廣攝別破疑情廣陳修證二科起第二義盡六卷文殊說偈經文正宗分之次分亦齊於此○疏上來破執破疑顯如來藏約信解爲真修之本答最初方便竟次下約依解修行成就止觀爲人理之方便旣能信解如來藏體周徧十方本性清淨絕名離相我等云何修諸方便與此相應故第二名修行方便○吳興云諸師以解行分經前開解竟後示行也若於此經欲分三根從阿難請行以前隨聞獲證皆上根也楞嚴大體亦已備矣請行以後方被中下更俟談行思而修之故假阿難等請入

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

華屋廣示入三摩提路也。○海印云發心修行還取

菩提非觀行不能入。止觀乃入法界之門。古人謂觀

理直入爲正行也。昔判爲修道分。愚判爲示觀相。

初文二二一阿難領悟所修二記一經家總叙

經阿難及諸大眾聞佛示誨疑惑消除心悟實相

意輕安得未曾有頂禮佛足長跪合掌。▼二阿

佛言無上大悲清淨寶王善開我心能以如是種種

因緣方便提獎引諸沈冥出於苦海疏因緣自然前

已廣破今復重釋纖疑不異故云疑惑消除

補遺云

生死重擔息肩於藏性輕安之義法華所謂其心安如海也。

心悟實相者實相無

相遠離戲論今離戲論卽悟實相重復悲淚者喜悟

藏心故恨無行法故超過一切世出世間故云無上

佛諸功德大悲爲首故獨稱也離垢末尼隨意出生  
賑給無盡佛亦如是故稱寶王譬喻言辭約事約理  
故云種種方便沈謂久淪生死冥謂永覆無明方便  
能開提獎能出俱稱引導已得失經世尊我今雖承  
如是法音知如來藏妙覺明心徧十方界含育如來  
十方國土清淨寶王妙覺王刹如來復責多聞無功  
不逮修習我今猶如旅泊之人忽蒙天王賜與華屋  
雖獲大宅要因門入疏如來藏心量徧十方德含一  
切雖信而解非行莫臻故此叙之以彰得失

桐洲云

一切衆寶莊嚴佛刹皆如來藏妙覺明心周徧含育而出生故身土圓融故云妙覺王刹

天王佛

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

也賜予開示也。華屋藏體也。雖獲信解也。門入修行也。行能通理故曰門也。孤山云心游理外。喻以旅泊真心受賜如開解宅因門入。佛有法界喻以天王華屋如喻由理行。已三正請修路。經唯願如來不捨大悲示我在會諸蒙暗者。捐捨小乘。畢獲如來無餘涅槃本發心路。令有學者從何擇伏疇昔攀緣得陀羅尼入佛知見作是語已五體投地在會一心佇佛慈音疏無餘者無明永盡二死已亡究竟之無餘也。清涼乘上有三餘。非曰無餘今二種涅槃無餘第一。四涅槃中無住涅槃方爲第一。今言無餘卽佛無住。往昔但有二涅槃故不言無餘耳。△補遺云小乘煩惱子縛斷名爲有餘生死果縛斷名爲無餘。今此大乘五住生死究竟常住真心空顯故云畢獲無餘涅槃。願示我等如來本昔因地

發心入涅槃道卽真二昧也。故云未發心路攀緣妄想無始本有。故云疇昔如何攝歛折而伏之。故云入佛知見。

孤山云涅槃圓果也心路圓因也。舉果以請因耳。△二如來廣陳修證二正一總告許

初覺晝宣  
二別明義  
三時衆獲益

妙修行路。經爾時世尊哀愍會中緣覺聲聞於菩提心未自在者及爲當來佛滅度後末法衆生發菩提心開無上乘妙修行路。疏菩提之心具悲智願智求佛道務在修證苟或不明於菩提心未得自在指標二乘所知未斷有法執者名經宣示阿難及諸大眾汝等決定發菩提心於佛如來妙三摩提不生疲倦應當先明發覺初心二決定義。疏妙三摩提首楞嚴

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

定卽真如觀。欲修此觀。先須方便。方便若从真修。可  
真。故以止觀二門。名爲發覺。初心卽最初方便也。王舜  
鼎旦初心。卽阿難所請最  
初方便學人之因地也。然此二門。三世諸佛修行  
證道同途之法。故華嚴云。譬如有力王。率土咸仰  
止觀亦如是。一切所依賴。故此二法。名爲初心決定  
義也。一者。審觀因地及與果心。起隨順行。卽依真如  
門。修正也。真如無相向。卽心絕故。起信云。所言止者。  
謂止一切境界相。隨順奢摩他觀義。故二者。審觀煩  
惱解結根元。起對治行。卽依生滅門。修觀也。生滅法  
相。染淨不同。起智揀擇。對治令斷。故起信云。所言觀

者。謂分別因緣。生滅相。隨順毗舍鉢那觀義。故修前  
方便。未能相卽。故名隨順修之成就。卽觀明止。卽止  
明觀。止觀不二。名爲正修。卽成三昧也。今是初修。故  
名發覺。正二別明二義三〇一正明二義二經  
一因果同異門三〇一初標勘審觀  
初心二義決定。徵阿難第一義者。汝等若欲捐捨聲  
聞修菩薩乘。入佛知見。牒應當審觀。因地發心。與果  
地覺爲同爲異。疏既能信解。果海無念。絕名離相。本  
非生滅。將契此心。須亡生滅。與之相應。故上文云。我  
以不滅不生合如來藏。而如來藏。唯妙覺明圓照法  
界。若異此者。卽暫舉心塵勞先起。合塵背覺。豈曰正

二明二義  
二別正義  
三廣贊證

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200

修<sub>融室云圓覺云如來本起因地修行皆起圓覺清淨覺相承斷無明方成佛道△桐洲云謂初因發心依與果地覺時證菩提之依爲同爲異耶④二須審所以經阿難若於因地以爲</sub>

生滅心爲本修因而求佛乘不生不滅無有是處宗紹佛乘人先須得本悟自真心不生不滅爲因然後以無生之旨徧治一切所以華嚴論云若有習氣還以佛知見治之若不入佛知見設有修行但成折伏終不能入諸佛駛水之流如法華開示悟入佛之知見只是於衆生心中而論開示以佛知見蘊在衆生心中故若未悟心無生之理唯以生滅心爲因欲求無生之果如蒸砂作飯種苦求甘因果不同體用俱

失邪妄修因猶九十六種捏目生花生死趣寂似三乘道人勞神費力疏維摩云無以生滅心行說實相法尚不可以生滅說況以生滅爲因而求證耶普賢觀云大乘因者諸法實相大乘果者諸法實相若不以止門相應此生滅心終無暫息若便以此心爲修行者因果相違終無獲證如上廣破△正辨行相二二一舉偷總彰生滅經以是義故汝當照明諸器世間可作之法皆從變滅阿難汝觀世間可作之法誰爲不壞然終不聞壞爛虛空何以故空非可作由是始終無壞滅故疏妄心如器界所作性故真心如虛空理無

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200

爲故常無常性於焉可知。清涼云世間者世卽隱覆義三世所遷故問者墮虛僞中故隱覆之性卽墮虛僞故世卽是間持業釋也。二就身廣辨虛妄。總明一曰經則汝身中堅相爲地潤溼爲水煖觸爲火動搖爲風由此四經分汝湛圓妙覺明心爲視爲聽爲覺爲察從始入終五疊渾濁疏湛覺無生妄成所相所旣妄立生汝妄能於所明分爲四大於能覺派成六根六根四大乎相雜亂於湛圓明汨成濁相溫陵云四大假幻妄之身縛性爲經五疊續見覺之妄汨湛爲濁纏爲生死根本濁爲惑業根本卽頂經火騰水降四句叙外界外四大楞伽疏云佛也堅相爲地四句叙內界內四大也衆生第八藏識心變起世間卽是濁義也。△明永元於一精明分成六

### 和合内外四大合成其身。

瑜伽第三如薄伽梵說於

糞穢是內地界若小便等是內水界若於身中所有煖等是內火界若上行等風是內風界楞伽疏云佛頂經火騰水降四句叙外界外四大也衆生第八藏識相分之中半爲外器不執受故半爲內身執爲自性生覺受故首楞嚴鈔云且妄見心動故外感風輪由愛心發故外感水輪由堅執心故外感地輪由研求躁故外感火輪由四大形起六根由六根故見六塵故知三界離有情心更無自性

熏聞云五濁言五疊者疊重也此以五陰爲五重何則四經是色陰視聽覺察既是六根根必發識及受想行卽五陰具矣准雪浪標文云由此四大見聞覺察之別以四大六根分於湛圓交互

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

汨亂而成濁相。故云四纏等是五濁之總。五陰是四大等之別。岳師釋五重以四纏六根分配五陰。非也。  
△私謂從始入終者。由此四纏始也。乃至爲覺爲察終也。於五濁則劫濁爲始。命濁爲終。於劫濁則空見爲始。相織爲終。圓岳二師委辨五陰經。始終非經義也。○二喻其濁相。經云何爲濁阿難。譬如清水清潔本然。卽彼塵土灰沙之倫。本質留礙。二體法爾性不相循。有世間人取彼土塵授於淨水。土失留礙。水亡清潔。容貌汨然。名之爲濁汝濁五重亦復如是。  
疏 清水覺湛明性也。土塵地水火風也。妄染淨性相違背。非使之然。法如是也。  
達摩多此云清涼云梵二云法爾亦云法界或曰法性云法爾者言法如是也。謂問言何以諸佛衆生起於刹土答曰法應如是不可則識色不偶。水不雜土。成清瑩矣。

○合釋五濁宗鏡云。五濁者一劫濁。四濁增劇。聚在此時嗔恚增劇。刀兵起。貪欲增劇。饑餓起。愚痴增劇。疾疫起。三灾起。故煩惱倍隆。諸見轉熾。粗弊色心。惡名穢稱。推年減壽。衆濁交奏。如水奔昏。風波鼓怒。魚龍攬擾。無一聊賴。時使之然。如劫初光音天墮地。使有欲如忉利天人粗澁。園園生鬪心。是名劫濁。相煩惱濁者。貧海納流。未曾飽足。嗔虺吸毒。燒諸世間。痴暗頑嚚。過於漆墨。慢高下視。凌忽無度。疑網無信。不可告實。是爲煩惱濁。相見濁者。無人謂有人。無道謂有道。十六知見。六十二見等。猶如羅網。又似稠林。纏縛屈曲。不能得出。是見濁。相衆生濁者。攬於色心。

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

立一宰主譬。如飼膠無物不著流浪五道處處受如貧如瘦名長名富是爲衆生濁相命濁者朝生暮殞晝出夕沒波轉烟迴。息不住是命濁相居此濁亂之時。遮障增劇境飄識燄燒盡善根業動心風吹殘白法著頭魑魅之鬼趣墮痴羅刹之網中爲貪愛王之拘留被魔怨王之驅使孰能頓省倣此圓修。△孤山云餘經明五濁以五利爲見。五鈍爲煩惱衆生但攬見慢果立此假名命以連持一期色心爲牴摧年促壽劫無別牴但以四濁聚在其時今文不狀益約五陰妄想爲五濁也。△熏聞云皆就阿難現前而示故云汝見汝身等。○後別明五劫一劫濁等。

### 經阿難汝見虛空徧十方界

空見不分有空無體有見無覺相織妄成是第一重名爲劫濁。疏梵云劫波此云時分法華論說日月歲年總名爲劫乃至成住壞空不離時分今此經中說劫濁義謂迷真起妄世界未形但有虛空及與妄見

### 空見一體徧法界迷未成二別故云不分

溫陵云覺非空色由

印云以迷妄最初有虛空爲色牴此妄見所先攬者此頑空渾濁真心而成妄見此見吸取空相結爲色而成色心此色蘊之始也。迷妙明爲頑空則空本徧二妄混合故云不分

融室云以五濁配三細六龕者劫濁初起正在晦昧覺明爲空之時時分起於此故以空見相織成妄成卽爲時分△孤山云此濁依色陰也四大五根五塵同名色陰今以眼根見空塵而說者以渾濁義顯故何故名劫濁耶以成住壞空四皆

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

名劫故指見空爲劫濁如來方便巧示卽指阿難所見空成劫濁義也有空無軀者空無軀質故有見無覺者有見而無好醜違順之覺知故以無軀之空過在茲乎△相織者涅槃經云涅槃者名無織故佛性論云涅槃者無所趣故無編織故○二見濁經汝身現搏四大爲體見聞覺知壅令留礙水火風土旋令覺知相織妄成爲第二重名爲見濁疏身之質礙由見聞知織水火風執取滯著壅翳不通遂現四微形相體質補遺云見聞覺知本非留碍爲四大所織見不超色耳唯聽聲身之覺知由水火性織彼妄見旋轉移易還復交替分成六根水火風土本非覺知爲六識所旋亦能發知如四大淨色能見能覺

織經平相參雜故名爲濁前則業轉今則現相也融室

云見濁當轉現二相轉卽見分於見分中有境界相現故私謂前云有空無軀今言見聞覺知壅令留礙則有軀也前云有見無覺今言水火風土旋令覺知受陰領受所緣之境爲受六觸因緣生於六受境有違順非違非順之別故六受亦有苦受樂受不苦不受樂之異相織妄成者四大爲六受所壅故令留礙四大爲四大所旋故令覺知也二法交織妄爲受陰以見境領納渾濁真性故名爲濁△雪浪云汝身現搏四大以爲身軀見聞覺知元是一軀由四大而壅令留碍水火風土元是無知因見聞而旋令覺知四大根相織妄成故爲見濁見卽增計長非之謂○三煩濁經又汝心中憶識誦習性發知見客現六塵離塵無相離覺無性相織妄成是第三重名煩惱濁疏諸有境界釋要云意識能緣三世依正之境復能執受憶過去境卽獨散意識緣落謝境識現

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

在塵。卽明了意識。隨前五所取緣現量境。誦習未來。卽未形兆事。預思念也。卽獨散意緣比量境。舉此三者。正明意能緣三世境也。慈公疏云。憶念過去。識對現在。能分別體。從前見濁覺。知所發故。曰性發知見。能分別識性。從見聞覺知所發故。

卽是六塵所現影像。故云容現六塵。塵現故補遺云。所分別相從六

六識妄性附於根塵。生起知見故。云六塵無所憶識。謂習之相。故曰離塵無相。離見聞覺知。無能憶識。誦習之性。故曰離相無性。于相交織擾亂相裏。名煩惱濁。卽六龜前四也。溫陵云。憶識誦習。卽智及相續執取計名。相爲想而有六種。謂取所領六塵之相爲六想也。性發知見。謂能取六想。容現六塵。謂所取六塵之相也。以此相織。妄成想陰。既取著所領。則擾亂甚前。既渾真性。故名煩惱濁。△海印云。想乃六識之妄想。由心

中誦習熟串。習氣內鼓。忽然起爲所知見境。故曰性發知見。隨其妄想所現塵境。卽分明形容於妄想性中。妄見六塵緣影。爲自心相。故曰容現六塵。是則離塵無意識。相離根無意識。性根塵識三。混濁一相。起貪嗔等名煩惱濁。△海印云。想乃六識之妄想。由心

於世間業運。每常遷於國土。相織妄成。是第四重。名衆生濁。疏云。生滅是行。行卽是業。衆生執愛。但欲留住。恋著業性。遷流每常運動。隨趣受生。一去一住。一動一留。

于相交織。衆法生滅。合解云。以流織遷以遷織流。業減。正留住。名衆生濁。卽造業也。溫陵云。朝夕生滅。卽卽遷去。如私心雖恋鄉井。以官事須往他鄉。六道品中說爲六思思。卽是業。謂於六想之後。各起善不善。無動業也。知見。卽六思業運。卽隨善惡遷移國土。亦世間也。

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

往還例亦如是相織者卽知見欲留業運遷去妄成行陰而去留假合混濁真性名衆生濁○五命濁

經汝等見聞元無異性衆塵隔越無狀異生性中相

知用中相背同異失準相織妄成是第五重名爲命濁疏

功能名之曰命

釋要云命是報法者由前世業法之所感故遂有修短之殊夫受身者命

煖識三不相離也命卽氣息報風連持不斷色心可

久命不連持色心則變煖則遺軀之色識卽心王

則五命濁

前六見聞元本一識由六根異遂成分離識用雖分

總報之主唯一本識故云無異六塵隔別見聽爰分根塵異故識乃分離取六塵境

體唯一種

見聽爰分根塵異故識乃分離取六塵境中相背者眼唯了色不別聲等

性中相知者唯一本識爲脉故用

斯則同中立異異

處見同同異失准平相交織於總報體便立命根名

爲命濁卽業繫苦相也

融室云性命見聞爲業繫於苦故△孤山云此濁依於識

陰了別所緣之境名識卽是六識也元無異性者了別之心惟一故衆塵隔越者六塵也不同故牽生六識故云無狀異生性中相知釋元無異性也用中相背釋無狀異生也適言其同則用相背適言其異則性相知故云失準以此交織妄稱識陰識在命存識去命謝渾濁真性故名命濁△王舜禹曰此正生滅與不生滅和合乃衆生之命蒂故名命濁

上之五重皆由能所妄覺影明展轉相習從細至龜牛爲形待次第轉生混真成濁

有此五義耳

海印云五濁依五蘊而生將示不生滅以證無生卽五蘊以證法身也佛以衆生起倒皆因五蘊故以觀五蘊爲人道之要門觀者若得其要

則若理若觀皆有所歸故五蘊觀門爲此經決定經第一義也起二修因契果二勘棟妄依真阿難汝今欲令見聞覺知遠契如來常樂我淨應當

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

先擇生死根本依不生滅圓湛性成疏。迷真起妄見聞覺知返妄歸真常樂我淨不循生滅妙證可臻苟順塵勞真常益背故勸擇妄依不生滅。吳興云見聞覺知生滅心也常樂我淨不生滅性也因果事異故遠心性理同故契生死根本謂六根也補遺云此初義中教循止觀以識心爲生死根本既云見聞覺知遠契四德則應以六根中六識爲所據之境也。△溫陵云見聞覺知六受用根也常樂我淨涅槃妙德也生死根本五濁業用也。△如說云生死根本卽四纏五濁乃賴耶識中所帶之妄前文云遠離和合及不和合則復減除諸生死因卽所據生死根本也不生滅圓湛性卽前文圓滿菩提不生滅性也。○二示修定旋覺二。一正示用心示修定旋覺二。

經以湛旋其虛妄

滅生伏還元覺得元明覺無生滅性爲因地心然後圓成果地修證疏初習名止成就曰定初習後成就俱

名曰湛起信云所言止者謂止一切境界相境界不生見聞不起漸澄漸伏籠垢自遣圓覺云以淨覺心取靜爲行由澄諸念覺識煩動靜慧發生身心客塵從此永滅便能內發寂靜輕安由寂靜故十方世界諸如來心於中顯現如鏡中像此方便者名奢摩他若能居一切時不起妄念於諸妄心亦不息滅住妄想境不加了知於無了知不辨真實是則名爲隨順覺性得無生性爲因地心由是漸修入證登極成妙圓果脩之次第如天台圓頓止觀廣明私謂長水釋以止觀二門名爲發覺初心卽最初方便也此釋最初方便之明文也今釋修定旋覺正明依真如門脩

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

止。全引圓覺此方便者名奢摩他。一章文字。此指奢摩他爲最初方便之明文也。長水立止觀兩門爲最初方便故雙取奢摩三摩。蒙立真止一門爲最初方便。故單取奢摩他。然蒙所引據者經文奢摩他中鉢舍那微密觀照之文與長水引起信隨順奢摩他觀義之旨則未嘗不同也。近師見聞局於會解請以長水全疏會而通之。則最初方便可冠定矣。△孤山云既以清水濁水溼性不殊妄心真心諦理不二當須達妄無妄了濁元清故云以湛旋其虛妄滅生也。還元覺者初心了達惑實未破故云伏也。即是伏無明還法性耳。得元下。唯觀常住法性。卽是圓因故云爲因地心。此卽住前名字觀行相似位也。初住分證常果妙覺究竟常果並由住前觀無生滅心而成。△釋要云湛卽定旋卽伏以定旋伏虛妄亂動之法成本真性故曰伏還元覺。△海印云旋猶流也。如水之漩渦謂念念流妄以歸真也。○二喻顯修證經如澄濁水貯於靜器靜深不動沙土自沈清水現前名爲初伏客塵煩惱去泥純水名爲永斷根本無明。

明相精純一切變現不爲煩惱皆合涅槃清淨妙德結答無疏真覺如水見聞如濁定身如靜器定法如澄靜砂如煩惱泥如無明地前名伏地上名斷究竟名精純變現卽起用此卽同前不滅不生合如來藏乃至背塵合覺故發真如妙覺明性也

孤山云既知濁卽清必澄

濁令清旣了妄卽真故能息妄歸真非保其濁守其妄也。澄渝修觀濁水渝妄心靜器喻圓人身器不爲境雖動靜深不動者深猶久也。觀行雖成而能忍六境淨而無法愛故登初住無明頓破如沙土自沉中理分顯如清水現前法華明穿鑿高原大師亦以見水爲初也。初住所斷無明名爲客塵以初住法性如空故而言伏者望於妙覺悉名伏道唯佛名斷仁王云三賢十聖忍中行唯佛一人到其源去泥喻極果也。泥喻上地惑也。元品已盡故云永斷涅槃云無上士者名無所斷明相精純究竟理頭也隨機

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

所感十界現形。皆名淨用。故曰不爲煩惱而用頭  
故云皆舍涅槃等。然德必具四畧舉一淨耳。△溫陵  
云。清水現前牒上旋其虛妄。此則初伏客塵煩惱。旋  
之使伏。非真無生滅性也。去泥純水牒上復還元覺。以  
得其本元真覺。無生滅性。則無明根斷覺湛精純煩惱。  
泥水任攬淘。無復汨濁。乃可爲因地心也。因心如此。則  
果地修證無有不圓。涅槃妙德。於斯契合矣。△中川  
云。初伏客塵。卽先除正使。永斷根本。卽更侵習氣。客  
塵之牴。卽奢摩他所治之惑。○證真云。諸經論皆以  
煩惱障爲客塵。天台目爲界內見思等。根本無明。天  
台目爲界外見思。諸經論目爲所知障。智障等。言永  
斷者。且約從因至果。通相而說理實妙覺。方能永斷。  
故曰明極。卽如來。△熏聞云。准唯識等初地頓斷見  
惑。二地已上漸斷思惑。若圓說者。從初住去。皆見思  
雙破。以違理由見惑報由思。乃至妙覺方盡其惑。○  
引證涅槃云。非五欲淤泥。非無明闇濁離此二邊。卽  
佛性清水。○智論云。譬如清淨池水。狂象入中。令其  
渾濁。若清水珠入。水卽清淨。不得言水外無象無珠。  
心亦如是。寶性論云。貪等客煩惱。猶如濁水塵。無分  
別智。上果法如池水。○上明第一義竟次第二義。

二根塵解結門  
門  
一指翁正事  
審詳  
二總標痕  
過慮  
三別功用  
優劣  
四令抉圓根  
鑿鑿

◎二根塵解結門 第一大科正明二義下之子科 今  
以標觀約義正辨三科爲承起科。三正辨行相下。生  
指事總標別不令揀四科。第三別示功用優劣。第四  
令揀圓根修證爲子科中重起母科。第三以一約世  
界流變二約根用優劣爲子科。第四以正勸訓請等  
四爲承起科。是中生子科四。一旦破六一之見。二廣  
明根結之由。三正示入一之門。四結顯真覺之理。上  
來正明二義一科始竟。次下別破疑情廣示修證二  
大科。正從第二根塵解結中。一門生起。皆決定經第  
二義之廣文也。今初文三八。一標觀審詳

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

## 作第八能受

金光明經

卷之二

空印云第六意識能作引業滿業故頌云動身發語獨爲最煩惱根本六根全造業受報雖六識能作而以第八爲根本依以六根是八識所現相分故第八之役諸識猶身之使手臂如人用手殺人而曰手殺非人殺者豈有是哉故今了義作業受報皆歸第八卽見開精明是也△講錄云發業無明謂發現業用如取捨執著等第六識也潤生無明謂津潤俱生如依中身納胎成種者第八識也攀緣造作者六識是作業主能造染淨業因故受果報者八識是總報主能含藏染淨種執不散故△清涼云約第六識業是所造心是能造者卽以第六識名心從於積集通相說故謂第六識人執無明迷真實義異熟理故以善不善相應思造罪福不動等三行熏阿賴耶能感五趣愛非愛等種種報相但云六者謂五識無執不能發潤故非迷理無推度故不能造業雖造滿業亦非自能但由意引方能作故○宗鏡七十五問生造生死染淨二業受苦樂兩報皆從心起於八識內定是何心答今古有二解古師取第六識爲垢淨心爲此六識與善十一相應能造人天善業與根隨相應能造三塗惡業此

總別業成能招當來苦樂兩報此據造業者爲心神錯和尚取第八識爲心者此是總報主真異熟識識中能含藏善不善業種子種子遇緣卽能招苦樂兩報此約所熏能持種爲心所熏爲根本能熏爲枝末今若雙取正理方圓△清涼云煩惱有二能發能潤雖諸煩惱皆能發潤於發業位無明力增潤業受生愛取力勝各受偏名以無熏發唯一無明數數溉灌故生愛取言潤業位愛取偏增者說愛如水能潤後故其實有多現行潤也此唯觀門分別能知故起信云所言觀

諸幻而開幻衆等卽同圓覺起幻銷塵觀也彼云此觀者定慧之異名也前文審觀之義及照明諸器世間可作之法豈非觀耶後文審觀之義及逆彼無始

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

織妄逆流豈非止耶資中分條後人布葉深悶來者應知初義明因地發心卽止觀當軀也與果地覺卽止觀所依也次義明煩惱根本卽止觀所破也說有先後行無二門合而言之祇是以無緣智緣無相境破無明惑耳△私謂古師約二決定義安立止觀依經入觀觀納歷然長水所明者圓頓止觀故曰卽觀明止卽止明觀止觀不二斯爲正修是則資中對立觀門書川獨標圓義可謂破立同時遞表一法矣山家約三門科經逐文分配岳師此文但依了義不復扶宗豈非靈龜曳尾自埽其跡者耶△二約義顕非經阿難汝修菩提若不審觀煩惱根本則不能知

虛妄根塵何處顛倒處尚不知云何降伏取如來位疏

根塵虛妄爲煩惱宅顛倒淪替莫不由斯苟能識其根元知其結處則可希冀解禁庶幾降伏耳

標指

潤生三細六粗根塵之本也△溫陵云無明發業愛取潤生第六能作梁耶能受潛爲煩惱根本發爲虛

妄根塵知之乃可降伏降之乃可取果△海印云發業潤生通名煩惱生死皆由此二而有此二法元無實體但依六識妄想爲用於六根門頭緣塵取境純是無明用事以資愛取故生死結於根塵之中今欲審知虛妄根塵何處顛倒以根塵相交結處卽顛倒處乃生死結根之所在下將審擇結根故勸審觀也△三正辨行相四○經阿難汝觀世間解結之人不一指事正喻審詳

經阿難汝觀世間解結之人不見所結云何知解不聞虛空被汝隳裂何以故空無

形相無結解故

私謂前文明虛空無壞滅以起則汝身中下四纏五濁之文此明虛空無

緊關鉤鎖言汝觀世間解結等今委詳經文畧更長水舊科非敢改作也第六卷阿難重問解結一科亦發起於此△二總標六根發

始衆生世界生纏縛故於器世間不能超越疏六根

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

爲賊媒者。一引外賊卽六塵也。二起內賊卽煩惱也。内外惡賊能劫真性。若知根塵賊無能爲。

吳興云。之六塵。外

之六識皆由眼等引發。和合所起煩惱害如來藏。故涅槃云。六入空聚當有

六大惡賊必斷汝命。當卽遠離以根塵相熏納識成

種無始相續。莫不由此不知調伏必爲所害。

出六恨所起煩

惱發業潤生乃有無始衆生世界等。△標指卽前云此是前塵虛妄相想惑汝真性。由汝無始認賊爲子。

△涅槃云。六大賊者卽外六塵菩薩觀此六塵。如六大賊何以故能劫一切諸善法故。如六大賊若入人舍則能劫奪現家所有。令巨富者忽然貧窮是六塵賊亦復如是。若入人根則能劫奪一切善法貧窮孤露作一闡提是六大賊若見人物則能偷劫。六塵不爾。若見若知。若聞若觀。若觸若覺。皆悉能劫。六大賊者唯能劫奪欲界人財未能劫奪色無色界。六塵惡賊能劫三界一切善寶是故菩薩諦觀六塵過彼六

賊。△翻譯云。媒訓謀謀合二姓名媒。六根能生六識。令著六塵。所以六根如媒人也。金光明云。猶如世人馳走空聚。六賊所害。愚不知避解云。六根虛假。如空聚落。六塵染汙。害智慧命。劫功德財。故名六賊。●三別示根用優劣。二○一約世界流。

經阿難云。何名爲變總明功德三。○一釋名辨相。

衆生世界。世爲遷流界爲方位。汝今當知東西南北。東南西南東北西北。上下爲界。過去未來現在爲世。方位有十。流數有三。一切衆生織妄相成身中貿遷。世界相涉。疏。世界有三。謂衆生五陰器界也。揀非餘二。故標衆生。此一若超餘皆解脱。孤山云。上示二種正報器世界是依報。以由正報纏縛故。於依界不能超越。今但約正報而明。前四句釋名。汝今下辨相。一切下結示身中界也。貿遷世也。世界

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

# 交織故云相涉。

貿遷者交易遷移也。世界相涉是貿遷相謂以世涉界以界涉世也。

△溫

陵云衆生世界亦有四方。即左右前後是也。世者三際迷遷界者各有定位。界位有十世數有三一身所具理自互涉故云身中貿遷世界相涉△雪浪云一切衆生根塵織妄相成身中刹那刹那貿易遷改則

三世四方自相涉也△海印云三世四方只就一身而觀以界與世。即在身中貿易遷謝所謂有力者負之而趨也○引證離世間品云有十種說三世何謂爲十。所謂過去世說過去世。過去世說未來世過去世說現在世未來世說過去世未來世說現在世未來世說無盡現在世說過去世現在世說未來世現在世說平等現在世說三世卽一念是爲十疏曰前劫此世長短有異通皆時分。並是十世隔法異成前

之九世。相望以立攝本歸未不離一念卽此一念現在是過去未來是未來過去自具三世此一念上雖

因前後而其三世全在一中一中之三更互相因故爲九世。本之一念故爲十耳。○二揀定方位經

經

而此界性設雖十方定位可明。世間只目東西南北

上下無位中無定方疏界之體性依假施設雖云十方若以位次決定明顯東方南北可爲準的餘皆不

定融室云上下屬四方言之故云不定雪浪云言中定位之中東看則西南觀成北故無定方非指四隅之中也。○三經四數必明東西南北與世相涉過未流變成功南北與世相涉現三四

四三死轉十二流變三疊一十百千總括始終六根

之中各各功德有千二百疏三變之義古今多解各

見其文不能具叙岳師亦云佛旨難測人情異端苟繁異今之鈔畧且無的據誰爲至當有宋已來異說

以長水吳興爲準今所解者不加別法以變其數只將今文過現未來運動筹位便成一千二百功德如

第一位三世四方死轉十二便成一疊籌位即是

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

横二豎已成過去。第二卽變過去一世。以爲現在。進動筭位。一豎二橫成百二十。爲第一疊。第三又卽變現在世。以爲未來。進動筭位。一橫二豎成一千二百。爲第三疊。能變之法。旣唯三世。所變之數。亦唯千二。故無增減。餘姚黃宗羲曰。長水筭法。正用今器。其所位。卽是橫。本位是橫。進一位。卽是豎。卽乾坤鑿度所云。立筭卧筭。非如徐岳太乙筭器。實有橫豎也。但三世四方乘之。得一十二。十二自之。應得一百四十四。今不然者。以經文流變。只變一爲十。變十爲百。不復以三世四方爲乘母也。未來之變。亦復如是。問。經文旣云。世界相涉。三世四方。宛轉十二。何故變數。唯約世論。不以方說耶。答。方體常定。世義流動。定故不改。動故更移。今旣改十

爲千。多從少。約世是順。方義不符。匪唯義不相符。抑且疊數難合。經文明言。流變三疊。豈非唯就三世說耶。問。夫三世遷變。合從未來遷爲現在。從現在世改爲過去。何故此文返而說耶。答。今約從微至著。變少爲多。已是十二。當爲百千。故不可先約未來。以對初疊。以未來未見數故。故須返對也。以變者是逆義。故下文云。生從順。習死從變。流經文旣言流變。故須逆增其數。○古師釋云。初變一爲十。以三世四方。五十。三變百爲千。三世四方。互成千二百。是一根功德之數。摠六根爲七千二百。除眼鼻身三根。各虧四百。實得六千。爲六根功德也。一爲變主。十百千爲三疊。織成其數。●右台家磬師佛祖統記引古師注。順文

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

增數以定六根功德界如長水今解。○吳興云此約十二遷流變易共成三疊也。一百千者通舉增數之法耳。今且以方涉世。明三疊者第一。約四方各論三世成十二也。第二於東方三世變一爲十。成三十西北方如是四方各三十。成一百二十也。第三於東方三世變十爲百。成三百。三方亦尔。四方各三百成一千二百也。以世涉方其例可解。△所謂流變三疊長水吳興異解其異有二。長水約分三世流變爲過現未。吳興約就當世流變爲過現未。一也。長水專以方涉世。吳興兼明以世涉方。二也。幽溪燈師稟義不知彼明三世緣起。證成一念本性此明三世流變。○變莊定六根功德二經宗趣。迢然不同。長水約過現以分三世。通舉增數義歸於總括六根斯得順經義也。界爲方位故方位有十。世爲遷流故流變有三。天地四方既有定位乃有過現未之時。分長爲劫波。促爲剎那。自四方定位而起皆流數也。經文明言四數必明。與世相涉不言三數必明。與方相涉也。又明言流變三疊。不言方位三疊也。前指身中貿遷故云世界相涉此辨方位可明。則云與世相涉良以器界相涉。

卷之三

三

後群宗淨覺世有具眼更祈審詳。○吳興又云慈師約三世四方具有五根五塵。一一根塵重成十類衆生爲千二百。沈師非之節公是之。敏師於十二中一皆具十善成百二十。一善用具十如是成千二百。至於資中孤山長水。但合數而已皆變疊不同。以解釋數者。古人已經料揀。今鈔不復累書。若通人解有與古釋相發明者。則畧附於後。△無盡云衆器世界在五陰中。世不能出三之表界。不能出四外流變者。順十二三數而變也。順變三疊。一十百世流變。故有三疊。自一疊十。十疊百。百疊千。成千二十六根。皆具然此權依世論。以顯妙用大畧耳。若六亡互用圓照夫何數量所及。△雲棲云界四世

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

三。彼此相涉。以三乘四。以四乘三。俱成十二。是一疊。卽此十二。各各變十。成一百二十。是二疊。卽此一百五十。十各變百。成一千二百。是三疊。大意謂衆生在世界之中。見聞覺知。剎那生滅。粗細之相如許。古德云。一念中有八万四千塵勞。是也。右雲棲依環師解。亦同長水古釋。△海印云。衆生無始。一念法尔。具該三世。全徧於一身。則四方各有三世。此三四成十二也。四方融貫於一念。則每世各有四方。此四三成十二也。以此相織。故曰宛轉。初則一念爲一疊。但有十二耳。妄念重。變續生。微細。此一念已包三方。流四方。故成十二流變而成三疊也。最初一念不立本者。以從無住本。立一切法故。但言三疊者。生滅一念。尗遷流。具該三世。雖窮劫。亦只言三世耳。△私謂衆生無明。不覺強立能所織。妄相成而有依正。二報有依正。卽有方位界限。三世遷流。交相涉入。而一切數量生焉。有數量。斯有功德。優劣有優劣。斯有揀選。經文大意。以衆生在器世界中。六根纏縛。不能於中審詳。根本故約三世。四方。老子數量。以爲克定。優劣之本。七卷文云。分段妄生。因此界立遷流不住。因此世成三世。四方和合相涉。變化衆生成十二類。如來自

下注脚。明白如是。能於此中克定。優劣。揀根深入。始知衆生世界。父母所生。肉眼諸根。法尔。具足如是。功德根塵同源。依正不二。迷之。起十習。因成六爻。報悟之爲六清淨。發六解脫。斯則名爲發覺。初心。第二。決定義也。流變疊數。古雖多解。殊非經中。齒鑑關節。疏台家有以此義立楞嚴三闍。勘辨學人。不已多乎。

此約衆生身中六根取境本分。功能作用。名爲功德。非同法華持經所重。今成淨用。然染淨雖別。皆從本有熏力而成。故彼此文數量無異。孤山云。法華明經修行已發相似之解。六根清淨。平用無方。雖眼八百。亦具餘五根功德等。△柏庭云。此與法華論同。異者。彼以功德莊嚴。六根故。有盈縮能等之異能等者。以無二之德。顯六根清淨。則同也。大論以六根分強弱。與今對根稍殊。被眼根義強。此舌根爲勝。餘雖大同。彼不論數也。△吳興云。此據六根。了別之性是同。故云各各功德。有千二百下對六塵。了別之用有異。所以功德全闕。不是。則性中相知。用中相背也。①二約根用。優劣別。

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

示功德六。一眼根經阿難汝復於中克定優劣。總如眼觀見。

⑤

後暗前明前方全明後方全暗左右旁觀三分之二。統論所作功德不全三分言功一分無德當知眼唯

八百功德。資眼者一方三百旁觀二百又得二分之餘共成五百并前三百總成八百。疏前二句總告如

眼下正示左右旁觀三分之二者舉一方三百方中二百全近維二五十一方既爾餘皆例然今左右觀

各得二百全分近維一五十共成五百。論補曰如左缺者數之畧也雖各本具二百以左窺右則右益五十以右窺左則左益五十故各得二百五十資中說是

及全明三百都成八百三分言功者見三方也餘

皆可知。

吳興云統論功德者指三根也△按天如補注約四方各二百四隅各二百以揀資中之解諸方皆非之今

不贅錄③二耳根經

如耳周聽十方無遺動若邇遠

靜無邊際當知耳根圓滿一千二百功德。疏十方俱擊鼓十處一時聞動有分限故有邇遠靜非涯量故

無邊際俱耳家境故此雙顯。④三鼻根經如鼻顎聞通出

入息有出有入而闕中交驗於鼻根三分闕一當知

鼻唯八百功德。疏出入中交共成三分一分四百闕

吳興云鼻中通息出入前後兩不相交○引證瑜伽二十七入息有二一

於中交故得八百。

一者入息二者中間入息出息亦二一者出息二者中間出息天息者謂出息無間內門風轉乃至齋處中間入息者謂入息滅已乃至出息未生於其中間在停息處暫時相似微細風起是名中間入息如入息

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

中間入息出息中間出息當知亦尔。此中若別者謂  
入息無間外門風轉始從齋處乃至面門或至鼻端  
或復出外。  
四舌根經如舌宣揚盡諸世間出世間智言有方  
分理無窮盡當知舌根圓滿一千二百功德疏世出  
世智所知之境唯舌詮顯能詮言句猶可分限所詮  
理趣莫能窮盡故千二百法華玄義云舌根取四辨  
千界而不取知味知味是報五身根經如身覺觸識於違順合時能  
覺離時不知離一合雙驗於身根三分闕一當知身  
唯八百功德疏貪違順離但捨受故云不知補遺  
則根境單一故闕其知合則根境雙觸故知違順違順各四故得八百闕於  
離知故少四百孤山云離中不知是闕一分合時能  
覺有違有順故具二分△溫陵云離

闕一分合全二分故云離一合雙△桐洲云經如意  
合時俱覺曰雙離但不知日一○六意根  
默容十方三界一切世間世出世法唯聖與凡無不  
包容盡其涯際當知意根圓滿一千二百功德疏意  
能徧緣三世三性世出世法無不具足文顯易知真  
云意識獨生徧緣諸法故曰默容△平川云意根了  
境通於三世具現比二量又憶識誦習中慣力強故  
能默容十方二世等○四令揀圓根修證二正勤令揀四一總勸詳擇經阿難汝今欲  
逆生死欲流反窮流根至不生滅當驗此等六受用  
根誰合誰離誰深誰淺誰爲圓通誰不圓滿疏返妄  
歸真真爲流根故云至不生滅溫陵云流根卽圓湛不動者此則  
以覺心源爲究竟覺也欲得此覺應選圓根爲趣入

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

之要。若圓聽十方耳根最勝意令選揀以入圓通。

云此令詳擇六根任其去取云誰乃審定之詞眼耳

則離鼻舌身合意深五淺耳圓餘非△融室云欲流

是色等諸塵流根是眼等諸根言受用者衆生以色

聲諸塵爲眼耳等根受用故雪浪云返窮流根返窮

妄流之根也右二師釋流根爲妄根與長水異○引

證智論云菩薩自念我不應如諸餘人常隨生死等

流我當逆流以求盡源入經若能於此悟圓通根逆

泥洹道②二別示功能疏

彼無始織妄業流得循圓通與不圓根曰劫相倍

此是如來知時知機令自選擇樂欲相應起隨順行

如下文云我今欲令阿難開悟二十五行誰當其根

兼我滅後此界衆生入菩薩乘求無上道何方便門

得易成就故云曰劫相倍疏

孤山云佛意令依耳根修

根功德淺深隨汝自意審詳選擇欲於一根得入三

昧我當爲汝顯發開明令得增進無上聖道吳興云

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200

脩了了分明見乃至六根皆作是說故云亦無優劣  
智者於止觀中釋云彼是九界於諸如來常者九界  
自謂各各非真如來觀之卽佛法界具足無缺減修者  
觀諸眼卽佛眼一心三諦圓因具足無有缺減分明  
了了見者焰火爲了了焰權爲分明修論圓因見論  
圓證乃至六根皆作是疏但汝下約劣根須揀根非  
說今就初門且辨優劣

徑要劫修無益若得圓門日功倍勝故一根返源六  
根清淨宗楞嚴會上佛告阿難至一時清淨等是以  
陳那因聲悟道沙陀因色悟道香嚴因香悟道乃至  
虛空藏因空悟道則知自性徧一切處皆是入路豈  
局一門宋明云楞嚴經入一無妄李長者論云二入  
全真云二謂請廣說二記一伸請二廣釋已  
上皆爲承起次生且破六一等四子科

經阿難白佛言世尊云何逆流深入一門能令六根  
一時清淨疏前佛所勸意明如來藏體清淨本然由  
乎強覺分成六妄若能返照從一根門入一性海法  
界一相更無六一之異故云深入一門六根清淨今  
阿難將謂六根有實元是一體若是一體又何分六  
故今請示六一之由耳之見二廣釋四十一且破六一  
經佛告阿難汝今已得須陀洹果已滅三界衆生世  
間見所斷惑然猶未知根中積生無始虛習彼習要  
因修所斷得何況此中生住異滅分割頭數疏一  
之情正是法執執根是實有六一故阿難初果雖破

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

我執尚有所餘煩惱俱生。猶未斷故。况此法執是所知障。無明住地。此障最細。名爲根中。生住異滅。分劑頭數。溫陵云小乘見道門斷三界貪嗔痴等十分別惑乃證初果故曰已得陀洹已滅見惑也修道門斷三界貪嗔痴慢四俱生惑亦曰思惑此乃根中累生無始虛習三果乃斷所以阿難未知也况此根中更有生住異滅諸微細惑其分劑頭數又非阿難所知者斷盡此惑六湛乃圓△清涼云煩惱卽煩惱障心垢卽所知障二障各二一者分別謂因邪師邪教及邪思惟此見道斷入地時便永斷盡二者俱生不由上二生而便有此修道斷地地斷之此又二種一者現行二者種子若所知現行地地斷之若煩惱現行亦地地斷煩惱種子直至金剛定斷二障習氣卽熏習所成揀異現障故云習氣習氣有一謂因與果於現起障能爲因者亦名種子此因習氣根本智斷不起現因但相重者唯名習氣此果習氣後得智斷○孤山云見諦所斷之惑卽八十八使也△正觀云見惑附軀而生還能障軀如炎依空而動亂於空

似夢因眠夢昏於眠夢若不息眠不得覺此惑不除軀不得顯然見則見理見實非惑見理時能斷此惑從解得名名爲見惑耳言八十八使者一身見二邊見三見取四戒取五邪見是五利使六貪七嗔八痴見九慢十疑是五鈍使如是十使歷欲界四諦苦下具十集滅各七除身邊戒取道下有八除身邊合三十二使歷色界四諦有二十八無色亦尔例除一嗔合有八十八使若歷六十二見見見各具八十八使倒浪瀾漫不可稱數邪納弥密障于軀理△四教儀注云見惑見道所斷思惑修道所斷約能斷位名所斷惑也言見所斷惑者清涼云須陀洹名預流謂斷見道位煩惱盡忍惑足故斷三界八十八使見惑有粗重分別煩惱兼是能障見諦之惑也○孤山云道所斷之惑卽八十一思也△正觀云思假者謂貪瞋痴慢此名鈍使亦名正三毒歷三界爲十又約三三界別一時斷故泐潭云此初果人所斷八十八

凡九地地地有九品合八十一品皆能潤業受三界生初果猶七反未盡如燈滅方盛雖復有欲非婦

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

不淫。雖復有瞋，瞿地不天。雖復有愚，不計性實。道  
戒力。任運如是。故稱正煩惱也。不同見惑。瀾漫無方。  
觸境生著。稱思惟者。從解得名。初觀真淺。猶有事障。  
後重慮真。此惑卽除。故名思惟惑也。教儀云。三界分  
爲九地。欲界合爲一地。四禪八定爲八。欲界一地。  
有九品貪瞋痴慢。八地各有九品。上八地無瞋使故。  
成八十一。不言疑者。見道已斷理合無疑。故言修所  
斷惑者。正觀云。成論明十六心。正是初果位。異部明  
十六心。是脩道位。今且依修道斷一品欲惑次第至  
第五品盡。皆名斯陀含向。若超斷至第五品。名家家  
次斷六品盡。名斯陀含果。乃至第九無碍道。斷非想  
第九惑盡。第九解脫道證。名阿羅漢果。三界思盡。得  
盡智無生智。證八十分真空。故言修所斷得也。見惑  
盡如四十里水。思惑如十里水。大經云。初果所斷。如  
竭四十里水。其餘在者。如毛一滴。○真際云。此修  
斷惑無始時來。與身俱生。眠伏藏識。故曰根中積。生  
等。泐潭云。無始虛習者。謂小乘修道中思惟惑也。亦  
謂之四俱惑。分別俱生。一貪二瞋。三痴四慢。此是欲  
界俱生四惑。到小乘第三果始盡。斷清涼云。一切煩  
惱分別爲輕。俱生爲重。分別爲輕者。唯識云。煩惱  
障

重見所斷惑者。三乘見道位。真見道中。一時俱斷。  
生爲重者。修道位中。類類修習。無分別智。方能斷。故  
法執也。△空印云。生住異滅。卽無明住地。分割頭數。  
如塵如沙。所知障攝。△二楞云。此中。卽根中。以離阿  
賴識諸惑。無依故。生住異滅。卽菩薩所斷惑。天台目  
爲界外見思。是也。汝今雖已斷見流。得證初果。界內  
思惑。猶有未盡。矧界外見思。故云。何況等。按見思惑  
名枝末無明。以無明爲根本。故見思通。三乘人斷故。  
名通惑。潤有漏業。招三界生。故曰界內。塵沙無明。別  
在菩薩所斷。故名別惑。塵沙潤無漏業。無明潤非漏業。  
非無漏業。招變易生。故云。界外塵沙。則通界內。  
言界外見思。亦通指塵沙耳。△私謂孤山釋分割  
說。十信凡夫覺滅相。三賢覺異相。十地覺住相。位以明  
覺。生相。此疏主將四相粗細。寄顯反流四位。以明  
數。謂指初住已上。至於妙覺。四十二品殊與經文  
合。經文正明所知。塵微細法執俱生。習氣卽圓覺  
心中了知。生住滅念。分齊頭數是也。依起信論疏  
中。生住異滅從細至粗。甚深微細。本末分齊頭緒。

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

量却廣指寄頭之位。以釋修斷之文。不已迂乎。自天如會解。揀汰長水溫陵獨立孤山之解。後學公習莫知問津。故爲表而正之。  
〔二〕經今汝且觀現前六根推破六一疑情三八徵

爲一爲六

標指六一若存是非鋒起。△熏聞云。不了六一即是無明故約此推破用頭藏性。非已開頭須明圓行。豈復作意先破俱生。但破無明。答既生自落冶鐵之喻不亦然乎。

〔二〕破二○一破一

經阿難若言一者耳。何不

見曰。何不聞頭奚不履足奚無語。  
疏若言一者耳。何不應同眼合能聞足應解說。今汝不然。  
〔二〕經若此六根決定成六。如我今會與汝宣揚微妙法門。汝之六根誰來領受。阿難言我用耳聞佛言。汝耳自聞何關身口。口來問義。身起欽承。  
疏若言六異應不相干。一

處聞經。一何欽問。  
〔二〕經是故應知。非一終六。非六終一。終不汝根元一元六。  
疏初二句結前半破後二句顯無一六根體元無何一六之有乎。  
疏孤山云。非一非六。終一性中相知故而此六一。同異失一。用中相

難當知是根非一非六。由無始來顛倒淪替。故於圓湛一六義生。汝須陀洹雖得六消猶未亡。  
疏圓明藏體非一六之異。無始顛倒六根強生。聞說解六。又執是一二六形待虛妄相生。沒於四流遷改不息。知見移易變一爲六。故云淪替。雖得六銷猶未亡。一者據汝所解。雖欲除六而不除一。以執六根是一體故。

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

融室云三界凡夫正執有六。初果修惑未斷。不解了。一亡六。却認六結祇是一結。故亡其六。猶有一存阿難所結是。一。一是轉六總歸之一。故名一結。世尊所示入一六淨。一是六中之一。一是爲一門真妄既異。二同。非。

又初果人不取六塵。名爲六消。執根有體。故未亡。一。溫陵云以後文證此乃方得人空而未能成惑解脫也。

般若云須陀洹名

爲入流而無所入。不入色聲香味觸涅槃亦云須陀

洹人雖生惡國以道力故不作諸惡。不因六塵所惑

不造新業。或認六塵消處見惑不生執一無爲果體

故云猶未亡。一。孤山云須陀洹人直得六消猶未亡者執有涅槃也。以小乘所證全是一無明故補遺云消六之義且就初果破見分齊一番六塵義言之如破無明有分破之義今分破六塵亦名銷六以執有涅槃爲未亡其一。

△資中不因六塵所造新業名爲六

消尚迷六根而爲一體故未亡。一。

按長水初解用本經解六義次解用

般若破見義資中得六消依般若義未亡一。

用本經義肯定二解斯爲兩合。正二喻顯。

經如太

虛空參合群器由器形異名之異空除器觀空說空爲一。彼太虛空云何爲汝成同不同。何况更名是非一則汝了知六受用根亦復如是。一。太虛如來藏也群器六塵也。異空六根也法界藏體非一非六。由塵發知成六根異塵若不緣根無所偶六既不立。一亦不成尚非同異之名豈安六一之相。一。冥與云群器

如見精等△融室云空爲圓湛器卽諸根空交參合於群器說各老異之空湛隨拈應於六根現爲生滅之湛除器觀空爲一離根言湛是同空之同異在器不在空湛之六一。在根不在於湛空本無同不同。

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

况非是一非一。湛豈有一有六根歸一六亦非因喻了法故云亦復如是△海印云虛空叅合群器遂名爲異除器觀空又說爲一虛空豈因形器以成同異同尚強名況說是一非一△滿益云浮根四塵如器根中之性如器中空也△二廣明根結之由△溫陵云一六既無而現有六根者由粘湛妄發耳故原其妄發之源以示之△文經由形暗等二種相形於妙三別明六④一眼根經四大因各眼體如蒲萄朵浮根四塵流逸奔色△本圓中粘湛發見見精映色結色成根根元目爲清淨四大因各眼體如蒲萄朵浮根四塵流逸奔色△本一圓常妙湛明性所相妄現分明暗殊明暗相形動覺湛性性相和合執成妄覺故云粘湛發見斯則所既妄立生汝妄能也△孤山云二種相形所既妄立也粘湛發見生汝妄能也流逸奔色△直解云等字等取青黃顛色乃至極迥極畧等明暗相凌故曰形△釋要云粘者和

合執著之義△王舜興曰八識生滅與不生滅和合卽粘義也見精卽妄覺也能所相熏等相交織根結便成故云結色成根△溫陵云見色眼塵也二者妄結以成眼根△釋要云見精卽第十八見分最細故曰精色卽第八相分由能見故境界妄見由相織故結成眼根△融室云湛入於見則爲見精此精映於形顯二色是名映色緜結此色爲能見之根既覺明相雜粘湛合成由是名爲清淨四大卽勝義根也△清淨四大染中說淨有增上勝力非同染用能造所造八法爲体能造地水火風所造色香味雖彌是不可見有對色能照境發識乃聖人所知之境其義深遠非同塵境粗淺故名清淨此是染中說淨非無漏妙明之淨也△熏聞云內五根亦言色者以清淨四大所造非粗顯之質故不可見勝義根色屬不可見而有對礙

故寄世俗根所依處蒲萄之相表顯勝義奔取本境

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

## 明暗之相故云流逸奔色下之五根大意皆然

宗鏡

釋云

清淨五色根。即是不可見有淨色以爲軀能發生意識。有照境用謂於眼中一分淨色。如淨醍醐此識有故。眼識得生無則不生。△洪敏鈔云因名下。卽浮塵根亦名世俗根。以粗淺易知故。番前立名亦用能所八法爲軀。今言四塵者。但舉所造也間。浮塵但以勝義爲依處不能焰境發識。何以言流逸奔色答。理實勝義。然浮塵是所依處。舉所依顯能依也。又連上清淨四大爲言。義亦無失。△熏聞云。如蒲萄子。喻浮根之相也。△釋要云。眼軀卽浮塵爲勝義所依之軀。浮根奔色卽勝義在浮塵中流趣奔色也。△相庭云。如蒲萄子。卽浮塵根也。而曰浮根。四塵流逸奔色者。非浮塵奔色。言能見者於浮塵處。趣外奔色耳。△溫陵云。此根之元攬四大而成軀。以未奔境故名清淨。當此之時。如蒲萄子而已。軀雖具而識未流。所謂但如鏡中。無別所知。及流逸奔境。則染故轉名浮根四塵。不名清淨四大也。△私謂竹庵溫陵皆指浮根屬勝義。義別構李然蒲萄子畢竟是浮根相。古釋未可非也。眼識是現量境。正當流逸奔色。亦如鏡中。無別分。

杆溫陵解。流逸似同。刹那流入意地。卽濫下黏湛。發光之文。○引證俱舍論云。云何眼等諸根極微安布。老別眼根極微在眼星上。傍布而住。如香菱花清徹。膜覆陳譯青色所覆。令無分散。有說重累。如左而住。耳清徹故。如頗胝迦。不相障碍。頭宗論云。眼根極微居眼星上。對向自境。傍布而住。云云。未云如秋泉池。不相障碍。

△二耳根經由動靜等二種相擊。於妙圓中。黏湛發聽。聽精映聲。卷聲成根。根元目爲清淨四大。因名耳體。如新卷葉。浮根四塵流逸奔聲疏聽精。卽妄覺也。既動靜平相擊。發動真成妄。失真湛性。遂發聽精。卷彼聲影結影成根。聲性虛散。故須卷攝以成聽義。既

卷成根還如卷葉。融室云。舒聽精以映聲。遂卷所聽。居耳穴內。旋環而住。如卷憊皮。△瑜伽云。數數。於此聲至於聞。故翻爲耳。是能聞義。△三鼻根經由

170 1 2 3 4 5 6 7 8 9 180

1 2 3 4 5 6 7 8 9 190

1 2 3 4 5 6 7 8 9 200

通塞等二種相發於妙圓中。黏湛發艱艱精映香。納香成根。根元目爲清淨四大因名鼻體如雙垂爪浮根四塵流逸奔香。疏通塞相發覺明映香於妙圓湛

結成鼻處。香氣上騰根垂下取如雙垂爪。

俱舍云鼻頰內背上面下如雙爪甲此初三根橫作行度處無高下如冠華鬘翻譯云或云鼻如盛針筒△瑜伽

云數由此故能艱於香故名爲鼻是能艱義△四古根經由恬變等二種相參

於妙圓中黏湛發嘗嘗精映味絞味成根根元目爲清淨四大因名舌體如初偃月浮根四塵流逸奔味。

疏恬變交參妄真黏合心境相結攬以成根約所依

相如初偃月。

融室云綾縛衆味以成根故如初生月偃仆相故△熏聞云有味爲變無味爲

毛端量非爲舌根極微所遍翻譯云或云舌如偃月刀△瑜伽云能除飢渴數發言論表彰

經由離合等呼名故名爲舌是能嘗義△五身根

經由離合等

二種相摩於妙圓中黏湛發覺覺精映觸搏觸成根

根元目爲清淨四大因名身體如腰鼓頸浮根四塵流逸奔觸。疏離合觸摩湛圓隨妄覺觸相待搏取成

根能造所造二具八法是不可見寄所依處如腰鼓

頸俱舍云身根極微徧住身分如身形量女根極微量身根極微是彼同分故如是說設徧發識身應散壞以無根境各一極微爲所依緣能發身識翻譯云或云身如立載梨△瑜伽云諸根所隨周徧積聚故

170 1 2 3 4 5 6 7 8 9 180 1 2 3 4 5 6 7 8 9

名爲身是積聚義亦依止義安般守意經云何等爲身何等爲牴骨肉爲身六情合爲牴△熏聞云腰鼓類或作鑿哩蒼云鼓槌也補遺頤息朗切鼓類腰若今杖鼓繫著腰中者頤則鼓之匡也腰鼓之頤兩頭闊中央闊不知人身何以似彼按婆沙論此明女根非通明人身根也舊婆沙經由生滅等二種相云女根隣虛如大指△六意根經爲清淨四大因名意思如幽室見浮根四塵流逸奔續於妙圓中黏湛發知知精映法覽法成根根元目爲清淨四大隨一攝故如前五根亦名四大居在身中不彰外相如幽室見手鑑云謂此意根大小乘中各不同故正法念經形如蓮花上有七合朝開暮合色落謝諸塵成意根故根境既結奔趣無休以六根中隨一攝故同喻如前五由是意根亦名四大

法所攝光明經云意根分別一切諸法大乘意根即第七識法相宗亦云是心然云色云心皆是虛妄旣迷一真心亦質閻如前文云起爲世界故此妄心亦同色法而破終實教中顯圓四之義非權小堅執爲實應立量云意根是有法定色法故爲宗因云以六根中隨一攝故同喻如前五由是意根亦名四大然此意根本由生滅妄塵所結妄塵不離妄覺影明若以有色無色爲評論者猶邀空花結爲空菓正顯也孤山云根元下此取肉團心根爲慮知之所託也也權小說心但得其末互相評論其過如是故此所明六皆四大無相違也勝義根還是清淨四大如幽室見卽浮塵根爲意思託附如處幽室正法念經云如蓮花開合者是也△補遺云舊婆沙言意旣無牴不可說形量今經旣就慮知所託肉團則如幽室之見也清淨四大託於肉團之內引發意思而外緣法塵如處幽室而見於外六根中眼等勝義皆發於外唯意之勝義在內故有室喻又前五根皆有竅穴通外唯意所託包在肉

170 1 2 3 4 5 6 7 8 9 180 1 2 3 4 5 6 7 8 9 190

1 2 3 4 5 6 7 8 9 200 1 2 3 4 5 6 7 8 9 210

團亦能引思故譬幽室。又應如幽室。如意之浮塵根也以勝義附託其內故云見耳。△海印云最初所結清淨四大名勝義根以裹藏識意識處此暗中故如幽室見。△俱舍云或於身中隨所依處上下差別說根次第謂眼所居最居其上。次耳鼻舌身多居下意無方處有所依止諸根生者故最後說眼耳不定謂眼於色有時取小如見毛端有時取大如暫開目見大山等有時取等如見蒲萄如是耳根聽蚊雷等所發種種大小音聲隨其所應大小等量意無質碍不可辨其形量老別。△翻譯云絕利圓耶此言肉團心卽意根所託也。◎二總結二西結由迷發現經阿難如是六根由彼覺明有明明覺失彼精了黏妄發光疏性覺之體本有真明由彼妄覺影明忽起遂令真覺隱於精了失真照性妄覺影明白相黏執熏變擊發結成六種知見之光故此六根由迷發現發現之相廣見上文桐洲云粘染妄

塵發六用光喻火本有燒性著物則熾然發生。△溫陵云有明明覺卽性覺必明妄爲明覺也粘妄發光則妄有見覺也。◎經是以汝今離暗離明無有見體二結離塵無軀。標指離於六境何有六根。△溫陵云了是能黏譬如眼識不能自生必由明暗二塵引起纔有此識若無前塵識無所有有前塵則有識有妄識則六根次第應用一點老錯不得皆是情識分部也。○三正示入一之門經汝但不循動靜離合恬變通塞生滅明暗如是十二諸有爲相隨拔一根脫黏內伏伏歸元真發本明耀耀性發明諸

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

餘五黏應拔圓脫疏汝但下六句不隨六境也隨拔

下七句一脫圓消也執境成根因根有礙執心不起

諸境自亡既不相纏自然圓脫下文云見聞如幻翳

三界若空花聞復翳根除塵銷覺圓淨淨極光通達

故云伏歸元真發本明耀楞伽云不了心及緣則生

二妄想了心及境界妄想則不生妄既不生卽發明

耀皆斯義也

吳興云阿難所疑一入六淨正釋在此  
如於耳根不循動靜卽是脫黏智契於此  
理各爲內伏△補遺云應拔圓脫者應言其疾圓言  
其俱也△桐洲云伏歸元真發本明耀卽下文旋見  
循元於本明處發現心光也本耀發明如二禪中光  
光相然焰耀無盡以發明故餘之五根無復粘湛故  
云應拔圓脫△私謂伏還元覺則非失彼精了也發  
本明耀則非粘妄發光也①四結顯真覺之理二②

二畧  
標示

經不由前塵所起知見明不循根寄根明發由

是六根互相爲用

而見聞覺知由塵所發畢竟無體

今非此等斯揀妄也明不下顯真謂真覺妙明不循

根境卽不逐緣生不因境起了然自覺卽是性明圓

覺亦云無知覺明不依諸礙此亦揀非知覺顯是真

明豈依根塵而始顯發故云寄也由是寄故互相爲

用吳興云寄二種根覺明開發故千二百功德根根  
用互用也寄根明發如智論云報生天眼在肉眼中  
此乃寄於肉眼而得天眼今之覺明知見寄諸浮塵  
勝義而發也△溫陵云粘妄則由前塵循浮根脫粘  
則不由不循直寄而已△孤山云用有真似似如法  
華真如華嚴法華明持經功德莊嚴六根皆得清淨  
真用則根根皆明互用成用如華嚴卽於眼處作耳  
處佛事等△手鑑云此顯證真起用約位明之卽相

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

似分滿也。前云從何折伏。昔攀緣得陀羅尼。入佛  
知見斯由隨拔一根脫粘內伏故得不由前座所起  
五眼三智開明而互用自在也無漏意識引五識生  
一皆能通緣一切境故然六根既自在六識六境  
亦自在由是根境識三皆自在故方曰平用若細分  
別有十二重謂各有四句一根自在四句一根發六  
識六根發一識一根焰六境六根焰一境二識自在  
四句一識依六根六識依一根一識緣六境六識緣  
一境三境自在四句一境應六根六境應一根一境  
牽六識六境牽一識前云十方如來及大菩薩於其  
自住三摩地中見與見緣并所想相如空中花本無  
所有此見及緣元是菩提妙淨明昧下文諸根若圓  
拔已內瑩發光如是浮塵及器世間諸變化相應念  
化成無上智覺皆如此境界耳○引證清涼云諸識  
身所用別者眼唯見色耳唯聞聲等二緣會不同者  
眼與色等而爲緣故耳用聲等爲緣故三眼無耳用  
眼識不合餘根者亦對六根互用義說以互用義或  
言眼根發於眼識而了六識餘根亦爾卽第三意對  
之或言眼根能發六識以了六境此意對之此識不對  
美

合餘根此根亦不發餘識更有說言言互用者眼根  
發耳識而能觀於香等△智論四士是心相無有住  
處若內若外若大若小以禪定力故其心調柔疾徧  
諸身還復亦速譬如十頭龍眼耳各有二十及有十  
口心一時用龍及粗身尙尔何況菩薩○列子云外  
內進矣而後眼如耳耳如鼻鼻如口口無不同心  
形釋骨肉都融不覺形之所倚足之所履心之所受  
言之所藏如斯而已則理無所懸矣又曰孔丘能廢  
心而用形亢倉子能以耳視而目聽亢倉子曰傳之  
形質者心智之室宇耳目者視聽之戶牖神苟徹焉  
則視聽不用戶牖焰察不得墻壁○二廣釋成四  
一約人經阿難汝豈不知今此會中阿那律陀無目  
便用鉢提異舌知味舜若多神無身覺觸如來光中映令  
暫現既爲風質其體元無諸滅盡定得寂聲聞如此

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

會中摩訶迦葉久滅意根圓明了知不因心念疏  
那律陀云無滅以多睡故如來呵之七日不眠則失  
雙目佛令修天眼繫念在緣四大淨色半頭而發見  
障內外明暗皆矚照三千界如觀掌果故云無目而  
見跋難陀云歡喜與難陀龍常護摩伽陀國法華文  
陀名歡喜跋翻善兄弟常護摩竭提國△慈恩云第  
一名喜次名賢喜此二兄弟善應人心風不鳴條雨  
不破塊初令人喜後性復賢令喜又賢故以爲名  
雨澤以時民無饑年瓶沙王年設大會報龍之恩人皆歡喜從此得名難陀云  
歡喜爲目連所降無耳而聽未詳緣起無盡云龍耳  
聽爲聲神而能  
宛伽亦恒伽此云天堂來此河從無熱惱池南面  
銀象口出流入東印度

主河之神爲女卽畢陵伽婆提咄小婢者非鼻未見  
其緣驕梵鉢提此云牛相有牛疴病事具第五異舌  
未見別緣或可旣云牛相卽其牛舌也而能辨了人  
所食味故云異舌知味舜若多云空卽主空神也無  
色界天亦是此類隨其所主亦無色質旣爲風質者  
此約體不可見故云元無以佛力故故能暫現亦顯  
有定自在色無業色也無色界天淚下如雨正是此  
事得減盡定大小俱有然修意不同謂減六全盡七  
染分釋要云留淨分不斷要持種○宗鏡五十問住  
減定者於八識中減何等識答但減六識以第  
八識持身故論云契經說住減定者身語心行無不  
皆減而壽不減亦不離煖根無變壞識不離身此位

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

中若全無識應如瓦礫非有情數誰能執持諸根壽  
煖豈得名爲住滅定者小乘是事滅大乘是理滅小  
乘但明事滅唯滅六七心心所法不滅第八等大乘  
滅定具有五蘊有第八識及第七淨分末那平等性  
智在故清涼云一切法滅盡三昧智通也摩訶迦葉入雞足山待彌勒佛  
俱舍卽云已入涅槃餘說入定聖說雖爾若例今經  
付囑阿難故知入定涅槃俱不可測旣知身在已滅  
意根圓明了知不妨作用故維摩云不起滅定而現  
諸威儀卽斯義也薰聞云此卽九次第中滅受想定知此約出定時說不因心念還指曾滅意根私謂溫陵云雖滅意根而能了知此應指在定時說例上無目而見等義應如是不因心念正明不循根之義熏聞謂約出定時說非也然上所說欲顯真空不假根塵且引六人略以爲比於中有業報所

者有修得者有發真者修得發真正是真用業報所  
感以淺况深俱是不由根而覺知無失耳寂音云  
聽不必二龍也岐無目能行水母以蝦爲目不必那  
律也蠻蟻以身爲鼻不必恒神也蜂以腋爲舌不必  
驕梵也風拒之則怒御之而行不必舜若也嗚呼衆  
生爭於口耳鼻舌數十之間自以色香觸味爲異豈  
不哀耶

◎二經阿難今汝諸根若圓拔已內瑩發光融法就體

如是浮塵及器世間諸變化相如湯消水應念化成  
無上知覺疏三界萬法皆由無明妄念而得分別今  
六塵旣拔塵無所黏妄念不生性明內瑩故得浮塵  
幻相器界虛空一體圓成歸無上覺故下文云聞復  
翳根除塵銷覺圓淨淨極光通達寂照含虛空却來  
不哀耶

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

觀世間猶如夢中事。又云汝等一人發真歸元。十方虛空悉皆消殞。况諸世界在虛空耶。斯則無法融真。一切常住無情成佛復何怪耶。若謂無情不能起行。無成佛義。斯則何異猶邀空花結爲空菓。法空智塞我相見深。無情若使不成心外有法。宛爾空談圓實。心語相違。豈不謬哉。吳興云真智如湯妄境如宗水了妄即真化成知覺 無識界中。內爲六根所燦。外爲六塵所結。觸途現境。寓目生情。如獮猴六處俱黏。類蜘蛛諸塵盡泊。見不超乎色界。聽不出乎聲塵。若投納之魚似處籠之鳥。進退俱阻。如羝羊之觸藩。驚懼齊臨。若乳燕之巢幕。若

能知塵是識。了物卽心。不爲延促所拘。豈令大小所轉。卽能隨物應跡。赴感徇機。不動道場。分身法界。舉事例  
頭經阿難如彼世人聚見於眼。若令急合。暗相現前。六根黯然。頭足相類。彼人以手循體外繞。彼雖不見頭足一辨。知覺是同。宗鏡如彼世人聚見於外者。此先明世見。非眼莫觀。若令急合。則無所見。與耳等五根相似。彼人以手循體外繞。雖不假眼。而亦自知。此況真見。不藉外境。疏此則近以世人六根隔越。不相通用。尚有知覺同者。豈況真覺須假根塵。六根無辨。故云黯然。頭足不分。故云相類。若以手摸頭。頭足明辨。

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

與見無異。故云知覺是同。

溫陵云。聚見於眼。圓明有見之時也。

無見之時也。既六根頭足。黯然無辨。而觸之立辨。一如明時。由是驗知。有明白發暗。不能昏者。人人具有一耳。△私謂循體外繞。彼人以手自繞其軀。以頭手俱

一人之身。假是以頭同覺也。茗溪云。循軀謂繞他人之軀。消文殊誤。近師又執此說。以證人譯人。闕畧相蒙甚矣。⑤四指妄結真經。緣見因明。暗成無見。不明白發。則諸暗相永不能昏。根塵既消。云

何覺明不成圓妙。

宗鏡

緣見因明。暗成無見者。此牒世間眼見須仗明暗。因緣根塵和合方成於見。

疏云。初二句。指生見。故云緣見。

不明白發者。此正明真見之時。見非是眼。既不屬眼。又何假明暗根塵所發。則不明之明。無見之見。自然寂照靈知。何曾間斷。世間明暗虛

幻出沒之相。又焉能覆蓋乎。是以明不能明。暗不能暗。故云。則諸暗相永不能昏。真性天然。豈非圓妙。

疏云。不明下。結真謂不逐緣生。不由境起。湛然常照。明不能發。暗不能暗。純一真覺。內瑩清淨。此體發現根塵識心。一時圓妙。故前文云應念化成無上知覺。若不假明暗等見。見色之時。則見餘根。若離念。徧法界見。鐵圍山一切相。皆不能蔽。若六根伏。則不能得六根相。一翳在目。千花亂飛。

一妄動心。諸塵併起。若能離念。則當處坐道場。轉大法輪。俱成佛道。

紫柏云。夫因明而見物。明謝則不見矣。故曰緣見因明。暗成無見。不見明滅。動靜通。寒暑恬怡變。變暗暗明明。本一精明。映彼六者。流而不返。近取諸心。則爲生滅遠取諸

而見物。一切暗相現前。而我無待之見。本自昭狀。故曰不明白發等。外心別無生。外心別無滅。如生生滅滅。動靜通。寒暑恬怡變。變暗暗明明。本一精明。映彼六者。流而不返。近取諸心。則爲生滅遠取諸

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

刺彼疑情  
直謙斷滅

物則爲明暗晝夜古今寒暑之多也。而天機深者悟一塵汎而上之。餘根齊拔矣。此指眼根脫粘而入也。乃至意根則緣知因法無法無知不法自知。則諸滅相永不能惑。○上正明二義科竟。

(○二別破疑情。卽修行方便下三大科之一。是中分三子科。一真識斷結疑。卽羅喉擊鐘一章。二解結因體疑。卽諸佛同音佛說長偈一章。三六解一亡疑。卽天巾解結一章。從此去盡六卷。從三摩地得無生忍初文二八。一阿難伸經。阿難白佛言。世尊如佛說言。

因地覺心欲求常住。要與果位名目相應。

難四(乙)一經世尊。如果位中菩提涅槃真如佛性。菴舉果常住。經牒前起難。二叙疑。

摩羅識空如來藏大圓鏡智。是七種名稱謂雖別。清淨圓滿體性堅凝。如金剛王常住不壞。疏菩提云知覺即智果。涅槃云寂滅。卽斷果離僞妄無遷改。故曰

真如。唯識第九真謂真實。顯非虛妄。如謂如常表無變易。宗鏡云古釋遣妄曰真。顯性曰如藏和尚拂此義云無法非真。何有妄可遣耶。則真非真矣。無法不如。何稱理可顯耶。故如非如矣。斯則無遣無立。爲非安立。之真如矣。照察不變名爲佛性。涅槃云今日如來所是佛性。我佛法中。喻如淨刀。△宗鏡云菴摩羅云淨識。湛若太虛。佛性明珠皎同朗月。

無垢離障所顯。卽白淨無垢識也。清涼云真諦三藏說有九識。第九名阿摩羅識。若唐三藏此翻無垢。卽第八異名。謂成佛時轉第八識以成此識無別第九。若依密嚴經。心有八種。或復有九。又下卷云。如來清淨藏亦名無垢智。卽同真諦所立第九。△宗鏡云第八本識居初位而唯號賴耶處。果位而唯稱無垢。不與妄染相應。含藏無量功德名空。

如來藏能現身土離倒圓成鑒周万有各大圓鏡智。

清涼云又真諦三藏所翻決定藏論。九識品云。第九名阿摩羅識。有二種。一者所緣。卽是真如。二者本覺。卽

奧卽此疏所云稱謂雖別耳。二頸因無常經若此見聽離於明暗動靜通塞畢竟無體猶如念心離於前塵本無所有進退成疑云何將此畢竟斷滅以爲脩因欲獲如來七常住世尊若離明暗見畢竟空如無前塵念自性滅進退循環微細推求本無我心及我心所將誰立因求無上道疏離塵無體六根皆然故前舉見聽後指意根猶如者指詞也因緣所起自體本無故云畢竟斷滅進退推求無我心者以分別不亡真覺難顯但有斷滅不覺妙常故云將誰立因求無上覺標指阿難示相懷疑正同圓覺普賢徵釋用心彼云若彼衆生如知幻者身心亦幻云何以幻還修於幻若諸幻性

真如智能緣卽不空如來藏所緣卽空如來藏△十  
行品疏云莊嚴論頌云不離心真如別有心性淨淨  
本來淨識菴摩羅識卽是空不空如來藏按溫陵此  
中誤引寶積立三如來藏別有辨駁具如諸決△八  
識頌云大圓無垢同時發謂阿摩羅卽果中第八識  
唯與鏡智相應名無垢識熏聞云攝論以菴摩羅爲  
第九地論以大圓鏡爲第八兩論被物各有所宜天  
台依攝論說菴摩羅識名無分別智光立第九淨識  
也△宗鏡云大圓鏡智依法相宗卽本識爲鏡楞伽  
云譬如明鏡依衆色像現識處現亦復如是現識卽  
第八識依法性宗卽如來藏爲鏡如起信云覺狀者  
有四種大義與虛空等猶如淨鏡

**七名雖別一體無殊堅固凝然常住不動如金剛也**

二楞云七名雖別皆如來自證法門清淨卽妙湛圓滿卽總持堅凝  
卽不動金剛王卽首楞嚴王常住不壞卽究竟堅固  
常住真心也△私謂華嚴十行品說住無所得七種  
與此經並開七名彼經具含因果此經專目果位彼  
疏云無性之性卽是實性故舉多名方顯深住之深

170 1 2 3 4 5 6 7 8 9 180 1 2 3 4 5 6 7 8 9 190

1 2 3 4 5 6 7 8 9 190 1 2 3 4 5 6 7 8 9 190

一切盡滅則無有心誰爲修行云何復說修行如幻  
△吳興云進思常果退惟修因進思修因退惟斷滅  
疑情究竟轉若循環然△溫陵云離幻復真常住不壞  
是常住果見聽六用離塵無貣是斷滅法誤揣緣塵  
迷失常住還揣六用疑歸斷滅果地是常因心是斷  
因果違者安得相應實修證大患故須難明也(四)四  
結難經如來先說湛精圓常違越誠言終成戲論云  
求示經何如來真實語者唯垂大慈開我蒙惱疏如來說有  
湛精圓常洎今所推唯是斷滅明言雖有考實則無  
若此相違真實何在豈不同於兒戲之論耶(溫陵云復揣六  
語皆所謂直心訓我所問理應如是二二如來爲斷  
迷許說二○一斥經佛告阿難汝學多聞未盡諸漏心中徒

知顛倒所因真倒現前實未能識恐汝誠心猶未信  
伏誠心牒(前)吾今試將塵俗諸事當除汝疑疏分別  
見妄能所強生爲顛倒因(前云顛倒之處)迷常執斷名爲真  
倒(私謂真倒現前猶云真蘗現前也)今以現事驗令知悉無執斷滅  
故云當除汝疑(二約事廣明二用)一約聲塵顛其  
二○一問經卽時如來勅羅睺羅擊鍾一聲問阿難  
答無有言汝今聞不阿難大衆俱言我聞(一次)審聞鍾歎無聲佛

又問言汝今聞不阿難大衆俱言不聞(二審)時羅睺  
羅又擊一聲佛又問言汝今聞不阿難大衆又言俱  
聞(三又審聞)△私謂羅睺羅爲聲聞弟子中密行第  
一法華中云阿難常爲侍者羅睺羅是佛之子若

170 1 2 3 4 5 6 7 8 9 180 1 2 3 4 5 6 7 8 9

190 1 2 3 4 5 6 7 8 9 190 1 2 3 4 5 6 7 8 9

9

佛見授記我願既滿衆望亦足觀學衆記云當供微塵數佛護持法藏卽與阿難羅云同德故以二師總之今此會中阿難當機而擊鍾驗問特勅羅云世尊蓋明以槌撻椎擊信鼓寄頭親因記莖之因緣豈偶然哉什公云阿修羅食月時名羅睺羅秦言覆障謂障月明也羅睺羅六年處胎爲母所障故因以爲名也○二問經佛問阿難疏定汝云何聞云何不聞阿難答所以經佛問阿難審定汝云何聞云何不聞阿難大衆俱白佛言鍾聲若擊則我得聞擊久聲消音響雙絕則名無聞疏擊鍾三問審定稱聞欲轉問宗又令重釋一則斥成矯亂一則顯其性常令知生滅之中有不生滅不因聲滅不因聲生滅圓離卽常真實斯則了然常住何斷滅之有乎溫陵云此但無聲非謂無聞故必再擊疊問而審辨也△補遺云鍾聲爲音振物曰響生法師云敲空作響擊木無聲○二約塵問答三也一

問荅經如來又勅羅睺擊鍾問阿難言爾今聲不阿難大衆俱言有聲一次審聲少選聲消佛又問言爾今聲不阿難大衆答言無聲二審無聲有項羅睺更來撞鍾佛又問言爾今聲不阿難大衆俱言有聲三又疏少選審聲猶少頃也有頃猶頃尅也皆時之少分也三問三答只是定其言聲溫陵云上荅爲例此荅爲正聲有生滅聞性常在以聞同聲是以常爲斷也○二問經佛告阿難四次審定汝云何聲云何無聲阿難大衆俱白佛言鍾聲若擊則名有聲擊久聲消音響雙絕則名無聲疏問聲有無今釋所以前答聞之

有無亦以鍾聲起歇爲釋今答聲之有無亦以鍾聲

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

起歇爲釋將驗其情隨言印順耳。斥破經佛語阿難

及諸大衆汝今云何自語矯亂大衆阿難俱時問佛

我今云何名爲矯亂佛言我問汝聞汝則言聞又問

汝聲汝則言聲唯聞與聲報答無定如是云何不名

矯亂疏宗鏡擊鍾以辨真妄者卽聞性而可真舉聲塵

而辨妄水文同已下長若因聲有聞此聞不離聲若離聲有

聞此是真聞汝今但執隨聲之間此聞不離於耳只

合是聲不合是聞又言是聞又言是聲旣隨言印順

故成矯亂正破二就聞性破其斷見二二〇一破其執斷。經阿難聲消

無響汝說無聞若實無聞聞性已滅同于枯木鍾聲

更擊汝云何知知有知無自是聲塵或無或有豈彼

聞性爲汝有無聞實云無誰知無者疏初二句牒其

所計若實下五句破其斷無若實此聞隨聲而滅則

汝一身應如木石再擊鍾時如何聞響知有下五句

對釋無生有無之知自屬聲境且不關聞故云自是

聲塵或有或無聞法常然未曾起滅故云豈彼聞性

爲汝有無聞實二句反結有性聞若實無證無者誰

旣若知此是無聞者驗知不滅豈隨聲無塵或有或

無聞性未嘗有無所謂聲亦非滅聲有亦非生此卽不生不滅真常性也夫知無者亦因聞根不可謂無

聲則無聞也○經是故阿難聲於聞中自有生滅非

二顯其本常

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

爲汝聞聲生聲滅令汝聞性爲有爲無疏聞性不動

其猶鏡明聲之生滅正如影像

標指聲是塵聞是性如明鏡塵如影像

豈由影像有去有來令其鏡明爲生爲滅故下文云

音聲性動靜聞中爲有無無聲號無聞非實聞無性

聲無既無滅聲有亦非生生滅二圓離是則常真實

宗鏡云若真聞性如水不滅聲塵如風鼓波成浪故有聞性聲塵不起聞相不無而聞性不滅以性不滅

聲塵若來還有聞相如水不滅若風動時卽有波相○三結斥垂勸△汝尚顛倒惑聲

爲聞何怪昏迷以常爲斷終不應言離諸動靜閉塞

開通說聞無性疏鏡明不動影像隨形苟見象之去來而曰鏡之起滅者倒之甚矣聲聞無辨斷常遂迷

故此結勸不可更言離聞無性

二釋成三五一  
引睡人釋成不對經

如重睡人眠熟牀枕其家有人於彼睡時擣練春米

其人夢中聞春擣聲別作他物或爲擊鼓或爲撞鍾

卽於夢中自怪其鍾爲木石響於時忽寤遙知杵音

自告家人我正夢時惑此春音將爲鼓響阿難是人

夢中豈憶靜搖開閉通塞其形雖寐聞性不昏疏睡

人六識歸種思覺不行但任運聞卽真聞性

融室云睡以昧據諸定及了別意

約不隨根起非由作意故是真聞故下文云縱令在

夢想不爲不思無覺觀出思惟身心不能及故知卽

畧爲性畧據五識相應

東京大学総合図書館所蔵

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

# 顯真聞不須約喻

補遺云或砧杵聲爲鍾鼓響睡中

昧也△合解云重睡眠熟六根昏昧識想不行睡時擣練頭夢境聲塵現前夢中聞春頭根塵失偶根性不昧別作他物是獨頭意識顛倒夢時自佐根塵雙離引起亂意識非量比度忽寤知杵根塵復對自告家人等耳意二識明了如前是人下三句反頭根塵不對識不記憶三皆不和合也○引證瑜伽十一悟昧無堪任性名惛沈惛昧心極畧性名睡眠由此惛沈生諸煩惱隨煩惱時無餘近緣如睡眠者諸餘煩惱及諸睡眠或應可生或應不生若生惛寐睡眠必定皆起是故此二合說一蓋△宗鏡云夢寤所受憂喜苦樂悉從識變皆因想成並是明闇意識所行境界覺中是明了意識夢中是夢中意識覺夢雖殊皆不出意故云寤則想心寐爲諸夢若無夢則諸境不現無想則夢境不成以隨意生形從想立法故○二例死者釋成不斷

經縱汝形消命光遷謝此性云何爲汝銷滅疏

形命雖遷真常不動妄識尚在况乎聞性隨汝逐念流轉曾不開悟性浮妙常不循所常逐諸生滅由是生生雜染流轉疏隨塵生滅逐念流動無始至今未嘗停息不能於妙常寂絕念而游於真覺明亡

緣而照雜染流轉生之又生區區若是何由取證三結經若棄生滅守於真常常光現前根塵識心應時銷落想相爲塵識情爲垢二俱遠離則汝法眼應時清明云何不成無上知覺宗若了聞性卽成正覺如

勸結

疏倒不循妙常

三

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

起信云。一切諸法皆由妄念而有。若離妄念則無境界。老別之相故知妄念空。而根境謝識想消而塵垢沉。則法眼應時清明。靈光了然頓現。見聞本性既爾。諸根所現亦然。故經云。六自在王常清淨。故疏若能亡緣內照。不逐前塵。既不緣根。無所偶返。流全一六用。不行淨覺。現前寂照。明露斯則守於真常。根塵銷落也。想相卽境。情卽是根。根境識三俱能染汙。障翳般若於無生法不能明了。故名塵垢。今既遠離於法。明見卽是證無生忍。故云法眼應時清明。於大菩提斯可希冀耳。

文云。塵既不緣根。無所偶。十方標指守於真常。常光現前者下

國土皎如琉璃。內含寶月。根塵識三卽三德秘藏也。△冥興云。通別二惑。俱名塵垢。真似所證。皆歸法眼此眼具五方。曰清明。△溫陵云。不悟性常。故逐諸生滅。能守常性。常果可冀矣。前令審擇。常性爲因地。心而阿難牒難。故此結答也。

經文虛妄滅生伏還元。覺古本世本並同定本。伏字作復。標云作伏者非謬。妄如此。



